


U d'of OTTAWA



39003002343357



DIALOGUES DE TAHUREAU.

---

LYON

IMPRIMERIE DE ALF. LOUIS PERRIN ET MARINET

---

LES  
DIALOGUES

DE  
JACQUES TAHUREAU

GENTILHOMME DU MANS,

*Avec Notice & Index*


PAR

F. CONSCIENCE.



PARIS,  
ALPHONSE LEMERRE, ÉDITEUR,  
47, passage Choiseul, 47.

M. D. CCC. LXX.



P. Q

1705

T2 D4

1871



## NOTICE

---

**L**es Dialogues de Tahureau, classés dans les œuvres des conteurs du XVI<sup>e</sup> siècle, doivent être bien plutôt rangés parmi les dialogues satiriques qui furent écrits à cette époque. Quoique la plupart de ces ouvrages aient un caractère politique comme les Deux Dialogues du langage françois italianisé, le Réveil-Matin & le Miroir des François, le Dialogue du Maheufstre & du Manant & le Baron de Fœnefte, ils offrent tous la même structure. Le personnage principal, esprit sceptique & rigide, en révolte ouverte contre les préjugés & les calculs mondains, se fait un jeu de railler les sots & de démasquer les ambitieux. Il porte un nom bizarre, tiré du grec, Démocritic, Celtophile, Alythie, Enay, exprimant le mépris de la foule, l'amour du pays & la haine du mensonge; mais il emploie une langue claire, vivace

& merveilleusement propre à la satire, dont le modèle est pour nous la Satire Ménippée. Au milieu d'une société abaissée, l'auteur parle en homme droit. Il proteste quand tous s'inclinent ou restent indifférents.

De tous les ouvrages cités plus haut, les Dialogues de Tahureau sont les premiers en date. Ils ont plus particulièrement pour objet la censure de nos mœurs transformées par l'influence étrangère. Sous ce rapport, ils constituent des portraits d'autant plus intéressants que le temps auquel ils appartiennent, n'a laissé ni Caractères ni Dictionnaire des Précieuses. La gradation est nettement marquée de Tahureau à d'Aubigné, par Henri Estienne & Théodore de Bèze. Le premier, poète aimable dans ses vers, poète satirique dans sa prose, dépeint avec une inexorable ironie les folies des amoureux, les ridicules à la mode & les égarements des philosophes. Henri Estienne, qui avait attaqué la société religieuse dans son Apologie pour Hérodoté, porte la guerre contre une cour française d'où l'on s'effaie à proscrire la langue, les mœurs & la politique nationales. Théodore de Bèze & d'Aubigné, l'un avec un infatigable esprit d'analyse, l'autre avec une généreuse colère, dévoilent & flétrissent dans tout ce qu'ils ont d'odieux, les personnages & les événements d'une époque profondément troublée. La campagne ouverte par Tahureau, du fond du Maine, en Démocratie champêtre, s'est étendue rapidement jusqu'au cœur du pays, où, dans son développement & son importance, elle est demeurée ce qu'elle était à l'origine, la guerre de la vérité contre l'erreur.



*Les Dialogues de Tahureau ont été publiés pour la première fois en 1565. Suivant du Verdier, l'édition originale de ce petit livre remonterait à 1562. Cette opinion a été partagée par quelques bibliographes; mais l'avis de La Croix du Maine & de Cailleau, & la date de l'épître de Maurice de la Porte, à qui l'on doit la publication des Dialogues, ne permettent plus aucun doute sur ce point. Cette date, du 24 mars 1565, est d'ailleurs confirmée par le marquis du Roure dans son Analecra Biblion. Dans le même ordre d'idées, l'abbé Goujet regarde comme seule originale l'édition in-8°, donnée, en 1566, par Gabriel Buon. Cette dernière erreur a pour cause le texte du privilège qui, n'ayant pas été accordé pour l'impression des Dialogues avant le 3 juillet 1566, ne put paraître, pour la première fois, que dans l'édition de cette année.*

*Les Dialogues de Tahureau sont dédiés par Maurice de la Porte à François Pierron, ancien précepteur, puis grand vicaire d'Antoine de Vienne, abbé de Molefmes au diocèse de Langres. Six ans plus tard, d'après les conseils du même grand vicaire, Maurice de la Porte donnera son livre des Epithètes françoises. Dans son épître dédicatoire, l'éditeur des Dialogues fait connaître les motifs qui l'ont déterminé à publier cet ouvrage, & il en présente une analyse à son lecteur, avec quelques renseignements sur la vie de Tahureau. Ces indications trop générales peuvent à peine être complétées par la courte biographie de Guillaume Colletet. En y ajoutant les résultats obtenus jusqu'à ce jour, on arrive à la brève notice qui suit.*

Jacques Tahureau naquit au Mans en 1527. Fils de Jacques Tahureau & de Marie Tiercelin de la Roche du Maine, il avait pour trisaïeule paternelle, Anne du Guesclin, sœur du connetable de France, & pour grand-père maternel, Charles Tiercelin, seigneur de la Roche du Maine, célébré par Brantôme au livre II de la vie de ses Capitaines français. Il ne comptait pas de moins illustres parents dans la magistrature. Son grand-oncle, Pierre Courthardy, était premier président au Parlement de Paris, & son grand-père, Louis Tiercelin, président aux Requêtes du palais.

Suivant Colletet, Jacques Tahureau « s'adonna, dès la plus tendre enfance, à l'étude des bonnes lettres; ce qu'il fit d'abord dans l'université d'Angers où il esclatta merveilleusement; & après un voyage qu'il fit en Italie où il observa les mœurs des peuples & apprit la langue du pays, voyant nos poètes françois s'inviter les uns les autres à escrire d'amour, il voulut estre de la partie & se mit à composer plusieurs vers amoureux pour une belle fille qu'il aimoit passionnément & dont il chanta les louanges sous le nom de l'Admirée. Sa poésie, qui estoit assez jolie & assez mignarde pour le tems, le fit aimer & connoistre des plus signalez poètes de son siècle, comme de Ronsard, de Baïf & des autres qui le louèrent hautement comme à l'envy. Trop heureux s'il se fust maintenu dans la liberté naturelle où le ciel l'avoit fait naistre & qu'il ne se fust point abandonné à un funeste mariage! je dis funeste, puisque quelques auteurs de son temps n'imputent qu'à ce fascheux lien la seule & veritable cause de la mort

precipitée de ce jeune poète, trop ardent & trop amoureux. Ce fut donc sous le règne de Henry second que la France perdit ce beau génie, c'est-à-dire l'an 1555 (1), âgé de vingt-huit ans, seulement peu de jours après son mariage. »

Là se bornerait ce que l'on connaît de la vie de Tahureau, si, par le rapprochement de vers empruntés à *La Péruse* & à *Baïf*, M. Blanchemain n'avait établi que la Francine de ce dernier poète était une demoiselle de Gennes, & que l'Admirée de Tahureau n'était autre que la sœur de Francine. Le lecteur trouvera tout le détail de cette double découverte, qui ne peut être reproduit ici, dans les deux dernières éditions des *Odes & sonnets de Tahureau*, Genève, Gay, 1869, & Paris, Jouaust, 1870.

Quoique les vers de Tahureau lui aient, à juste titre, valu l'estime & l'amitié de Ronsard & de Baïf, & le premier rang parmi les poètes restés en dehors de la *Pléiade*, ses *Dialogues* n'ont pas moins contribué à sa réputation. De 1565 à 1602, ce petit ouvrage a eu quinze éditions. G. Buon, qui avait privilège d'impression

---

(1) Ce ne fut donc qu'un an avant la mort de Tahureau, que parurent à Poitiers, chez les de Marnefs & Bouchet, ses *Premières Poésies* & les *Mignardises* de l'Admirée. Mais il faut remarquer que depuis le 7 mars 1547, les imprimeurs avaient obtenu leur privilège. Ces deux ouvrages, que l'on trouve assez souvent reliés ensemble, ont été réédités à Lyon par Benoît Rigault, en 1574, & à Paris, en un seul volume, chez J. Ruelle; Robert le Mangnier; Abel l'Angelier; Nicolas Chesneau; Sonnius, & G. Buon.

pour neuf ans, a fait paraître les Dialogues à Paris, en 1565 & 1566, in-8°, en 1568, 1570, 1572, 1574, 1576 & 1580, in-16. Ils ont été, en outre, publiés dans le même format à Rouen, en 1583, par Nicolas Lescuyer, en 1585 & en 1589 par Martin le Mégiffier. On connaît deux éditions d'Envers, Pierre Vibert, 1568 & 1574, in-16. Il en existe enfin deux de Lyon, Rigaud 1568 & 1602; cette dernière accrue des Sonnets, odes & mignardises de l'Admirée.

Voici maintenant quelques particularités fournies par l'examen de ces diverses éditions. La première & la deuxième in-8° contiennent, à la suite de l'épître de Maurice de la Porte, un Aduertissement de l'auteur que l'on ne retrouve plus dans les éditions in-16. De toutes celles-ci, les unes, d'Envers & de Lyon, se terminent par un sonnet de Jacques Moysson à la louange de Tahureau; & les autres, de Paris & de Rouen, par l'adjonction de cinq pièces de vers sur la vanité des hommes, la constance de l'esprit, le parler peu, l'inconstance des choses & contre l'amour. Le sonnet de Jacques Moysson est tiré de la seconde édition des Dialogues où il a paru pour la première fois. Les cinq pièces ci-dessus mentionnées ont été prises dans le petit livret imprimé à Paris chez la veuve Maurice de la Porte (1), en 1555, sous le titre suivant :

« Oraison de Jacques Tahureau au Roy de la grandeur de son regne & de l'excellence de la langue françoise, »

---

(1) Mère d'Ambroise & de Maurice de la Porte. Elle eut pour successeur Gabriel Buon.

plus quelques vers du mesme autheur dediez à Madame Marguerite. »

*Tahureau avait laissé en mourant des manuscrits dans lesquels se trouvait une traduction en vers de l'Ecclésiaste &, on le suppose du moins, les Foresteries dont Vauquelin de la Fresnaye fait l'éloge dans son Art Poétique. Ces divers ouvrages, légués à Pierre Tahureau, frère du poète, étaient encore, en 1777, dans les mains d'un de leurs descendants mâles. D'autre part, La Croix du Maine possédait une copie des Dialogues, plus complète que celle donnée par de la Porte, & il se proposait de la publier. Ce projet ne paraît pas avoir été réalisé, car la dernière réimpression de l'ouvrage de Tahureau, celle de Lyon, P. Rigaud, 1602, ne diffère en rien des éditions précédentes.*

F. C.



Faint, illegible text, possibly bleed-through from the reverse side of the page.



LES

# DIALOGUES

DE FEV IAQVES TA-

HVREAV GENTILHOMME

DV MANS,

*Non moins profitables que facetieus.*

Ou les vices d'vn châcun sont repris fort  
âprement, pour nous animer dauãta-  
ge à les fuir & fuiure la vertu.

*A Monsieur M. François Pierron.*



A PARIS,

*Chés Gabriel Buon, au clos Bruneau,*

*à l'enseigne S. Claude*

---

1565.

DIARY

1867

1868

1869

1870





A MONSIEUR

M. FRANÇOIS PIERRON

GRAND-VICAIRE

De Monseigneur l'Abbé de Molefmes.

---

**M**ONSIEUR, quelque tems apres que Dieu eut appellé de ce monde AMBROISE DE LA PORTE mon trescher & bien aimé frere (duquel la memoire pour la gentillesse de son esprit malgré le dard iniurieux de la mort demeurera perpetuelle) ie trouuai parmi ce qu'il tenoit le plus pretieus ces deus Dialogues, ausquels le Democritic remonstre au Cosmophile: ausquels di-ie la folie de ceus qui sont reputés en dits & en faits les plus sages, nous est par la seule couleur de l'encre si naïuement depeinte, qu'vn Appelle premier de tous les peintres qui iamais furent, auroit

bien à faire avecq' ses diuerses couleurs d'aussi viuement dedans le tableau nous la représenter. De sorte qu'en iceus auant l'impression autre chose on n'eut peu requerir fors le nom de l'Autheur, qui ou par oubliance, ou pour l'esperoir qu'il auoit de les publier pendant sa vie ne s'est inscrit en sa minute originale. Mais (s'il faut ainsi parler) l'enfant est si bien né & ressemble tellement à ses freres qui long tems auant sa naissance ont esté d'vn châcun fauorisés & humainement receus, que le pere qui l'a engendré peut estre aisement reconneu. Toutefois quelques autres raisons encores plus praignantes ie déduirai, outre le certain témoignage que i'en puis porter estant oculaire témoin, lesquelles entendues ie m'assure que de vous & de toutes personnes de bon iugement il sera adoué pour fils legitime de feu IAQVES TAHVREAV gentil-homme du Mans, & comme tel sera bien-venu & caressé en vos bibliothèques. Il vous faut donq' sçauoir qu'icelui TAHVREAV apres auoir longuement fait profession des bonnes lettres tant en la langue Latine que Grecque, & d'icelles ataint la parfaicte connoissance : aiant aussi durant les sanglantes guerres d'entre nostre Roi, & Charles le quint Empereur, volontairement suiui les armes pour faire preuve de sa genereuse vertu, & affin de se contenter entierement passé quelques années à voir le païs, à son retour il s'amusa à discourir de l'amour, dont si doctement & mignardement il s'acquita (comme ses œures témoignent) qu'il sembloit entre les poëtes françois estre seul vraiment amoureux. Je me tai de l'oraison qu'il

dedia au Roi faisant mention de la grandeur de son royaume, laquelle pour n'estre moins sententieuse que faconde donne assés à connoistre l'excellence de son esprit, qui enfanta ces Dialogues lors qu'il estoit en sa plus belle fleur, & voiant les abus qui se commettent ordinairement en ce monde, opiniastrement approuvés par ce monstre testu, de iour en iour multiplier. Deliberant partir de ceste ville de Paris pour se retirer en son païs natal, il en laissa en ma presence la copie à mon frere sus-nommé, le priant de la voir & lui en mander son aduis : car non seulement lui, ains les plus doctes qui ont écrit en nostre vulgaire, l'estimoient iuge competent d'une composition françoise. Mon frere aiant satisfait à sa volonté, & apperceu que la lecture de son liure estoit grandement profitable, signamment à ceus qui de mille & mille sotes opinions ont leur pauvre cerueau enforcélé, il le lui fait entendre pour avec son consentement le mettre sur la presse. Mais d'autant que pour autres siennes affaires il esperoit dedans peu de tems s'acheminer par deça, il en fait surseoir l'impression de laquelle il desiroit voir le commencement. Or comme l'un & l'autre proposoient de nous donner le fruit de leur diligence & labeur, la mort qui renuerse à l'instant les entreprises des hommes, & qui rait aussi tost vne blonde ieunesse qu'une blanche vieillesse, eus n'estans encores paruenus au xxviij. an de leur aage, presque en un mesme tems trancha le filet de leur vie : Principale cause pour laquelle la copie du present liure est demourée si longuement dans le coffre enseuelie, minutée de la

propre main d'icelui TAHVREAV, ainsi qu'il peut estre verifié par ses lettres missives qui sont en ma possession: Argument peremptoire pour inferer l'auteur estre sien, parce qu'il n'est point vrai-semblable lui estant gentilhomme vivant de ses rentes, qu'il eut voulu si c'eut esté le labeur d'autrui, prendre vne peine tant laborieuse de laquelle vn de ses seruiteurs ou quelque mercenaire escriuain l'eut peu deliurer. Dauantage il s'en est bien apertement déclaré l'auteur, quand vers la fin du premier Dialogue en la personne du Democritic, il inuite le Cosmophile à dîner en sa maison, designant au vrai (ainsi que j'ai entendu par gens dignes de foi) l'assiete & le bastiment du lieu qu'il auoit au Maine. Je ne m'aiderai point pour la confirmation de ce que j'ai pretendu vous prouuer, de l'exemple qu'il allegue d'vn Guillaume Mesche de son pais, traitant de la medecine, m'assurant que d'icelui vous colligerés, tant les circonstances sont toutes bien décrites, ce qui vous est par les raisons susdittes desia persuadé. Puis donc que l'ouurier vous est ores suffisamment conneu, il ne sera point hors de propos que ie parle de l'vtilité de l'auteur, duquel (encore qu'il contienne vne seueres & mordante correction des vices, où la facetie quelquefois industrieusement est entre-mélée) il y a peu de personnes sous la voute des cieus preferans la raison à toute passion, qui avec la consolation de leur esprit n'en remportent beaucoup de profit. Comment aussi les hommes sçauroit on mieus instruire, que de leur apprendre la maniere de viure vertueusement par le

*blâme des choses vitieuses qui les en empeschent? Quel preseruatif meilleur pourroit estre ordonné aus ieunes gens contre l'amoureuse poison, que de leur decouvrir à l'œil la malice, finesse, piperie, de ce méchant, cauteleus & trompeur sexe féminin? Quelles armes plus propres en main leur scauroit on mettre pour resister & virilement se defendre à l'encontre de cet archer venerien qui leur meine incessamment la guerre, que de leur declarer l'issue malheureuse d'amour? Par lequel l'homme a esté de la femme (de toutes créatures la plus imparfaite) si follement encheuestré qu'il l'a receue pour compagne, mais ie dirai pour maistre: Laquelle nostre sage mere nature a denuée tant de forces d'esprit que de cors, preuoiant les abhominables inuentions dont elle s'aide voulant executer la rage de sa vengeance & satisfaire à ses passions desordonnées. Qui est aussi celui tant aduisé, qui eut peu échaper les sanglantes pates de cette furieuse beste, si ses cauteleuses ruzes eussent esté acompagnées d'vn raffis iugement? Et toutefois ô pitié! nous voions la plusgrand' part des ieunes hommes se soubz mettre à mille dangers pour ces belles-fardées dames, lesquelles ils idolatrent iusques à baiser l'ombre de leurs pantoufles. Et sont encor' ces simples pigeons tellement englués d'icelles, qu'ils se persuadent estre cordialement aimés quand ces traîtresses, s'il aduient qu'ils aient passé deus ou trois iours sans les aller mugueter, iettent avec leur feintes larmes quelques redoublés soupirs, & qu'elles éclatent de hauts sanglots pour les piper & deceuoir. Toutes*

ces astuces & trahisons sont aujourd'hui en si claire euidence que desormais la ieunesse sur faute d'aduer-tissement ne se pourra excuser, veu que les moiens lui sont donnés pour non seulement se retirer de l'amou-reus boubier quand elle y est plongée, mais aussi lui est monsté comme elle le peut euter, fuiant entre autres choses ces bâteleuses danses, sous lesquelles est couuée & engendrée la paillardise, s'adonnant à icel-les pour vn fol égard de plaire à ces desdaigneuses caignes qui ne s'en font que rire & moquer. Les prin-ces & grans seigneurs sont pareillement enseignés de ne prester l'oreille aus faus rapporteurs, parce que le mauuais raport est le vrai poison de ceus qui y croient: Ni d'écouter ces blandiffuns flateurs, qui ne leur mettent deuant les yeus que les grandes richesses qu'ils possèdent pour les induire à rigueur & tyrannie, estimans celui pufillanime & quasi indigne d'estre ap-pellé Gentilhomme, qui comme le bon pasteur enuers ses ouailles essaie par vne facilité & discretion tem-perée gagner le cueur de ses subiets: Ne considerans que la grandeur d'iceus prouient plus par cās fortuit que par leur merite, & que l'inconstante fortune peut éleuer ceus qui sont de basse condition, & tellement abaisser les grans seigneurs, voire mesmes les Rois & monarques de la terre, qu'elle leur fait avec les biens perdre aucunefois ignominieusement la vie, octroiant ses faueurs à qui lui plaist, les reuocant aussi quand bon lui semble. Cela n'estant inconneu à l'Empereur Tite, enquis pourquoi il soupiroit à la fin d'vn banquet auquel avec fort bon visage il s'estoit comporté, res-

pondit ainsi: Je ne me sçauroi laisser de soupirer & plaindre, me souuenant que mon honneur dépend du vouloir de fortune & que mes estats sont comme en sequestre, & ma vie comme déposée en gage. L'une des raisons qu'allegua Demetrius estant interrogué pourquoi l'heur de sa vieillesse ne correspondoit à celui de sa ieunesse, fut telle, Que trop il s'estoit appuyé sur fortune, laquelle l'auoit affoti par ses victoires & ne lui auoit laissé sens aucun pour se conduire en ses aduerfités. Sans rechercher dauantage les dits des anciens, ni les exemples d'iceus qui sont infinis, assés iournellement il s'en presente, par lesquels on voit les muables effets de ceste moqueuse fortune à l'endroit des grans seigneurs: ausquels leur est monstré semblablement à quelles gens ils doiuent commettre la ieunesse de leurs enfans, pour d'icelle en apres moissonner & recueillir les fruits qu'ils en attendent receuoir: Non à des Iaqués (comme l'on dit) qui aiment mieus les laisser viure en toute effrenée liberté, que d'offencer leurs delicates oreilles: & aussi d'autant qu'ils ne pretendent qu'à faire leur main, estant appellés au gouvernement de la noble ieunesse, se font d'eus mesmes aueugles, sourds & muets: Mais à ceus qui aians plus d'égard à l'honesteté qu'à leur particulier profit, mourroient plustost que de les permettre faire chose mal-seante à leurs personnes, lesquels toujours ils stimulent pour embrasser la vertu, comme le plus souuerain bien qu'ils sçauroient acquerir, ne leur proposant les villes, chasteaus, grans reuenus & estats qu'ont leurs parens, & les faueurs qu'ils ont en cour,

de peur d'enfler leurs cueurs de telles vanités mondaines, moiens plus propres pour emanciper vne impatiente ieunesse, qu'à la contenir en office & deuoir. Au nombre de ces vertueus & non mercenaires gouuerneurs, MONSIEVR, la tresnoble & tresancienne maison de Ruffey vous mettra des premiers: Principalement Monseigneur l'Abbé de Molefmes (l'vn des mieus acomplis seigneurs que la terre soustienne) qui pour auoir esté de vous ainsi diuinement institué, vous a retenu & retient encores de ses plus fideles & fauoris seruiteurs. Pour autant aussi que les gentilshommes sont enclins naturellement à suiure les armes, & leur plaijt le cliquetis d'icelles, il les admoneste, reprenant fort aigrement ceus qui font le contraire, que pour vne parole legierement proferee, ou pour autre friuole iniure ils ne pensent que leur honneur en soit offensé, & que de telles imperfections ausquelles sont suiets les hommes, ils n'aient à demander le combat sous esperance certaine qu'à eus comme innocens & blesés à tort la victoire demeure. Car quand leur particuliere querelle seroit aquitable, estant la faueur de Mars douteuse & commune, en icelle ne doiuent auoir fiance, l'eut il promis & assuré par seing & seel autentique: & pour faire acte decent à noblesse, doiuent reseruer le hazard de leur vie, au seul seruice de leur prince & salut de la republique. Vous aués amplement entendu comme la lecture de ce liure ne sera point inutile indifferemment à tous ieunes gens amoureux, puis aus princes, & grans seigneurs, maintenant vous apperceurés qu'elle sera autant ou plus proffitable à



ceus, qui aians la connoissance des lettres humaines, viennent à celle de la philosophie mere de toutes bonnes sciences, lesquels nostre autheur exhorte à se contenir dedans les fins & limites d'icelle, & de ne s'arrester à l'imitation des disciples pithagoriens, aus particulieres opinions des plus doctes philosophes soient anciennes ou modernes qui se puissent trouuer, si la raison acompagnée de verité leur repugne. Car quelle sottise seroit-ce de vouloir soustenir avec Platon (iaçoit que pour son eminent sçauoir ait esté nommé diuin) ie ne sçai quelles imaginaires idées? Qui croira selon Democrite & Epicure, le monde & ce qui est en icelui contenu, auoir esté composés par l'assemblément fortuit de petis cors indiuisibles qu'ils appellent atomes? Qui voudroit aussi reciter par le menu les diuerses couleurs dont aucuns depeignent l'ame, & la pluralité des logis que les autres lui établissent dedans le corps humain, cene seroit iamais fait. Vn autre inconuenient se presente à ces professeurs de philosophie, lequel mal aisement ils peuuent échaper, lors qu'ils sont guidés d'une trop grande curiosité: C'est que volontiers ils s'adonnent à l'Astrologie, de laquelle d'autant qu'ils passent coustumierement les bornes, ils deuiennent magiciens, puis alchimistes, ainsiparuenans de marche en marche au supremelatif degré de folie. Pour en ceste infirmité les secourir, il leur monstre les apparens abus de telles vaines sciences, il declare les sotes superstitions de leurs autheurs & leurs ruzes desquelles ils pipent les hommes à credit, se mélans apres qu'ils se sont follement amusés & abusés à mesurer la gran-

deur & le chemin qu'il y a d'ici aus cieus, de predire la mort des grans seigneurs, ou la longue vie d'iceus, assigner le tems que le monde finera, & parler des choses qui sont à vn seul Dieu conneuës comme s'ils en estoient les mignons secretaires: & en fin que toute cette humeur de leur cerueau quintessencé est distillée, qu'ils ont soufflé & resoufflé au charbon aus despens de quelque niais, & que de leur auaritieuse recherche s'est ensuiuie vne multiplication de tout en rien, ne sachant de quel bois faire fleches ils demeurent coquins & belistres. Ceux qui pour estre conseillers ou aduocats estudient à la loi, ne sont aussi sans aduertissement, leur remonstrant comme ils se deuroient contenter, lors qu'ils sont en telle dignité constitués, de l'argent qui leur est baillé sans contredit pour leurs sallaires & vacations, tant par les gentilshommes qui auront possible hazardé leur vie & celle de leurs enfans au seruice du Prince, que par les autres personnes desquelles souuentefois ils tiennent la meilleure partie de leur bien dedans vn sac, sans requerir double paiement en reuerences & gambades, & leur faire consommer le reste miserablement à la poursuite de leur quereleus proces. Je sçai qu'en cet endroit il sera trouué fort vehement par celui qui pour la conseruation de ses biens n'aura frequeté le Châtelet ou le Palais, mais non de ceus qui au lieu d'vn sac enportent le bissac. De la medecine & des medecins il parle en telle sorte, qu'il semble veu l'incertitude de leur science & l'outrecuidée inexperience d'iceus, cause des infinis abus dont ils nous abusent, que leur art &

leur pratique soient plus dommageables que necessaires. Il me souvient d'auoir leu que la medecine a flori en la Grece du tems des doctes & experimentés medecins, & que par l'ignorance d'aucuns elle a esté supprimée. Pour ceste mesme raison on pourroit faire le semblable en ce royaume où l'air est tout obscurci d'ignorans-superbes medecins, lesquels neantmoins sont reputés du populaire treffçauans, pour auoir plus par vne fauorable brigade, que par erudition obtenu des seconds, tiers ou quarts lieux de leur licence, de laquelle ceus qui sont mis en l'ordre penultime & dernier bien-souuent les surpassent en doctrine & experience. I'ai leu pareillement que les medecins par le commandement du bon Empereur Tite, furent chassés de Rome comme ennemis de la santé, & pour oster occasion aus hommes d'estre vicieus. N'estoit aussi que trop indiscretement nous lâchons la bride à nos concupiscences, nostre souueraine medecine seroit, n'yser de medecine. Quant aus theologiens, il ne les touche qu'en passant, lors qu'il traite de la varieté des religions, concludant la catholique estre la vraie, & celle qui demeurera ferme & inuiolable contre les assaus des ministres de Satan, en laquelle seule est le salut du fidele chrestien. Je vous ai bien voulu, MONSIEVR, faire ce long discours de ce qui m'a semble plus notable & qui est plus amplement deduit en ces deus Dialogues, affin que soiés assuré du contentement que prendra vostre esprit en la lecture d'iceus. Iesquels sans les vrgentes occupations qui depuis le decés de mon frere iusques à ce iour m'ont de tous

---

*costés enuironné, eussent plustot esté mis en lumiere  
soubz vostre sauuegarde & defence : Ne sachant  
homme au deffaut de leur naturel protecteur, qui aië  
de meilleures armes pour rabatre les coups de l'enuie  
coutumiere de blécer l'honneur de ceus qui reprenent  
les vices, ni qui eut aussi esté plus agreable à l'au-  
theur, duquel ceus qui desirent la renommée estre im-  
mortelle, se sentiront enuers vous perpetuellement  
obligés leur octroiant ceste gratieuse faueur. De Paris  
ce 24. de Mars 1565.*

*Vostre ami à-iamais,*

M. DE LA PORTE.





## ADVERTISSEMENT DE L'AVTHEVR.

**I**E ne doute point que plusieurs qui veulent particularizer en leurs premieres & folles opinions, n'auront presque veu le premier fueillet de mon liure, qu'ils ne me iugent incontinent estre quelque nouveau correcteur des bonnes & anciennes coustumes : mais contre tels opiniastres, autre defence ie n'ai deliberé proposer, si-non que ie veus plustot bien dire & croire avecques vn ou peu de gens de bon esprit, que faillir avecques vn grand nombre d'ignorans, m'estant du tout appuié sur le fondement de la raison, & non point d'autorité humaine simplement forgée de quelque pauvre cerueau renuersé. Te suppliant quiconque tu fois qui en faces lecture, d'en excuser le langage possible (selon ton aduis) rude & mal poli, aimant mieux qu'il se sente vn peu du vulgaire, ainsi que c'est le vrai naturel du Dialogue, qu'estant (comme celui de beaucoup d'autres liures) trop affecté, ceus qui en voudroient vser serussent de badins en vne compagnie. D'vne autre chose aussi i'ai à te prier, c'est que tu ne trouueras point estrange si ie m'égare quelquefois & principalement aux discours & fotes harangues de ces amoureux : Car outre qu'il est besoin d'entre-

lasser quelque chose ioieuse pour donner plaisir au lecteur, ie m'acommode semblablement à la personne qui parle, & à la matière laquelle est de foi-mesme tant fote & ridicule, que la traitant on ne peut vser que de moquerie. Au surplus ie m'affure tellement de l'honesteté acoustumée des sages & vertueuses dames que tant s'en faut que ie craigne qu'elles treuvent mauuais le blame duquel ie depeins les fotes & vicieuses, faisant aussi la condition de l'homme plus parfaite que celle de la femme, qu'au contraire ie croi qu'en cela elles si accorderont à mes écrits, confessant avecques moi qu'il y a ie ne sçai quoi en l'homme plus grand & plus parfait qu'en la femme. Aussi tout ce que ie di au mépris des fotes & outrecuidées, ne tend qu'à l'honneur & aduantage de celles qui sont sages & gratieuses : lesquelles de ce mot i'ai bien voulu aduertir, affin que leurs chastes & netes oreilles ne soient point offencées des paroles qu'elles entendront en ces Dialogues, les interpretant possible tout au contraire de mon intention, qui n'est encline à autre chose qu'à complaire aus honestes dames & à toutes autres personnes bien-nées, & n'ayant cet œuure entrepris à autre fin que pour adoucir le trauail & recréer le loisir des hommes de fain & entier iugement.





## PREMIER DIALOGUE

DV DEMOCRITIC

REMONSTRANT AV COSMOPHILE.

---

LE DEMOCRITIC.

**I**E ne trouue point moindre occasion de m'émerueiller, considerant les grans abus & fottes inuentions qui font entre les autres hommes, que de rendre graces à la haute & puissante nature, de m'auoir donné cette sincerité d'esprit qui ne me laisse aucunement surmonter par vne infinité de foles opinions, & faits irraisonnables qu'ils obseruent aujourd'huy entre eux avecques aussi grande superstition que si c'estoient les choses les plus parfaites du monde. Mais comment est-il possible qu'ils s'oublient iusques à là, que les plus grans fots sont estimez & tenus au rang des plus sages? Comment sont-ils tant aueuglez qu'ils ne trouuent rien parfait, que ce

qui est digne d'estre le plus moqué ? Bref tant plus i'en voy, & plus ils me donnent occasion de rizee & de moquerie. Je croy fermement que si les Philosophes qui ont fait la condition de l'homme tant grande & précieuse, eussent eu la conoissance des erreurs & folies de l'age où nous sommes, au lieu de le dire, outre tous les autres animans feul participant de raison, luy eussent donné toute autre definition, ou bien dit que la plus-grand'partie d'entre-eux n'ont seulement que la forme & effigie de la creature raisonnable, lesquels on peut conoistre, quand on leur voit delaisser vn ferme & raffis iugement, pour donner plus de lieu à ce qu'on leur donne à entendre de main en main, qu'à la pure & nette verité, aimans mieux par ce moyen croire aux choses les plus fausses à credit, que par raison aux veritables.

LE COSMOPHILE. Il me semble auoir entendu quelcun en ce bocage, qui a merueilleusement les hommes en grand mepris : ha ! le le voy où il se pourmene tenant ie ne sçay quel liure en sa main, ie m'en vai l'aborder, & si ie peux, i'aurai de lui resolution du propos que i'ay entendu : hau compagnon qu'à la bonne heure te puisse-ie auoir rencontré : comment ! il semble à t'ouyr parler qu'en méprisant la maniere de faire de nous autres, tu approuues seulement ta façon de viure, & ton esprit, comme si tu estois le plus grand ami de la nature, & feul engendré d'elle, ayant la conoissance des choses bonnes, & que tous les autres hommes aupres de toi fussent bastards & illegitimes en leur creation : ce que ie te prie oster de ton entende-



ment, à celle-fin que tu ne fois veu estre tombé au vice que les Grécs appellent *φιλαυτία*, qui est vne trop grande amour de foy mesme, aussi que tu ne dois faire la condition des hommes tant miserable, que tu les priues ainsi de l'usage de raifon.

LE DEMOCRITIC. Je ne veux point me faire si grand, ni tant abaïsser les autres, que ie me die estre seul entre tous les hommes, qui ait la conoissance de ce qui est necessaire pour le contentement de son esprit : & si te veux bien aduertir, que si tu as bien pris mes paroles & regardé de pres à ce que ie disoy, tu trouueras que ie n'ay point tant aneanti la condition des hommes, comme tu penfes, lesquels ie te confesse bien n'estre point sans raifon, mais trop bien te veux maintenir qu'elle ne leur fert non plus, que s'ils n'en auoient point : & tout ainsi leur en aduient il, comme à celuy qui porte au doi la pierre precieuse & orientale, n'en sçachant aucunement la vertu : car autant luy seruiroit vn verre, ou strin bien contrefait, s'il n'en a que le plaisir de la veüe. Et à celle fin de te le donner encores plus familiarement à entendre, prens en l'exemple fus quelque gros asne qui ne sçait rien & neantmoins ne laissera d'auoir la bibliotecque, ou cabinet fort bien garni de liures excellens desquels il ne s'en sçaura nullement aider : ainsi en est-il de ceux que l'on peut bien dire estre irraisonnables, quand ils ignorent la grande vertu & puissance de leur raifon, s'adonnans plustost à faire & croire mille badineries & tours de Singes, qu'ainsi que ie disoy à suyure la vraye voye qui les guide tout droit au sentier de raifon.

LE COSMOPHILE. Je croy que tu voudras tantost renoueler la façon du miserable Heraclite lequel a malheureusement consumé ses iours à pleurer la vie des hommes, subiecte à vne infinité de miseres : ou bien celle de Democrite qui au contraire pour raison de leurs grandes folies, passoit le tems à s'en moquer.

LE DEMOCRITIC. J'aimeroiy trop mieux fuyure la vie du second que tu m'as allegué, que du premier, t'asseurant que ie me donne le moins d'ennuy & de melancolie qu'il m'est possible, aussi que c'est bien le plus grand plaisir du monde, se voir exent d'une infinité de réueries & foles opinions où l'on voit la meilleure partie des hommes estre enuelopés : & en cela gist vn grand contentement de l'homme de bon esprit, prenant vn singulier plaisir d'en deuifer avec ceux que l'on peut sans faillir dire raisonnables.

LE COSMOPHILE. Mais ie te prie bien fort m'enseigner le chemin qu'il me faudroit tenir pour paruenir au but de ce contentement, & quelles choses sont à fuyure des hommes, & quelles à euter.

LE DEMOCRITIC. Vraiment puis que tu le desires sçauoir de moy, ie te le dirai. Ne me confesseras-tu pas que les hommes ne peuuent faillir, sinon qu'en donnant lieu aux choses mauuaises & contraires à leur conseruation ou à celles, lesquelles ne leur apportant aucun plaisir, sont comme folles, superflues & inutiles?

LE COSMOPHILE. Cela est vray.

LE DEMOCRITIC. Puis doncq' que les choses mauuaises, & qui n'apportent avecques soy aucun contentement sont à fuyr des hommes, il s'en ensuyt

qu'aucune chose ne doit estre receüe entre eux, qui ne soit bonne ou plaifante, bonne, c'est à dire necessaire ou vtile pour la conseruation de leur estre, & entretenement d'une politique qui signifie autant qu'en rendant le droit à vn châcun, on conserue en paix cette societé & compagnie humaine, & pour le relais des trauaus, auxquels outre les autres animaux creés de la nature, les hommes sont plus suiets, l'on se relâche à quelque plaisir honnesté, & tellement moderé, qu'il ne nous face priuer de cela dequoy la nature nous a voulu pouruoir outre les autres creatures : c'est la raison qui doit tant bien tenir la bride à ce plaisir, qu'elle ne le lâche aller à faire mille sottises & singeries, lesquelles n'apportans auecques soy aucun contentement ni profit, ne sentent rien moins qu'une constance & perfection virile.

**LE COSMOPHILE.** Il me semble que ton dire n'est point mauuais, & qu'il ne doit rien estre receu entre nous autres, qu'il ne soit bon ou plaifant, en la maniere que tu me l'as approuué.

**LE DEMOCRITIC.** Encore n'es-tu point trop éloigné de bon iugement, moyennant qu'il te souuienne de ce qu'à bon droit tu m'as confessé, & me fay bien fort qu'en m'écoutant parler, ie te reueillerai d'un grand & profond somme, auquel la plusgrande partie de ceux que l'on appelle hommes, demeurent endormis, & te semblera, si tu veux, apres m'auoir entendu, aiouter plus de foi à la raison & verité, qu'à une sotté opinion seulement approuuée par une longue coustume obseruée de cette grand'beste de plusieurs testes, que ie t'aurai retiré d'un grand borbier, où tu estoys plongé,

& mis en vn beau & plain chemin, non point encores batu, ni hanté de ceux qui demeurent & font arrestés en la fange de leur cerueau.

LE COSMOPHILE. Si tu n'es du nombre de ceux que l'on voit ordinairement plus promettre que tenir, ie me fentirai fort obligé à toi, & te promets bien ne m'arrester point tant à vne opinion du vulgaire, que ie feray à vne ferme raison.

LE DEMOCRITIC. Il s'en trouue assez, voire la pluspart des aueuglés, qui confessent bien ce que tu me viens de dire, mais quand ce vient à leur blâmer quelque folie, ou vice qui de longtemps a pris pié en leur esprit, il seroit plus aisé de déraciner avecques les dents vn fort chefne, que de leur arracher cette premiere opinion, en laquelle ils ont esté nourris & entretenus.

LE COSMOPHILE. Tu auras de moy telle fantasia qu'il te plaira, tant y a que ie t'en ai dit au plus près de ma conception, t'asseurant que si tu me fais entendre le monde estre tant abusé, comme tu dis, tu feras beaucoup pour moi de me monstrier telles erreurs, encores qu'il me semble n'auoir iamais hanté que gens qui sont reputés de bon esprit, & accomplis en toutes honnestetez, & ciuilitiez requises tant à ceux qui sont éleuez en quelque grand estat, qu'aux autres que la fortune a tant abaissés, qu'ils sont contraints faire office de seruiteurs, aufquels tant riches que pauvres bien apaisés ie me suis voulu regler, tâchant par tous moyens à les ensuyure, pour en estre mieux venu en toutes bonnes compagnies, me dépouillant au surplus d'un tas de fotteries & pre-

sumptueuses arrogances, desquelles communément s'acoutrent ceux que l'on estime niais & outrecuidez, pensans plus sçauoir que les autres.

**LE DEMOCRITIC.** Tu te trouueras bien loin de ton conte, si ayant pensé fuyure les plus sages, tu auoys fuyui les plus fols, & pour te le faire entendre, ie te demanderai par quel point tu as voulu commencer à te faire semblable à ceux que tu dis estre de tant bon esprit.

**LE COSMOPHILE.** Ie croy que tu ne me nieras point que la hardieffe de bien parler est la chose la plus requise à toute personne.

**LE DEMOCRITIC.** Non vraiment, & te dirai dauantage, que sans cela plusieurs qui ne laissent toutesfois à sçauoir quelque chose de bon, sont reputez pour fols & ignares, estant priuez de cette assurance : & au contraire qu'elle fait le plus souuent presumer d'un homme dauantage, qu'il n'y en a.

**LE COSMOPHILE.** Ie te di donq', puisque cette hardieffe & assurance de parole sont choses qui sont mieux estimer, & trouuer les hommes aux bons endroits, qu'il faut chercher le moyen pour les acquerir, en hantant ordinairement compagnie, & principalement de Dames & Damoiselles.

**LE DEMOCRITIC.** Tu ne dis pas tout, n'entens tu pas aussi qu'il faille faire l'amour à quelqu'une ?

**LE COSMOPHILE.** C'est le point où ie vouloi venir, entendu que l'amour fert plus à instruire vn gros & lourd cerueau, que ne font toutes les autres inuentions & artifices qui se puissent trouuer : & pour le iour-

d'huy, entre toutes les personnes de bon esprit, il s'en trouue peu qui n'ayent beaucoup appris faisant l'amour à quelque gentille Dame.

LE DEMOCRITIC. Voila bien la chose plus contraire à la verité qu'il est possible, car au lieu d'instruire vn homme, nous voyons tous les iours que l'amour fait deuenir la personne de peu d'esprit, fole du tout : outre que c'est bien la plus grande sottise qui sçauroit entrer dedans le cerueau des hommes, de se rendre fuiets aux femmes, creatures tant imparfaites qu'elles ne sont engendrees de la nature seulement que pour vne necessité de la conseruation humaine, & tout ni plus ni moins que les épines & herbes superflues ne seruent qu'à gêter vne bonne terre, ainsi sont la pluspart des femmes pour la confusion des hommes, i'enten principalement de celles qui se glorifient d'en voir vne bonne partie d'iceux par leur folie se soumettre à leur merci, & qui au lieu de leur donner quelque allegeance que naturellement sommes tenus departir l'vn à l'autre, en prennent vn trop grand & démesuré plaisir, pour voir ainsi messieurs les amoureux sottement passionnez : & en cela ne sont pas plus à blasmer les femmes par leur orgueil outrecuidé, que ceux-là lesquels n'estans pas dignes d'estre appellez hommes, s'asseruent contre toute raison à celles desquelles au contraire ils deuroyent estre seruis, pour estre les plus imparfaites, ainsi que ie te prouuerai de tous points. Premierement regarde si la femme sçauroit gouverner & entretenir vne Republique, rendant ce qui appartient à vn chacun comme fait l'homme.

**LE COSMOPHILE.** Pourquoi ne le feront-elles pas aussi bien que les hommes? N'en voyons-nous pas les exemples toutes évidentes des Amazones, lesquelles ont tant bien gouverné leur République, mené guerres & vaincu leurs ennemis, & le feroient aussi bien aujourd'hui comme elle l'ont fait, n'estoit le peu de liberté qu'elles ont de nous autres hommes.

**LE DEMOCRITIC.** Quant est des Amazones, elles ne peuvent pas être à bon droit louées du gouvernement de leur pays comme de chose qui ne leur étoit advenue que par trop méchante invention & outrageuse cruauté, de laquelle elle vsoient pour lors, comme elle font de tous tems coutumieres d'vser envers nous autres : c'est qu'à peine les pauvres enfans mâles auoyent le loisir d'être mis hors du ventre, qu'incontinent par leurs cruelles mains ils ne fussent priués de la vie, chose tant detestable, & contre nature, que le plus cruel des hommes auroit en grand' horreur, ie ne dirai pas de faire, mais seulement de penser, & n'eust esté la nécessité qui les contraignoit, elle les eussent tous payés de mesme monnoye : toutesfois pour n'auoir faute de leur sexe, elles s'en referuoyent quelques-vns qui n'en auoyent gueres meilleur marché : car outre qu'elles leur coupoyent les bras, ils estoient contraints de demeurer à iamais captifs & miserables, & ainsi les pauvrets ne pouant satisfaire à l'appétit insatiable & defordonné de ces chieures enragees, malheureusement finoyent leurs iours. Or regarde ie te pry' si pour le cruel & abhominable gouvernement des Amazones, les autres femmes en ont occasion d'aucune louange : & si tu

veux dire qu'elles ayent vaillamment emporté la victoire sur leurs ennemis, ç'a esté plustost par fortune & cauteleuse trahison, que par force ou grandeur de courage qui fust en elles. Et qu'il soit vray, la nature les preuyant tant pleines de ruzes & pernicieuses finesses, les a denuées du tout, tant de force d'esprit que de corps, & s'il s'en trouue aujourd'huy quelqu'une qui sçache vn peu caqueter, encores que ce soit sans raison, ou qui ait quelque adresse ou force de bras, cela est estimé comme chose monstrueuse, & qui aduient peu souuent : car si elles auoyent tous les deux ensemble, c'est à dire, la cautèle accompagnée de iugement rassis & force de corps, il s'en enfuyuroit mil inconueniens dommageables à la conseruation de notre sexe.

**LE COSMOPHILE.** Il sembleroit presque à t'ouyr parler que Dieu faillit, quand il crea la femme, qui feroit aller tout au contraire de la verité, car selon Dieu, si la femme n'est plus parfaite que l'homme, pour le moins elle doit égaler.

**LE DEMOCRITIC.** Puis que tu es entré sus les termes de la Theologie, encore que ie ne m'y foys pas beaucoup rompu la teste, si est-ce que ie te prouuerai bien par icelle la femme estre plus imparfaite que l'homme : ce que l'on peut aisément conoistre par les defenses qui lui sont faites au nouveau testament, de prêcher publiquement la parole de Dieu, ce qui a esté commandé & permis aux hommes : pareillement Dieu parlant d'vn peché enorme, ne luy donne autre similitude, que celle de la superfluité de la femme, que nature luy a voulu donner expres pour témoignage de



la grande vilté & imperfection. Or vois-tu euidemment la femme estre plus imparfaite en toutes fortes que l'homme : & par consequence, l'homme estre de tant plus sot luy faisant l'amour, s'y rendre fuiet & esclave.

**LE COSMOPHILE.** Que me diras-tu donq' de tant de sçauants, vertueux & grands personnages, lesquels ne s'en font trouuez moins exentez que les autres, entre lesquels, sans faire mention d'une infinité d'autres de nostre tems, nous alleguons communément le puissant Daud, le Sage Salomon, & le fort Hercule, lesquels nous voyons auoir excédé les autres hommes, en richesse, sçauoir & force, & nonobstant ils n'ont point tant dédaigné l'amour des femmes, comme tu fais, s'y rendans du tout leurs seruiteurs & fuiets.

**LE DEMOCRITIC.** Tu ne me dis chose qui ne soit du tout contre toy, car encores que plusieurs braues & vaillants hommes se foyent tant oubliez, que de se laisser surmonter à cette sole passion, ce n'a esté qu'à leur grand' confusion & dommage, ainsi que nous voyons par les exemples de ceux que tu m'as alleguez : car par cette frenesie amoureuse, celui qui a esté estimé le plus sage, a tant perdu de son esprit, qu'il en a fait des actes du tout contraires à sa doctrine. Combien il en arriua de perte à Daud, la preuue en est assez cogneüe en l'écriture : combien la force & grandeur de courage d'Hercule en fut abatardie, nous le voyons assez clèrement aux complaints angoisseuses, lesquelles il fist à sa fin miserable, & telle que meritent tous ceux qui s'assurent, contre toute raison, à ce sexe tant fragile, muable à tous vents, rempli d'orgueil & méchantes inuentions,

non point feulement tant pour attirer à foy les hommes, que pour leur pourchaffer apres toute honte, moquerie & deshonneur. Tu vois donq' bien quel foible appui tu auois pris pour foutenir l'amour, la penfant bien remparer d'vne braue forterefse, me mettant au deuant ces vaillants fages-foux perfonnages, defquels la ruine & fin malheureufe nous doit feruir d'exemple pour ne nous laiffer aucunement transporter par cette larronneffe folie, que nous voyons auoir dérobé les cœurs des hommes, voire des plus parfaits. Combien voyons-nous pour cette occasion en efre furuenues de pertes de royaumes? Combien de braues & vaillants hommes en auoir eité tués? Combien de villes razees, terres dépeuplees, & degarnies de toute habitation? Combien de regrets & lamentables cris se font épanus en vain par l'air, & tout pour cette rage d'amour? Combien y en a il, qui pour cette sottise ont miserablement, & en folitude, confumé leurs iours : tellement que beaucoup ne pouuant plus supporter telles passions, se font (de leur propres mains) donné la mort? Combien de nouvelles inuentions de cruauté se font trouuees, & s'inuentent encores de iour en iour, pour se venger de ceux que ces fots enragez pensent auoir plus qu'eux, de faueur enuers leurs belles Deesses? En combien de hazards, perils & dangers, se font soumis & soumettent ceux qui s'adonnent à faire telles careffes? Et encores ne suffiroit-il pas à ces messieurs, s'ils n'en faisoient vn Dieu, tant qu'il s'en est leué vne infinité de cette secte, qui ne se font iamais trouuez contens, iusques à ce qu'ils nous ayent donné à entendre par leurs gentils

barboüillements & fottes fictions, leur belle vie, & folle superstition : les vns appellans leurs amies, Deesses & non femmes : les autres les faisans vaguer, & faire des gambades en l'air avecques les esprits : les autres les situans avecques les étoiles aux cieux, aucuns les éleuans avecques les Anges pour leur voüer de belles offrandes, tellement que ie croy, si on leur veut d'auantage prester l'oreille, ils s'efforceront de les mettre au dessus des Dieux, & tant est creuë cette folie entre les hommes, que le Courtisan du iourd'huy, ou autre tel faisant estat de seruir les Dames, ne sera estimé bien appris, s'il ne sçait, en dechifrant par le menu ses fadezes, songes & folles passions, se passionner à l'Italienne, soupirer à l'Espagnole, fraper à la Napolitane, & prier à la mode de cour, & qui est le pis, pensant bien voir & louër ie ne sçay quoy de beauté qu'il estime estre en s'amie, il ne la voit le plus souuent qu'en peinture, i'enten peinture de fard ou d'autre telle masque, dequoy ne se sçauent que trop reparer ces vieux idoles reuernis à neuf. Et tout cela ne suffiroit, s'ils n'y entreméloyent quelques triolets, virelais, rondeaux, ballades & autre telle espece de vieille quinquaille rouillée, dont ils empêchent à toute heure les presses des imprimeries, & en raptassent ie ne sçay quelles œuures que l'ont peut nommer (oultre qu'elles sont fottes) superflues & inutiles. Et pour mieux venir au comble de toute réuerie, il en suruient apres d'autres qui adioutent des gloses aux liurés de ces premiers inuenteurs de bayes, pour nous ébourrer encores dauantage cette mauuaise odeur, ce que ceux qui ont cognoissance de la langue Italienne,

peuvent voir aux glofateurs de Petrarque, qui luy font plus dire de chofes par leurs comments & fottes interpretations, qu'on ne luy feroit confefler (voire luy donnaft on l'astrapade de corde) s'il eftoit viuant, non que ie vueille toutesfois tant blâmer les amateurs de la poëfie, que ie n'approuue bien leurs écrits, & principalement quand ils reffentent quelque chofe de l'antiquité, pardonnant bien auffi à ceux qui ont donné en leurs œuures quelque louange aux dames qu'ils auoyent affectees, fi elles le meritent, moyennant auffi que cela foit fait de forte qu'auèques le plaifir, l'instruction & doctrine n'en foyent point élongnées, & que pour ce faire on n'y employe pas tant de fon industrie & labeur, que l'on penfe bien faire quelque chofe plus excellente que cela. Mais, pour ne nous écarter point trop de nos premieres erres, rentrant en la trace que nous auions delaiifée, nous fuyuions le mépris de ceux, lefquels ayans perdu toute cognoiffance de leur perfection & bon fens naturel, n'ont point dédaigné de s'abastardir iufques à dire qu'ils baifent l'ombre des fouliers de leur Dame, appellans leur ame chambriere & efclaué d'icelle, voulant ainfi abaiffer & aneantir chofe fi haute & tant precieufe, & ce qui ne doit eftre employé, qu'à la contemplation des chofes grandes, & fecrets de nature, l'adonner iufques au feruice de chofe fi petite, & tant vile, comme eft la femme, animant de tous ceux de la nature le plus pernecieux & abhominable. Et qu'il foit vray, eft il poffible de voir vn animant plus remply de tromperie, calomnies & menfonges, ni adonné dauantage aux chofes les plus vilaines du monde, que la femme qui,

se veut mal gouverner? Elle ne pardonneroit pas mesme-  
ment aux poisons, aux astres & planettes coniurees, ni  
à vne infinité d'autres telles execrables inuentions, lors  
qu'elle a desir de saouler la rage de sa vengeance, ou  
satisfaire à son appetit infatiable & desordonné. Et  
oultre plus si elle pense que les malins esprits luy puissent  
aider ou donner quelque secours en sa méchanceté, en  
méprisant & Dieux & toute religion, elle ne se feindra  
aucunement de les inuoker, leur faisant hommage, &  
de se soumettre du tout à leur puissance. Qu'elle soit  
opiniastre à l'extremité, & plus cruelle que n'est vn  
Tigre, il n'en faut point douter, quand nous en auons  
les exemples toutes euidentes deuant nos yeux, & aux  
histoires infinies autres, comme celles de Medee & Agrip-  
pine, lesquelles à l'occasion de leur paillardise, ont conf-  
piré la mort de mille personnes. Que diray ie de la  
pernicieuse Clitemnestre, laquelle avecques l'aide de  
son ruffien Egiste, tua son loyal & innocent mari Aga-  
memnon? Or il n'y a foy aucune, & moins encores de  
constance, en ce malheureux & abominable sexe qui  
ne tâche tous les iours à autre chose, qu' à trouuer  
quelque maudite inuention par laquelle il puisse, ou du  
tout ruiner cettuy-ci, ou deceuoir cettuy-la, sans égard  
d'aucune pitié naturelle. Et s'il aduient d'auanture  
qu'aucune de ce sexe malin ait quelque pauvre homme  
simple & de bonne foy pour mary, Dieu sçait comme  
elle en iouëra à la pellote : luy donnant neantmoins  
toufiours à entendre qu'elle est la plus femme de bien  
du monde, puis le flattant & mignardant tantost,  
comme s'il estoit son plus grand mignon, son bien

aimé, ell' l'appellera son Dieu, son ame, & toute son esperance : mais la traitresse, & ruzée paillarde ne laissera de luy faire la mouë en derriere, ferrant & pressant, le plus secrettement qu'elle pourra, la main ou le pied à son aymé ruffien, luy promettant par cela, ou par tels autres semblables signes comme d'impudiques œillades, que de bref ils coucheront ensemble en depit du vilain ialoux. Et si elle est par cas fortuit, surprinse sus le fait avecques son ruffien elle aura bien encores cette cautelle & effrontee audace de l'oser contredire & nier ce qui sera tant euident & manifeste, que les aueugles mesme le pourroient voir clerement. Quant est de promettre & nier sa parole, ce ne luy est qu'un passe-temps tant elle est naturellement encline, & est grande son affection de tromper & decepuoir. Je ne te raconte point combien elle iecte de feintes larmes, s'eclatant en hauts sanglots & soupirs continuels, lors qu'elle a entrepris de tromper ou son amoureux, ou son mary. Bref soit pour rire, soit pour pleurer, elle se changera incontinent en toutes affections, n'estant pas moins muable qu'est la fueille de l'arbre pouffee d'un fort tourbillon de vent. Et si tu pensois qu'elle voufist donner un liard pour deliurer son amy ou mary d'un danger extrême, tu t'abuseroys bien, tant la pieté & douceur naturelle sont esteintes en son cueur & tant au contraire le feu d'auarice y est enflammé, qui la brusle iusques au dedans des entrailles : Neantmoins qu'elle n'espargne rien, quand il est question de ses habits, pompes, & braueries, entendu qu'elle creueroit de despit & de rage, si elle en voyoit marcher vne autre plus braue qu'elle, & apres

s'estre ainsi pompeusement acoutree, vous la verrez panader par vne rue si fiere & si hautaine, qu'il semble encores que l'on soit bien tenu de luy aller faire la reuerence, & si par fortune il se trouue quelque pauvre sot qui luy donne d'une Madame à vostre commandement, vostre humble & obeissant seruiteur s'il vous plaist, avecques force pieds de veau à cul ouuert, vous la verrez alors enfler d'orgueil, & enflammer ny plus ny moins qu'une chienne enragee, ou vn Tigre. Je me tay du temps que telles caignes consument à se mirer, & vser de fards & vnguens, pour remplir leurs rides, & masquer leur visage sale & deshoneste. Et encores apres toute cette farce là, cuidez vous si elles se trouuent en un conuy, qu'elles facent semblant de tenir conte de la somptuosité & magnificence du banquet? Vous diriez à voir leur contenance, facheuse & déguisee, que toutes viandes, & mesmement les plus exquises & delicates, leur viennent à contrecueur, où le plus souuent les truyes sales & infectes sont bien aises à leur mesnage, si elles ont quelque petit demeurant de trois iours, pour ronger avecques leur gros pain noir. Je ne dy pas que si elles ont argent qu'elles ne se traittent à souhait, qu'elles ne boient du meilleur de la ville, s'engorgeant de viandes, & de vin, de telle sorte que leurs maris, estant couchez la nuit aupres d'elles, n'en auront autre chose qu'un parfum d'vrine & de vomissement, dont elles rempliront tout le liest, & qui est le pis, encores ne se contenteront elles pas au matin d'auoir ainsi acoustré les pauvres diables de maris, il faudra encores (pour satisfaire à la despense & menus plaisirs de Madame) vendre

liét, chalit & paille, draps, vaiffelle, taffes & coupes d'or & d'argent, s'il y en a, à celle fin d'en entretenir les maquerelles & Rufiens, & d'auoir le moyen de hanter les compaignies & lieux de plaifir, comme les baings des estuues, les ieux publics, les danfes & affembleez, principalement celles qui se font au soir, pour mieux continuer la rubrique, faifant vn peu branler les tapifferies, & s'ecartant en quelque coin, à la derobee, & auffi pour assigner lieu, iour & heure, aux pauüres parties attendantes. Si d'aventure elles hantent les Eglifes, ou les sermons, ce n'est à autre intention que pour attirer à foy par regards lacifs & contenances impudiques quelque ieune clerc ou autre nouice écharmoucheurs de cottes qui se monstera à le voir dispos de membres, frais & de bonne taille pour bien fournir au contant, & fatisfaire à leur paillardife demesuree. Et ainsi fera pipé Monsieur le ieune homme qui pensera incontinent estre quelque autre Adonis, ou pour le moins vn fecond Cheualier de l'ardente epee, d'auoir fait vn si grand coup que d'entrer en la faueur & s'insinuer en la grace de cette gentille Madame, qui ne tend à autre fin qu'apres auoir fucé toute la substance de son corps & de sa bource, tirer la langue sus luy & s'en moquer apertement deuant vn chacun. Et si d'aventure elles mettent leur affection en quelque personnage, & qu'elles luy portent amitié non diffimulee & sans que l'auarice en soit cause, c'est le plus gentil passetemps du monde que de voir tout ce mistere là. L'vne s'enamourera d'vn borgne ou d'vn chassieux, cette-cy d'vn boyteux ou d'vn prétre, cette là d'vn punais, ou de



quelque gros valet qui sentira son épaule de mouton, l'autre d'un bossu ou d'un villain tout rempli de fistules, & qui tombe déia par pieces tant il est pourri de verole & de ladrerie. Je ne veux pas dire que s'il se trouuoit quelque teigneus couuert de farcin, portant l'effigie de la mort empreinte en son visage, les yeux enfoncez de demy-pied en la teste, la gueule torte comme vn vilain qui renie Dieu, si deffait que les oz luy perçassent la peau, qu'un tel honnestes homme ne chatouillast bien tant le courage de ces vertueuses dames qu'il ne les fist estre déloyales aux premiers eleus. Tu peux voir quels sont les beaux Adonis de ces cagnes lesquelles n'ont pas encores la patience d'attendre qu'ils viennent par deuers elles, ains de iour & de nuit elles les vont voir à celle fin d'éteindre la furieuse rage de leur pail-lardise. Et puis estans retournees à leur maison, si elles sont enquisés par le mary ou quelcun des parens où elles ont esté pendant si longtems absentes, elles viendront de donner consolation à quelque pauvre malade. Ennamenda c'estoit grand pitié que de le voir, Dieu & nostre Dame luy auront fait belle grace, ou bien elles viendront de visiter leur voisine de nagueres accouchee, ainsi qu'elles ont de bonne coustume faire entre elles. Et si on les pense chastier, ou par menaces ou par batures, elles en deviendront cent fois pires : si au contraire on les flatte, & que l'on estime les auoir par douces paroles, elles en prendront vne liberté trop plus grande qu'elles n'auoyent fait au commencement. Si on les veut contraindre & retirer des compagnies, les renfermant comme prisonnières, elles se communique-

roht pluſtoſt à des beſtes ou à des valets, tellement qu'il eſt impoſſible, quelque remede qu'on s'eſſorce d'y trouver, d'empêcher ny donter la volonté impudique & éfrenée de ces audacieuſes beſtes qui iouent du cheual échapé. Le ne te dy point de quelles fortes d'injures elles acouſtrent leurs pauvres maris abſens, & principalement s'ils font du titre des froids & maleficiés, ou bien que par modeſtie ils foyent retardez de la frequente reiteration du ieu de Venus. Bref quelque choſe qu'il y ait, iamais elles ne veullent que l'on les fruſtre de ce morceau friand, ces méchantes & maudites viperes. Tout ce qu'elles penſent, tout ce qu'elles machinent, tout ce qu'elles font, ne tend qu'à trouver le moyen de contenter leur paillardife. Quant eſt d'honneſteté, de modeſtie, de chaſteté, iamais vous n'en oirés vne parole ſortir de leur bouche : tous leurs deuis ne font d'autre choſe que de louer celles là, comme bien heureuſes, auſquelles il eſt eſcheu d'auoir vn mari, ou vn ruffien laſſif, & qu'il leur chatouille ſouuent le bas. Et Dieu ſçait la chere & vie qu'elles menent, en l'abſence de leurs maris, rien n'y eſt eſpargné pour le traitement de leurs ruffiens & mignons de couchette : tout ce que peut amaffer le pauvre homme, en vn an trauaillant, iour & nuit, eſt deuoré & englouti en vn iour. Encores ne leur ſuffit-il pas de dépendre ainſi le bien des pauvres cocus, ſi elles ne les tenoyent ſus les rancs, durant leurs feſtins & banquets : l'vne diſant du ſien que ce n'eſt qu'vn gros lourdaut, qui ne lui ſçauroit rien faire, & que toute la nuit il ne fait que luy tourner le dos, ronfler & cracher, comme s'il auoit vne

phtifie qui lui fist ieſter ſes pommons : cette-cy qu'elle voudroit que le ſien n'eult point tant étudié, & qu'il eſt trop ſçauant, entendu qu'il obſerue le cours de la Lune, les eclipſes & mouuemens des aſtres, pour ſçauoir quand il eſt bon ou mauuais d'habiter avecques les femmes, & qu'il ne paſſe ſepmaine qu'il ne luy face acroire que les iours caniculiers ſont en regne : ceſte-là que le ſien eſt pareillement trop ſuperſtitieux en ces affaires là, d'auoir fait vœu de ne toucher point aux femmes certains iours de la ſepmaine, & principalement aux iours meigres, & bonnes feſtes de l'an : l'autre que le ſien n'en a pas ſi grand que le petit doi, encores, qu'il eſt ſi niais qu'il ne ſçauroit trouuer le pertuis, ſi elle ne luy met elle meſme. Et ainſi ſont depeins les maris abſens leſquels ne ſont point pluſtoſt retournez des champs, qu'incontinent elles ne leur viennent faire la reuerence, les aſſeurant du grand ennuy & facherie qu'elles ont ſouffert durant leur trop longue abſence. Et s'il échape alors quelque ſoupir de leur eſtomac pour la fraiche memoire qu'elles ont encores de leurs amoureux, elles feront acroire au pauvre iobet, que ce ſera pour l'amour de luy. Elles ſe tiendront tout vn long temps pendantes à ſon col, le baiſant puis au front, puis aux yeux, puis en la bouche. Mais les traitreſſes & méchantes qu'elles ſont, le voudroyent auoir ia baiſé mort, pendu & étranglé à quelque gibet, n'en faiſant pas moins de tout cela à l'endroit de leurs amoureux, voire encores plus qu'à leurs maris. Qui ſera donq' deſormais celuy tant elongné de tout bon iugement, qui ſe voudra aſſeruir à vn animant tant pernicious, tant

villain & detestable comme est cettuy-ci. Mais nonobstant tout cela vn tas de gentils mignons ne délaissent point d'effaier à complaire par mille moyens à ces fieres bestes, se foubmettans à la merci du froid & humide ferein, de l'aspre & forte gelée, de la pluye, des vens & orage, & fouuent d'vn parfun d'vn pot à piffer sur leur teste, pour recompense de la peine qu'ils prennent à fonner des aubades, avecques luts, guiternes, flutes, & autres accords & raclements de boyaux, au deuant de la fenestre de Madame, laquelle, ce pendant que ces pauvres niais font là à trembler le grelot, épandre foupirs, & baïser le couillet de la porte, est ou dormant à son aise dedans vn liët, ou à son réueil étendant la cuisse, & prenant plus de plaisir à se moquer de la folie de ces fols importuns, qu'à ouyr l'armonie de leur musique : & ainsi font accoustrez ces amoureux de Carefme. Or cognois-tu maintenant assez les imperfections de ces bestes que tu auois tant recommandees, & pareillement le maigre passetemps & pauvre recompense qui enfuyt de cette sotise amoureuse, n'emportant avecques foy que mocquerie, vray guerdon à ces plaifans messieurs, pour les soulager des grandes peines & longs trauaux qu'ils ont endurez à cette occasion. Et si tu voulois retourner en ta premiere heresie de dire qu'ils apprennent beaucoup à parler, faisant l'amour à vne Madame, tu en pourras aisément cognoistre la verité, par les responces qui leurs font faites, & principalement de Mefdames de ville, dont ie t'en diray apres nous estre assis sur cette herbe verte quelques vnes pour nous recreer & de celles que i'ay autres fois entendues dire

à la dérobee, c'est que plustost ce sot transporté n'aura acosté Madame la Bourgeoise, & commencé à descouvrir le pot aux roses, qu'elle ne luy face vne de ces petites fottes responcez telles qu'elles s'ensuyuent. Enda ouy : enda voire Monsieur, vous nous en voulez conter, vous venez de Blays : vous voulez rire : vous faites bonne mine : ie croy que vous venez d'Angers, vous en auez bien veu ceus qui en venoyent : vous en sçauiez de deux, vous nous en auez baillé d'vne : ie croy que vous estes fils de boucher, vous tâtez bien la chair : combien me voulez vous acheter que vous me tâtez ainsi ? Ie n'ay garde d'affondrer, ie suis bien arriuee : cettuy là ne vous couste gueres, monsieur, il est creu en vos iardins : vous estes trop chaut, vous ne dureriez pas : ha vous estes trop blanc, il y a plus de faueur en vn grain de poiure qu'il n'y a en vn muy de chaux : ce font des pommes de muzart, nul n'y touche qu'il n'y ait part : vous distes mieux qu'un chalumeau de blé : reuenez demain vous ferez cerclé : que cherchez vous là Monsieur, vous n'y auez rien mis : dea, vous estes mout priué pour la premiere fois : he Dieu, que vous estes endemené : vous auez la main terriblement legiere : vous estes mout importun : vous estes facheus : les filles de vostre cartier se laissent ell' ainsi tâter ? Tous ceux qui m'ont abbayee ne m'ont pas mordue : le baifer qui au cœur ne touche ne fait qu'affadir la bouche : il vaut mieus auoir bonne teste que mauuais cul : ainsi dit le Renart des meures : ce seroit bien tost faict qui vous voudroit croire : la nuit nous donnera conseil : ie m'ébahi comment vous estes si gras, veu que vous auez tant

d'affaires : vostre amie n'est pas si noire : ceus qui me verront de iour ne se rompront pas le col pour me venir voir la nuit. Il s'en trouuera vne autre plus sucee & qui voudra contrefaire de la bien apprise qui dira, Que vous fauez bien dire, ie croy que vous auez bien leu les liures qui en parlent : cela vous plaist à dire, Monsieur, c'est du bien de vous : on s'entraime mieus deuant qu'on s'entr'ait que quand on s'entr'a : vostre ciuilité me rend rustique : il y a long temps qu'on ne baife plus : il ne fut iamais moins de responce, on les a toutes mangees en falade : vous pouuez bien mentir, vous venez de loing : vous ne me voulez pas tuer, vous me baillez du plat : n'y pensez plus, vostre part en est gelee : vous vous trompez, ce n'est pas ainsi que vous pensez : vous sçauiez mieus que vous ne dites : vous n'en feriez rien si vous ne vouliés : ie suis telle que Dieu m'a faite : vous auez puissance de dire de moy tout ce qu'il vous plaira, Monsieur, tant y a que ie ne cognoy rien en moy des louanges que vous me donnez : vous me faites trop d'honneur, Monsieur, il ne m'appartient pas : ie vous remercie du grand bien que vous me desirez, Monsieur, ie n'ay pas tant merité en vostre endroit : il faut cognoistre deuant que d'aimer : vous autres hommes estes tousiours coustumiers de dire & promettre telles choses, mais quand vous auez fait des femmes, vous n'en tenez plus de conte, vous perdez alors le fouvenir de tous les grands sermens que vous leur auiez faitz en la chaleur de vostre amour, soudain vos sours & promesses s'euanouyffent par l'air : mais, Monsieur, que diroit-on si l'on vous voyoit vfer de si

grande priuauté en mon endroit, vous sçauuez que les gens font aujourd'huy tant mal parlans : il n'y a remede, il faut quelque fois diffimuler & faire des choses tout contre son vouloir pour eiter au scandale : vraiment il s'en trouue ordinairement aux compagnies, ie ne sçai si cela leur procede de ialouzie ou de quelque autre enuie qu'ils aient sus les personnes, mais ils ne font autre chose que noter tout ce qui s'y fait, pour médire apres des vns & des autres : ie ne veux pas dire, monsieur quant à vous que vous ne vous y sceussiez gouverner fagement : il appert bien que vous auez esté en plus d'un endroit, vous sçauuez bien autre chose que vostre pain manger. Et si par cas fortuit il s'adressoit quelqu'un à elle qui sans vser de toutes ces petites harengues deffalees voulist aller de droit fil donner dedans l'aneau, madame la ruzee avecques ses sourcis rabaissez, & comme bien remplie de courroux, luy respondra : Quel gentil perroquet, ie croy que vous auez esté en cage pour apprendre à parler : vraiment c'est dommage que l'on ne vous a préparé vne chaire, vous prescheriez bien, vous auriez tantost le bec iaune : vous dictes d'or : ie croy que vous ne dictes pas à bon escient : à fote demande il ne faut point de responce : sçauuez vous que c'est qu'il y a, Monsieur, ie vous prie ne vous mocquez point de moy, i'en ai bien veu d'autres : vous me debuez regarder à deux fois & penser tout à loisir deuant que de me parler tel langage : ce n'est pas à moy qu'il vous falloit adresser pour vser de telles parolles : ie ne suis pas telle que vous pensez : vous deueriez vous adresser ailleurs pour paruenir à vostre intention : il ne

faudroit guere de tels propos pour vous estranger d'une bonne compagnie : adressez hardiment ces lettres à d'autres : Monsieur ie vous supplie si vous me voulez faire plaisir, ne me tenez plus tels propos : comment ! il semble à vous ouyr parler que ie ressemble vne garce publique : vous pouuez bien aller chasser ailleurs, ce n'est pas ici votre gibier : ce n'est pas viande pour vos oiseaus : ce n'est pas pour vous que l'on frit ces œufs : adressez hardiment ailleurs vos offrandes, ie suis à vn autre saint vouee : il y a bien vn autre qui s'y attend : vous perdez vos pas : vous vous tourmentez en vain. Comment ! est-ce là le peu de conte que vous faites de l'honneur des Dames ? Mais ce dont ie me fache le plus est dequoy ces pauvres sottes estiment leur honneur estre caché entre leurs cuisses, le logeant en vn lieu tant sale & deshonneste, & croy que c'est la raison pour laquelle elles en font le plus souuent part à quelque gros vilain & lourdaut de valet, & plustost qu'à vn honneste gentil-homme qui le meriteroit : & voila par le corps Dieu (i'en iure) de quoy ie me scandalise le plus. Mais ie te veus bien ici aduertir d'une chose, que tu ne te frotte pas d'aller harenguer ni prescher le moins du monde de la charité à ces Dames lourdes ruzees de Genéue, si tu ne veus fermement continuer tes coups, car il m'aduient vne fois en allant en voyage à saint Claude d'en parler à deux ou trois seulement de gayeté de cœur, mais pource que ie n'en fis apres plus de conte, ie me donne au diable si elles ne disoyent tout ragement que ie ne croyois pas en Dieu : ce qu'elles auoyent bien inuenté fausement & du tout contre la



verité, veu que ie ne leur parloy d'autre chose par ce que i'étoy bien affeuré qu'elles ayment fort cela, à raison de l'air de Laufanne qui leur souffle la belle parolle de Dieu (m'amie) toute deliee comme fleur de farine passée au plus menu sas.

**LE COSMOPHILE.** Par Dieu ie me garderay donc bien de leur en parler, au moins si ie n'ay moyen de les poursuyure apres de court. Cancre de dire qu'on ne croit pas en Dieu, si de par le diable si, par le Dieu qui n'est qu'un, ie prendroy plustost des Cantharides & leur fermeroy tant le bas que leur empêcheroy bien le haut de caqueter. Mais pour retourner au propos de ces gracieuses & diuines réponses que tu as recitees au parauant, vraiment tu ne m'en as raconté aucune qui ne m'ait autrefois esté dicté ou que ie n'aye ouy dire à d'autres. Et ie te prie de grace puis que tu m'as tant bien sceu déchiffrer les repliques communes de ces Bourgeoises, si tu en sçais quelques vnes de ces Damoiselles de cour, ne m'en fois point chiche.

**LE DEMOCRITIC.** N'estoit que le parler toujours graue & Philosophic sans estre entremeslé de quelque chose ioyeuse, ennuye plus à l'écoutant qu'il ne luy apporte d'instruction, ie ne me fusse daigné arrester à ces fots propos : neantmoins tant pour nous contenter l'esprit par la moquerie de ceux qui se pensent estre bien discreets, que pour raison de ta priere, ie ne laisseray à poursuyure en cette gracieuse meslée. Et quant est des Courtifannes, pour en cognoistre les responces affectueusement fardees, ie t'enuoirai à ces beaux liures desquels ie t'ay parlé ici deuant, & principalement au Seigneur

des Effars, lequel ie nommeray toutesfois avecques reuerence & honneur, tant pour vn coulant langage, liaifon de propos, que pour vne douceur & fluidité de parolles dont il a vſé outre tous ceux qui ſe font meſlez deuant luy d'écrire en noſtre vulgaire, & encores aujourd'huy s'en trouue-il peu de ceux qui écriuent en pareilles choſes, qui approchent de la grace & naïfue beauté de ſon ſtile. Or en ces autheurs là tu pourras cognoiſtre le peu d'erudition qui nous vient par leurs mignardes & affectees reſponces.

LE COSMOPHILE. Il eſt bien vrai qu'une bonne part des Courtifannes derobent leurs reſponces en ces liures d'amour, & non pas toutes, car celles là qui ont l'eſprit meilleur, ne veulent point eſtre veuës rien emprunter de l'autruy, ains de leur propre eſprit s'en forgent de toutes nouvelles.

LE DEMOCRITIC. Pas ie ne veüil reprouer l'inuention qui vient de ſoy meſme, trop bien veus ie blâmer celles leſquelles ne veulent eſtre veuës parler que de leur cerueau, entendu que ce ſont ordinairement celles qui ſont dignes de plus grande moquerie, auſſi que la preſomption eſt trop grande de ſe fier tant en ſon naturel que l'on ne tienne conte de l'artifice : car tout ainſi que nous voyons la fortereſſe de quelque ville ou autre place ne conſiſter pas ſeulement au fort dont la nature l'a voulu munir, mais que le meilleur de ſa defence & ſauuegarde giſt en ce qui y a eſté adiouté par la main & induſtrie des hommes, autant en eſt-il de l'eſprit humain, car encores que naturellement il ſoit fort de la raiſon, ſi eſt-ce que s'il n'eſt remparé & poli par

ce qu'il peut retenir de l'instruction des autres, non pas tant seulement en les écoutant parler, mais en voyant leurs œuvres dignes de memoire, il demeurera tout ainsi qu'un tableau de cire ou de marbre tout grossier & sans aucune forme laquelle soit digne d'estre regardée. A ces presomptueuses il en prend tout ainsi qu'au disciple qui veut corriger son maître deuant que de sçauoir le moindre point de sa doctrine, toutesfois que si ces outrecuidees lesquelles pensent tout sçauoir d'elles mesmes, font à reprendre en ce cas ici, les autres qui en apprennent par l'instruction d'autrui, ne le font encores moins, car en quelque maniere qu'elles en veulent vser, elles ne sçauoyent dire chose touchant cette sottise d'amour, si ce n'est en la blâmant, qui merite louange. Ne connoi tu pas maintenant ton erreur d'auoir estimé que l'on apprist à bien parler en faisant l'amour?

**LE COSMOPHILE.** Tu ne m'as satisfait que d'un costé, car encores qu'il soit vray que les hommes ne puissent rien apprendre par ce que leur respondent les femmes, cela n'empesche pas qu'ils ne s'étudient à bien parler pour leur complaire.

**LE DEMOCRITIC.** D'apprendre à bien parler c'est vne chose fort louable & bien seante à toute personne, non pas pour ce but que tu as dit de plaire aus femmes, mais à celle fin que l'on donne plus aisément à entendre ses propos, & que l'on face mieux croire ce qu'on a intention de prouuer: & à celle fin que nous ne nous égarions sus la vraye signification de bien parler, il faut sçauoir en quoy il consiste. Le bien parler ne gist pas seulement à vser de termés & mots bien françois,

ni à dégorger mille petites folies & vaines raptasseries de parolles sans propos, mais à dire des choses desquelles (oultre l'ornement & la grace des dictions, dont elles feront enrichies) nous en puissions avecques le plaisir rapporter quelque fruit & instruction, ce qui n'adient aucunement à ceux qui se rompent le cerueau à des choses tant legieres & friuolles, comme de faire l'amour: & à celle fin qu'il ne t'en reste aucun doute, ie te montreray de toutes les fortes de harengues avecques le gouvernement de ceux qui s'encheuestrent à tel ioug. Premièrement viendra l'homme de guerre & pour le salut de la Dame la chauffera de premiere abordee, l'un avecques braue par le corps-Dieu, par le sang-Dieu, ie renie Dieu, Madame, ie ne sçache homme sous le ciel tant braue soit-il, que s'estant auantagé de faire tort au moindre point de vostre honneur, que ie ne fisse mourir ou recognoistre sa folie, & oseroi' ayant la faueur de vostre bonne grace, entreprendre le combat contre luy tout armé, bien que ie ne fusse qu'en chemise, car ce seul point de me voir fauorizé d'une si braue Dame, me haufferoit tant le courage & me rendroit assez fort, pour ne redouter point un Cæsar s'il estoit deuant moy. Et vsera de tant d'autres fots & vaillans propos que tu dirois à l'ouyr parler qu'il doit aller tuer Carefme-prenant pour en auoir la vessie. Je t'en veus faire à ce propos un petit discours d'un certain seigneur qui n'estoit pas encores hors de page du mestier de gentil-homme, & combien qu'il ne soit pas touchant l'amour, il ne laissera pourtant à te donner à cognoistre que volontiers tous ceus qui sont tant braues & mauuais de parolles ressem-

blent aux grandes montaignes qui doivent enfanter merueilles & desquelles ne s'en engendre à la fin qu'une petite fouris seruant de rizee à vn chacun. Or pour tomber à mon point, tu dois entendre que cet apprenti de noblesse estant logé en vne hostellerie & voyant au soir qu'on ne luy apportoit pas assez tost à son gré vn couurechef, apres auoir longtemps renié Dieu & pris par les tripes & par tout, commença à dire qu'il seroit cecy, que par la mort Dieu il leur monsteroit comme il s'en feroit faché, qu'il leur en feroit souuenir à qui ils se pensoyent iouër & que par le sang Dieu, il estoit gentil homme & homme de bien & de bonnes gens, qu'il en auoit bien veu d'autres & bien tué. Ceus de la maison pensans qu'il deust mettre le feu dedans ou pour le moins les froiffer en poudre tous les vns apres les autres sans merci, tant il renaquoit & frapoit des piés brauement, incontinent se diligenterent luy en apporter non pas seulement vn, mais vne demie douzaine. Et apres auoir vn peu rappaisé sa frenaisie, ils s'enhardirent de luy demander ce qu'il auoit deliberé de faire s'ils ne se fussent hastés de luy apporter des couurechefs. Alors encores tout enflammé de colere soufflant & marchant à pas déreglez par sa chambre de la mesme sorte que faisoient les Coribans quand ils sortoyent fraichement de belle rage diuine, vint à répondre en haussant son bonnet de la main gauche, & secoüant les oreilles comme vn chat mouillé : Que i'eusse fait ? Ventre Dieu, que i'eusse fait ? Par la digne mort-Dieu ie me fusse coiffé de ma chemise. Il en suruient volontiers vne pareille fin en ces grandes brauades comme à ceus qui se monstrent

tant vaillans en harengues aupres des Damoifelles : car s'il est queftion d'exccuter leurs hautaines & fieres promeffes, vous les verrez plus couards & plus craitifs que n'est vn canard voyant le faucon, tellement qu'une fimple femmelette les pourroit battre aifément avecques fa quenouille, ou bien comme fift l'autre qui en rangea vne demie douzaine avecques la naië du four. Encores feroit-ce quelque chofe fi pour leurs iuremens ils en auoyent quelque recompence, mais le plus fouuent ils n'en reçoquent que de la moquerie, voire fe fuffent-ils déuoyé le filet de la langue à force de renier Dieu, ou rompu bras & iambes en maniant & piquant leurs cheuaux au deuant de leurs maitreffes.

LE COSMOPHILE. Voire mais tu ne pren que ceux qui font les plus vicieux en harengues. Ne fe treuue-il pas vne infinité de perfonnes de bon efprit hantans la Cour qui tiennent de fort bons propos aux Damoifelles ?

LE DEMOCRITIC. Quand est du Courtifan ie confefferay fon langage estre plus affecté que de nul autre : mais que pour cela il parle bien, ie te le nieray du tout par la definition que ie t'en ay donnée icy deuant, & principalement deuiant de cette fottife d'amour : entendu que de tous fes propos ne s'en trouue pas vn qui ne tende à offrir fon feruice : & tant s'est abâtardi l'esprit de l'homme, que celui qui le fera autrement, ne fera pas moins estimé inciuil, ou mal appris, qu'estoit au temps passé cettuy-là, lequel en compagnie refufoit à iouer de l'instrument musical qui luy estoit présenté. Or me dis de grace où le Courtifan a appris foit par raifon

naturelle, ou autre telle que tu la voudras forger en ton cerueau, de donner à si bon marché la chose qu'il doit tenir la plus chere, & soy priuer tant legierement de ce que toute personne est tenue d'auoir en plus grande recommandation qui est la liberté? Ouure maintenant les yeux, & regarde si de toutes ces harengues qui tendent à vne fin tant sotté & de si peu de consideration, s'en sçauroit tirer aucun contentement à l'homme raisonnable & de bon esprit, & moins encore d'instruction à aucune personne. Mais ce qui en est bien le plus excellent, Monsieur du muguet Courtifan ne penseroit pas estre le bien venu, s'il ne contrefaisoit sa grace, remâchant brauement le petit fétu parmi sa bouche, tenant son bonnet d'vne main sus le genou, quelque fois des deux au derriere de soy avecques vne teste mal arrestee, & vne voix contrefaitte. Et ainsi s'écarmouchant il badinera plus de tours au deuant de Madamoiselle, que ne feroit vn chien de basteleur pour son maistre. Je ne dis pas que s'il se vouloit essuier le front avecques le mouchoüer ouré, ou frapper sa bottine d'vne petite baguette, que cela ne luy aidast fort à asseurer sa grace, & qu'vne perruque, non pas treffee à la Ludouique (car la mode n'en est plus) mais brauement rehauffee à la fortune, & subtilement frisee avecques artifice, ne le fist trouuer plus gaillard enuers les Dames, joint aussi qu'elle ne fust point du xxij. Pseaume de David, c'est à dire confitte en huile d'olif. Mais pauvre fol qu'il est, comment se rompt-il l'esprit, s'amusant à tant de legieres folies? Ne sçauroit-il cognoistre à quoy peuuent seruir tant de tapisseries, tant d'escaliers, tant de lon-

gues galleries, tant de petis garderobes, tant d'huy de derriere, & de retraittes égarees, veu que tout cela n'est inuenté pour autre occasion que pour les commoditez d'entrer de l'un en l'autre? Et outre toutes les folies susdites à celle fin d'estre estimé mieus parlant, il ne cherchera autre chose qu'à trouuer le moyen de faire venir à propos aucun de ces mots, comme folâtre, fat, acoster, aborder, il n'y manque rien, escorte, endurer vne brauade, aconche, galante, l'escarpe, acort, un fort bien à tous bouts de champ, disgrace, de grace, un poltron, un faquin, & ainsi avecques ie ne sçay combien d'autres semblables mots apostez, il entretiendra ensemble Madamoiselle avecques sa grace, les redifant en vne mesme heure plus de cent fois, pour autant qu'ils sonnent mieus ce luy semble aux oreilles, & emplissent dauantage la bouche, que ces autres vulgaires dictions: ioint que volontiers les plus braues & les mieus parlans en vsent ainsi. Neantmoins tout cela ne vaudroit rien, si le branlement de teste Italiennisé ne seruoit de sauce pour luy donner plus grand goust. Je ne veux pas toutesfois reietter beaucoup de bons mots qu'il nous a esté besoin & necessaire d'inuenter, ou d'emprunter des autres langues, puis que desia ils sont receux en la nostre, mais que l'vsage en soit plus rare & moderé. Encores n'est-ce pas tout car ceux qui deuroyent estre faits sages & prudens par les exemples d'autruy, & les bons aduertissemens qu'ils voyent en la meilleure partie de leurs liures, ce sont Messieurs les Ecoliers, & autres clers tonfurez, qui en sont encore plus à reprendre qu'aucun de ceux dont ie t'ay desia parlé. Car tu verras



le plus fouuent Monsieur le petit braue Ecolier, qui ne fera pas à grand'peine encores éclos hors de la coque, qui se voudra desia faire inscrire au papier & registre des Dames, & insinuër ses nominations au diocese d'amour. l'ay dit notamment braue, car les Dames qui demeurent aux lieux auxquels communément frequentent les Ecoliers, sont bien la plusgrand'part de ce cœur-là, qu'elles ne saurissent ni reçoivent que ceux qui sont mistes, poupins, & brauement accoustrez: tellement qu'il y en auoit vne (ie ne nommeray point pour cette heure l'vniuersité où c'estoit) laquelle n'eust iamais permis à son Pamphile de monter sus elle pour voir de plus haut, s'il n'eust eu son casaquin de Damas. Et ne faut point trop s'ébahir de cela, car pensez-vous qu'il n'y ait pareillement plus de plaisir à éuenter ces verdugades de fatin ou de velours cramoisi, qu'à leuer vn tas de cottes simplement repliees de rouge?

**LE COSMOPHILE.** Je ne sçay comment en sont les autres, mais quant est de moi tout m'est de guerre. l'aimerois autant ou plus vne belle & ieune bergiere des champs sans aucune brauerie, que ie ne ferois vne vieille mule de ville au frein doré.

**LE DEMOCRITIC.** Si est ce que Messieurs les écoliers ne sont pas de cet aduis, & encores moins leurs maitresses, qui est la cause pour laquelle le plus fouuent est contraint le bon estudiant de vendre tous ses liures, pour en employer l'argent en change d'habits, petites assemblees, & dons superflus, à celle fin d'entrer s'il peut, à la grace de quelque Madame. Et nonobstant le peu de hardiesse que luy cause faute d'experience, ne laissera

à s'approcher d'elle, & apres auoir longtemps deliberé en soi-mefme, manié les veftements, conté & reconté les patenoftrés de la Dame, ietté vne infinité de foupirs en l'air, baillé vn demi iour apres les perfonnages d'une tapifferie, il commencera à rafraichir la memoire de quelque plaifant discours de la belle Floripes, ou de Bietris, de Pierre de Prouence & de Maguelonne, d'Artus & Gouain, des grandes vaillances du Cheualier à l'ardante épee, des loyales amours d'Amadis & d'Oriane, comme il passa fous l'arc des loyaux amans, & qu'elle endura la couronne fans efre bruslee. Il racontera pareillement les grans plaifirs qu'on a en la poursuyte amoureuse, tesmoins les cheualiers qui muguetoyent vne grille toute altérée de fanglots & foupirs degorgez à la castillane. Encores faut il que celuy qui entrera si auant en matiere soit des mieux appris: car quant est de la plus grand'part d'entre eux, ce leur est beaucoup de s'enhardir tant seulement de dire à leur Dame qu'un tel danse bien, qu'il auroit bonne grace s'il ne branloit tant la teste & les mains, & demander comment on appelle vne telle, & qui elle est, qu'il n'auoit point acoustumé de la voir: difant aussi que cette-là est plus braue que de coustume, qu'il a ouy dire qu'on parle de la fiancer, qu'il s'ébahit comment vne telle a pris vn mary qui est si niais & ialoux ensemble: somme tous ces beaux petits discours appaifent, apres auoir changé dix ou douze fois de couleur, il s'ébranlera tant qu'il luy fera à la fin entendre avecques ses parolles doucettes, accompagnées d'une contenance & vois mal affeuree, la merueilleuse affection qu'il luy porte, & seruice qu'il luy

voudroit faire. Et s'il aduient que la Dame cauteleuse & ruzee feigne luy porter pareille amitié, luy jettant vne œillade de trauers, avecques vn fouris entremeslé de quelque soupir, voila Monsieur l'amoureux du tout acheué de peindre, & luy tardera beaucoup qu'il ne soit hors de là, pour en faire desia le rapport à ses compagnons, leur racontant qu'il a trouué la plus belle ce-cy, la plus belle ce-là, de la meilleure grace, la mieux parlante, la plus braue, enuers laquelle il est le mieux venu, le plus aimé. Mais hélas! d'autant qu'il pense estre pres de son but, il en est loing: toutes-fois de ce pas ne laissera de se retirer en son étude, ou quelque autre lieu secret, pour bastir vne lettre à sa fauorite, laquelle il luy fera tenir le plus secrettement qu'il pourra, & pour en auoir meilleur moyen, gagnera s'il peut, la fille de chambre par quelque petit present, & belles promesses, & Dieu sçait apres que Madame aura receu la lettre, si elle en fera son proffit, & le passetemps qu'elle en tirera, la communicant à ses compaignes qui ne prendront pas moins de plaisir à la lire, que d'ébahissement à considerer la grande folie & simplicité de ce gentil benef. Et voilà Monsieur l'Ecolier acoustré de mesmes, pour recompence du bon vouloir qu'il a d'employer son seruice, & de recouurer sa liberté en pleurant.

**LE COSMOPHILE.** Sans rompre ton propos, tu m'as fait souuenir me parlant de ces Ecoliers, que passant quelques fois par Orleans & Poitiers, ie me trouuay en compaignie de Dames & Damoiselles, & les ayant mises sur le propos d'amour, ie ne vis iamais blâmer larron de la forte, que ces Dames faisoient ces pauvres Ecoliers,

tant qu'une se print à dire : L'auroy grand'enuie de faire vn ami deuant que ie le fiffe d'un Ecolier : l'autre si i'étois femme de peché, ie n'auroy garde de m'abandonner à ces Ecoliers : vraiment, ce dit la plus gaillarde de la compagnie, si i'en auoy cent, ie ne leur en presteroy pas vn : les Ecoliers dit l'autre, par saint Iean, où c'est qu'à grand peine ils ont receu la moindre faueur de nous, ils se vantent d'en auoir fait à leur plaisir. Et voilà, répond vne Damoiselle (i'enten d'une aulne de velours) dont procede que plusieurs honnestes Dames sont ainsi scandalizees, & à grand tort : en bonne foy (dit vne des plus rebrassées) ces gentils galans là les voyez vous bien, s'il ont esté deux fois en vne maison, ils ne trouueront personne à qui ils n'affeurent d'auoir eu la iouissance des maitresses, mais ils se tiendroyent trop heureux de s'estre seulement égayez avecques vn simple fouillon de chambriere entre deux portes. La plus ruzee de la troupe ayant chauffé son chaperon à l'enuers, toute émeüe de colere, & iettant vne baue écumeuse des deus costés de la bouche, commença ainsi son propos : Que ne s'adressent-ils à moy, par Dieu s'il y en estoit venu vn, ie luy monsteroy bien son bec-iaunage : cela ! Ils sont tant ieunes : vraiment c'est raison, baillez leur pour le perdre, quoy ! si quelque preude femme leur a fait cet honneur que de les recevoir en sa compagnie, il n'y aura celuy qui n'en soit abreuué, les petis enfans en iront incontinent à la moutarde : ha merci Dieu dit lors la plus agee, ie suis bien vieille & bien chetive, si est-ce que si le plus haut huppé d'entre eux m'en venoit parler, ie le renuoiroy bien à ces liures.

**LE DEMOCRITIC.** Et ainſi peux tu voir comme font acoutrez ces patuures fots qui employent la plus grande partie de leur eſprit & de leur temps pour ſe faire moquer d'eux-mefmes, & c'eſt bien vn pauvre exemple pour en faire venir l'enuie à ceux qui voudront vn peu fonder le gué deuant que d'y entrer plus auant.

**LE COSMOPHILE.** Mais toute raillerie oſtee, & à celle fin de parler avecques raiſon, il me ſemble qu'en blâmant ainſi les hommes en leur inconſtance & fottes prieres, que tu en fais les femmes beaucoup dignes de plus grand' louange, entendu qu'elles ſe monſtrent en amour trop plus constantes qu'eux, ne faiſans point l'office de requérir & ſupplier comme ils font.

**LE DEMOCRITIC.** Ie te confeſſe bien en cela l'inconſtance des hommes & folie eſtre grandes, ainſi que i'ay touſiours dit, mais pour ce ie n'approueray aucunement les femmes en eſtre plus ſages ou constantes, car elles ſe font tant fortes de la folie & ſimplicité des hommes, dont la plus grand' part font badaux iuſques à là, qu'elles ſe peuuent tenir aſſeures de n'en eſtre que trop requiſes. Et qui doute ſi les hommes eſtoient tels qu'ils doyent eſtre, & qu'ils vouliſſent tenir bon de leur coſté, qu'elles ne fiſſent leur office? Et ſi ſeroient ſi, vray eſt qu'elles n'en ſeroient pas vn peu ſi promptes quand elles les cognoiſtroyent n'eſtre pas touſiours ſi prêts à payer leur dette comme elles ſont à preſter, & cette ſeule occaſion ſeroit aſſez ſuffiſante de les empêcher d'eſtre tant importunes : neantmoins quant elles ſe verroyent en ſi peu d'eſtime, eu égard en celle là, qu'elles ſont pour le iourd'huy, elles accorderoyent à

peu de peine ce que les longues prieres, fottes haren-gues, dons superflus, & autres telles careffes qu'elles ont accoutumé de receuoir, ne peuuent faire, si d'auenture il ne s'en trouuoit quelques-vnes qui euffent le cœur tant vertueux, & affis en fi bon lieu qu'elles aimaffent mieux en vfer à la tribadique.

**LE COSMOPHILE.** Ceux qui ont esté mal traittez des femmes & qui n'ont fceu paruenir à leur intention, en parlent comme toy, n'ayans autre recours, finon à blâmer celles qui ne le meritent tant, & à peine me peux-ie perfuader qu'il t'en foit arriué autrement.

**LE DEMOCRITIC.** Je ne te nieray point que si i'eusse voulu fuyure mon fot appetit defordonné, que quelquesfois ne me fuffe trouué empétré d'vn tel lien : neantmoins la raifon m'a tant iufques à présent commandé, & commandera, que pluftoft i'auroy le defir de n'estre point, que de laisser affaillir mon cœur d'vne folie tant fotte & contre toute raifon. Quant est de ce que tu m'accufes blâmer celles qui ne le meritent, tu n'en as aucune ou que bien peu d'occafion, car comme i'ay toufiours dit, ie n'enten parler qu'aux fottes & outre-cuidees, & non à celles lesquelles (eftans comme Monftres entre les autres) la nature a voulu pouruoir au lieu d'vne mechanceté, cauteleufe inuention, & fottife outre-cuidee (vices communs en la plus grand' partie de leur fexe) d'vne bonté, douceur amiable, & honnesteté gracieufe : vertus hélas ! tant rares en vn tant petit nombre d'entre elles, que la plus grand' partie des autres se peut dire pour le tout. Et outre plus celles que ie blâme tant, ce font pareillement vn tas de mechantes

ruzees lesquelles font semblant d'auoir en horreur & hair le plus cela qu'elles ayment le mieux pratiquer.

**LE COSMOPHILE.** Il me semble que tout ce que tu m'as tant pensé prouuer est droitement contraire à la premiere proposition que i'ay entendue de toy peu apres que ie t'ay rencontré, soustenant que nous ne deuiens receuoir aucune chose qui ne fût bonne ou plaisante, & que rien n'estoit bon qu'il ne fût vtile ou neccessaire.

**LE DEMOCRITIC.** Il est vray.

**LE COSMOPHILE.** Puis donq' que l'amour se peut dire bonne estant vtile, & qui plus est, neccessaire à nostre conseruation, entendu que sans l'amour qui a esté en nos premiers parens, nous ne fussions pas, il s'en enfuyt par vn mesme moyen, qu'elle doit estre à bonne occasion receuë de nous autres : ioint que naturellement nous sommes tenus & obligez d'aimer tout ce qui nous aime, outre que sans cela nous aurions perdu la cognoissance d'vne beauté & honneste maintien d'avecques vne laideur & mauuaise grace, qui seroit estre pis que les bestes.

**LE DEMOCRITIC.** Si tu n'as autre chose à dire ie t'auray tantost solu ce que tu m'as si longtemps gardé & rendray le plus foible ce que tu pense estre le plus fort de ta cause. Et à celle fin d'y tenir meilleur ordre, ie te prendray par le premier point de ta replique, auquel tu m'as dit que sans l'amour de l'homme à la femme, ne se pourroit faire aucune génération parquoy cela estre neccessaire pour conseruer nostre espece. Ie te confesse bien qu'vne amitié moderée, & telle que la na-

ture l'a donnée à chasc'animant de l'un à l'autre sexe, & qui n'excede point les limites de raison, est bonne, & celle qui est ainsi gouvernee, tant s'en faut que ie l'entende blâmer, que ie l'approue la meilleure du monde & tres necessaire. Mais de quoi sert cette commune sottise qui fait tant élongner l'homme de tout bon iugement, qu'il en commet des actes du tout indignes de la creature raisonnable? Ainsi que tu peux cognoistre, au moins s'il te souvient de ce que ie t'en ay dit icy au parauant : dequoy seruent à nostre procreation vne infinité de fongeries, sottes harengues, passions demesurees, poignantes ialousies, foles & outrecuidees entreprises, & vne infinité de tant d'autres badineries, (desquelles nous en auons touché quelques vnes) sinon pour monstrier le peu d'esprit de celuy qui s'y adonne & pour toute recompense, n'en receuoir à la fin que toute honte & moquerie? Donques tu peux desia voir ton premier argument ne faire rien contre moy. Et quant est d'aimer naturellement les creatures qui nous portent affection, encores l'approuuai-ie dauantage que le premier, & reputerai l'homme bien inhumain & ingrat, si se voyant aimé d'une personne, au lieu de la recompenser d'une amitié reciproque, l'auoit en haine : ainsi donques s'y doiuent gouverner les hommes de bon iugement, lesquels se voyans affeurement aymez d'une femme, & principalement si elle est de bon esprit (chose toutesfois rare en leur sexe) la doyuent pareillement aimer, non pas comme ces fots passionnez amoureux, mais ainsi que la nature conduite avecques la raison nous le commande. Et quant est de moy ne me pense point Stoïque iusques à



là que ie voulfiffe méprifer vne telle amour & fi t'affeure bien qu'ayant rencontré vne mignarde de mefme entendant le vray & naturel but de la couple amoureuse, ie ne fache homme qui s'y donnaft plus de plaifir ne qui fe baignaft dauantage à procreer fon femblable que ie fe-roy. Quant à ton dernier point qui touche la différence des beautez, tant s'en faut que ce fol amour nous ouure tant les yeux qu'il nous face recognoiftre & prendre plus de plaifir à vne belle & honnefte femme qu'à vne laide & mal apprise, que c'est tout à l'opposite. Et de ce auons affez d'exemples (fans tant d'autres que nous voyons encores aduenir plus fouuent que tous les iours) de ceux lesquels s'estant laissez si lachement furmonter par vne chose tant vile & ridicule, fans aucunement auoir opposé la moindre estincelle de raifon pour de- fense, en font demeurez tant aueuglez & abétis qu'au lieu de choisir vne beauté, se font enamourez de la plus laide, fans iamais auoir esté contens que premierement ils ne nous ayent decouuert leur sottise & aueuglement par leurs écrits & fictions ridicules, ainsi que ie difoys nagueres, estimant nous la faire trouuer belle, encores qu'elle soit plus laide que l'horrible Meduse ou la vieille amie depeinte en l'anterotique du poëte Angeuin Ioachim du Bellay : leur semblant de ses imperfections estre les graces les mieux accomplies, ses vices estre vertus, sa folie sageffe, son sot & lourd parler le plus elegant & doux langage du monde, son laid & fardé visage vne angelique beauté. Ainsi en deuient tant confus & aueuglé celui qui s'entremefle de telle folie, que le plus fouuent le blanc luy semble noir, cherchant

ce que plus il deuroit eüter. Et tant font grandes les folies de ces vaillaus & habiles foldats de Cupidon, qu'il feroit impossible à l'homme (voire eut-il cent langues) les pouvoir toutes exprimer, parquoy il ne se faut pas ébahir, si la fin n'en attraine avecques foy qu'une infinité de folies fuyues de confusions, moqueries & d'une longue repentance.

LE COSMOPHILE. Encores que tu m'ayes bien blâmé l'amour & vne bonne partie de ce que ie t'auoy repliqué, si ne me fçaurois-tu faire confesser que l'on n'y apprenne quelques ciuilités honnestes, desquelles il m'en vient maintenant souuenir de deux que tu ne me fçauroys aucunement nier, dont l'une est bien danser, & l'autre sonner des instrumens.

LE DEMOCRITIC. Quant est de fçaouir la musique, c'est vne chose fort honneste & plaisante, mais il en va tout ainsi que ie t'ay dit de bien parler, veu que la fin où doit tendre cetui-là qui s'y étudie, ne doit pas estre pour complaire aux femmes : car celuy qui apprend à chanter, ou toucher les instrumens, non point pour se donner plaisir, mais pour autruy, esperant d'en receuoir par ce moyen quelque vaine louange à l'armonidienne, se peut veritablement appeler sot ou mercenaire. Je ne veux pas dire, s'il se trouue en compagnie qui se delecte de la Musique, que pour cette occasion il desiste à en iouër, s'il ne vouloit estre veu tenir de la quinte des chantres : mais trop bien que l'on ne doit pas en apprendre pour cette fin, & pareillement pour plaire à celles, auxquelles les hommes de peu se veulent afferuir. Quant est de danser, les hommes ne fçauroyent mieux témoi-

gner leur folie & peu d'esprit, qu'en approuuant vne telle fingerie & folie superflue.

**LE MONDAIN.** Tu voudras tantost ressembler le vieil Caton Romain qui estoit tant feure correcteur des mœurs & conditions humaines, qu'à peine vouloit il iamais approuuer chose qui fut plaifante & delectable.

**LE DEMOCRITIC.** Quant est de Caton il ne se faut pas ébahir, si anciennement il fut trouué rigoureux en ses remonstrances, car encores que le monde ne fut fillé de tant de réueries, comme il est pour le iourd'huy, si est ce que de tout temps il y a eu des erreurs bien grandes, & c'estoit à ceux là qui s'y abufoient, aufquels les aduertiffemens du bon Caton sembloient vn peu crus & mal digerés, pour ce qu'il ne vouloit rien estre receu entre les hommes qu'il ne fut conuenable à leur raison. Neantmoins s'il s'y est quelque fois monstré rude, & trop affecté en cela, ie ne delibere le suyure, & moins encores vn tas d'autres lourdaus superstitieux & Philosophes renfrongnés, qui veulent contrefaire des sages & graues enseigneurs, n'ayans autre occasion pour blâmer & reprendre ce qu'ils trouuent mauuais (dont la danse est possible du nombre) si non qu'en disant qu'il s'y trouue trop de choses lasciuës, & qu'il en procede vne infinité de crimes. Et diroit-on à voir la chere & grace de ces beaux mépriseurs de toutes choses, qu'ils sont cousins germains de quelque grosse fouché de bois, de forte que ie croy qu'il leur faudroit fourrer vn poinçon plus de cent fois dedans les flancs deuant que de leur faire seulement remuër les leures ou siller les yeux, & avecques cela qui leur presenteroit au nez les plus

excellens & doux parfuns de l'Arabie, encores diroyent-ils que l'odeur en seroit puante, tant ces gros fourcilleus ont le sentiment égaré. Et qui est encores le pis, ils voudroyent bien forger tout le reste des hommes à leur coin, les rendans si abestis, qu'ils ne prennent plaisir à chose du monde, fors qu'abayer apres les mouches, & enfoncer des contemplations, en attendant la Lune à leuer. Je me tays qu'Agrippe en son traité de la vanité des sciences voulant blâmer la danse, n'en allegue point de plus forte raison, si non qu'elle est pernicieuse pour le trop grand plaisir qui y est. Mais tout au contraire de luy & de tous autres fins sous spéculatifs, chahuans timonistes du genre humain, ie veux bien receuoir ce qu'à bon droit & par raison se peut nommer plaisir, ce qui ne se peut aucunement prouuer en la danse, entendu que nul se doit appeller plaisir, si ce n'est en temps qu'il delecte & chatouille l'un de nos sens, ou que par iceux il puisse penetrer iusques à nous recreer l'esprit. Et par cela peut estre approuué le son des instrumens, car outre que l'armonie est agreable à l'oreille, elle sert aussi à chasser les melancolies & facheries de l'ame. Mais il en est bien tout au contraire de cette belle bastelerie que tu appelles danse : veu qu'il ne s'en sçauroit tirer volupté qui reiouisse le moindre de nos sens. Premierement commence par l'ouïe, l'armonie & musique des pieds n'est point si grande qu'elle me delecte l'oreille. Quant est du plaisir du goust il ne s'y en trouue aucun, du toucher encores moins, de l'odorer il n'y en a rien, s'il n'aduenoit d'auanture que quelque mignon, pour danser plus legierement, voulfist oster l'escarpin, & parfumer la compagnie de la souëue

& precieuse odeur de ses pieds. Quant est de la venie ie ne trouue point qu'une carole ou danse, soit vne couleur si viue, que se representant deuant mes yeux, elle me les resiouyffe, ou que par iceux elle puisse penetrer iusques au plaisir de l'ame, entendu que le suiet d'icelle ne s'étend point à choses tant sottes & si basses, ainçois à celles, lesquelles estans plus parfaites & hautaines, luy apportent quelque contentement, ou pour estre rares & nouvelles luy semblent agreables.

**LE COSMOPHILE.** Comment se pourroit donq' faire que la danse semblaist bonne à tant de personnes ?

**LE DEMOCRITIC.** De la mesme sorte que les chardons semblent bons aus asnes.

**LE MONDAIN.** Voire, mais voudrois tu bien dire qu'Homere si excellent poëte Grec, qui a loué hautement Merion pour sçauoir bien fauter & faire gambades, ait esté asne ?

**LE DEMOCRITIC.** Il n'auoit pas vn peu les oreilles si grandes, mais quant au reste ie croy qu'il ne s'en falloit pas beaucoup, & principalement en ce poinct que tu en as allegué. Et pensez vous le beau titre d'honneur que l'on donne à vn homme quand on dit de luy que c'est vn beau danseur, & que ce seroit vne chose graue & fort honneste, d'appeler auiourd'huy les Magistrats & principaux gouverneurs d'vn peuple, ou les Capitaines commis à l'auantgarde d'une bataille, auant-danseurs, ou selon nostre vulgaire, meneurs de dances, (sonne tabourin) ainsi que iadis par grande reuerence ils auoyent acoutumé de les nommer en Theffalie, tant ils auoyent cette belle efcryme de iambes venerable & en

grande recommandation. Quant est de moy si on vouloit auourd'huy renouueller telle coutume, i'en appelle-roi comme d'abus, s'ils n'auoyent pareillement en la main gauche le petit paillard bouquet pour témoignage de leur preeminence.

LE COSMOPHILE. Tu en diras ce qu'il t'en plaira, si est-ce que i'en aime mieus s'yure l'experience que toute ta philosophie, cognoissant assurement qu'il y a plaisir à bien danser, puis qu'une infinité de personnes & gens de bon esprit s'y delectent.

LE DEMOCRITIC. Ne te souuient-il plus de ce que tu m'as promis, qui est de s'yure la raison plus qu'une fotte coutume, & maintenant tu veus approuuer la danse seulement pour estre receuë des hommes que tu appelles de bon esprit & sans aucune raison? Et à celle fin qu'il ne reste plus d'occasion pour faire trouver les choses fottes & ridicules, braues & dignes de grand' louange, ie t'acheuerai de prouuer cette basterie estre du tout à reietter de l'homme sage, comme n'estant qu'une fotte opinion élongnee de tout bon iugement. Car t'ayant desia prouué le peu de plaisir qui en peut venir à l'homme spirituel, ie te veux monstretre encores comme la danse ne doit estre confirmee pour estre bonne, ne contenant en soy aucune necessité ni profit. Premièrement qu'elle soit encore moins nécessaire que plaifante, en ce le cognoissons que nous en pouuons bien passer sans preiudice de la conseruation de nostre espece : pour estre vtile il ne s'en trouue occasion de la louer, quand il n'en reuient aucun profit à la compagnie humaine.

**LE COSMOPHILE.** Je m'emerueille pour homme qui se pense si resolu, comme tu as apresté à ton ennemi les armes pour te vaincre, car me parlant de l'vtile, tu m'as aduisé d'vne chose expresse pour approuuer la danse, entendu quand il n'y auroit autre chose de bon en la danse, que l'exercice du corps, chose tant recommandable de foy, profitable, & mesmement necessaire pour augmenter la force, & maintenir l'homme en bonne disposition, cette seule raison seroit assez suffisante pour renuerfer tout ce que tu m'es allé de si loing chercher par tes argumens & fillogismes, encores que ie ne parle point du plaisir que prend celuy qui danse bien, se voyant loué, & de la grace & faueur qu'en ce faisant il peut acquerir pour plaire à toute l'assistance.

**LE DEMOCRITIC.** Pour vn braue Maistre Maçon Aristotelic, si as tu tant mal basti & fondé tes argumens, que l'vn est cause de la ruine de l'autre : car ce dernier point auquel tu as parlé de plaire à autruy, destruit totalement le premier, entendu qu'il n'est rien plus certain que si l'égard de plaire, & principalement à ces belles Deesses, n'estoit la fin de la danse, il ne s'en troueroit pas vn qui en daignast deployer la iambe pour en essayer vn passage, & moins encores de ceux qui voufissent en apprenant cette gentille fingerie, quelquefois tomber à la renuerse, ou bien accoler vne table, ou vn buffet si doucement qu'on dit, le Diable y ait part en la danse. Et par ce cognois-tu aysement que l'on n'apprend pas à danser pour le plaisir qui y peut estre, mais seulement pour vn fol égard de plaire à celles qui prennent plus de plaisir à se moquer & rire de

ces pauvres fots qui se traueillent en vain, qu'à voir l'excellence de leurs pieds de veau, ou bien pour leur donner plus de couleur à l'Italienne de leurs gambes rottés, cabriolle, fioret, mutances, fuspends, gambades, voltes, & vne infinité d'autres tels menus fatras qui ne seruent d'autre chose qu'à se faire moquer de soy mesme, comme n'estans que vrayes fingeries, ainsi que leurs termes mesmes nous le donnent aisement à cognoistre : Comme vne cabriolle voulant par ce passage contrefaire les fautelantes cheures, par la gambe rotte vne personne qui a la iambe rompue, par le passage du cheual le voulant enfuyure en ce qu'il frape du pied contre terre. le laisse à parler des autres gambades qu'ils ont autrefois appeeles le faut du couturier, aujourdhuy furnommé à la paluettiste landrichard, le faut du pendu, & prou d'autres de pareille farine, termes fort propres & dignes d'une telle science. Il s'en est encores à la fin trouué quelques vns des plus experts en cette sotté badinerie, qui pour faire gagner de l'argent à quelques petis crieurs de rogatons, l'ont voulu reduire en vn certain art, & en composer liures qui ne sont dediés à autre chose qu'à seruir aus reuendeurs & apoticaire, pour en enueloper leur marchandise & drogues, & faire des cornets à ferrer leurs epiceries. Mais i'ay belle peur que pareillement ces vieus rondeaus & balades ne les suyuent de pres. le laisse à part vne infinité de ces beaux danseurs, lesquels faisans vn spectacle de soy en compagnie, ne seruent qu'à donner occasion de rifee & moquerie à ceus qui les regardent, & encores que ces pauvres fots se rompent les iambes, & quelques



fois tombent tout à plat, s'efforçans de faire plus qu'ils ne sçauent pour complaire à leur Dame, ils n'en auront la moitié tant de louange comme Madame la fucree, laquelle avecques vn petit branlement de teste, vn tour d'espaule, & maniemment de pied fretillard, fera trouuee cent mille fois mieus faire, que son pauvre confort, qui se fera mis hors d'aleine, à force de gambader. Outre plus, est il possible d'appercevoir vn plus grand signe de folie que de voir fauter des personnes les vnes contre les autres, comme s'ils auoyent l'esprit rai & troublé de la mesme diableusement sainte & diuine fureur, qu'estoyent iadis surpris les prestres & prestresses, lors que par la hautaine inspiration de leurs Dieus souflee iusques au plus profond du cinquiesme canal de leurs ames, ils vouloyent prophetiser & mettre en auant les oracles diuins. Telle chose fut vne fois obiectee par vn sage Roy d'Arragon, nommé Alphonse, lequel voyant danser & fauter vne femme (comme elles ont de bonne coutume de faire aujourd'huy) se retourna deuers toute l'assistance, & dit telles parolles : Messieurs tenez vous coi, tantost la Sibille rendra son oracle : voulant par cela donner à entendre que toutes les personnes qui se mettent ainsi à fauter & gambader, ne sont pas moins transportez hors de leurs sens, que faignoit estre la Sibille vn peu auparauant qu'elle voufist dégorger ses propheties. Je te laisse à penser s'il se sçauroit trouuer chose raisonnable, ou art tel qu'il soit ou science (i'entends de ceux desquels l'appuy n'est point fondé sus des abus & vaines menfonges dont nous pourrons deuifer par ci apres) qui donne occasion à celui qui la

veut fuire d'en estre repris, ou moqué. Regarde ie te prie, s'il est possible d'alleguer raifon aucune, par laquelle on puiffe prouuer ces imitations de Singe estre digne d'une perfection virile.

LE COSMOPHILE. Tu dis le mieux du monde, mais tu ne viens aucunement à l'exercice que l'on y prend, & à la louange que l'on en acquiert.

LE DEMOCRITIC. Ne t'ay-ie pas defia dit & affés prouué que l'exercice n'est pas la fin pour laquelle on apprend à danser? Et bien que la danse eut occasion d'estre louee pour l'exercice, ie te diray donq' qu'il sera auffi bon pour s'exercer, de courir & sauter tout seul fans composition, que de tant employer de temps pour dérober le gaing & honneur d'un basteleur. Quant est d'en estre loué, ie ne t'en diray autre chose, fors ce que chacun cognoit affés, que la louange s'attribue fouuentefois aux choses les plus fottes & imparfaites. Et tout ainfi que nous voyons vn farcereau estre bien loué, en representant vne parfaite badinerie, autant en adient il à ceux qui font quelquefois prisés en leurs fauts & gambades. Ie ne veux pas dire que la basse danse, mais qu'on ne la découpe point trop menu, ne soit vne chose fort graue, & principalement dansee en robe, & avecques vne mesure seigneuriale, ioint qu'il faut auffi que cela soit fait par vn homme defia meür d'aage, & raffis de cerueau, & non pas par ces ieunes apprentis qui portent leur deus ff. d. écris en vn petit rolet de papier, & qui ne font pas encores bien assurés à la grace & contenance qu'il faut tenir au branle durant lequel ils portent pour le moins vne douzaine de fois la main

au visage, à celle fin de cacher leur petite honte malafinee. Mais tout cela ne feroit encores rien, si ces beaux danseurs d'une petite folie ne tomboyent en vne plus grande, veu qu'ordinairement ces fols à la grand' mesure referent toutes leurs œuures, & principalement cette ci pour complaire & offrir leur seruice à celles dont ie t'ai parlé ici deuant.

**LE COSMOPHILE.** Je recommence maintenant à cognoistre par experience que la dispute de quelque chose que ce soit, fait le plus souuent éclaircir les choses douteuses & ambigues, & ce que la simple opinion des hommes se forge & pense le plus vrai, estre par raison le plus faus. Car deuant t'auoir ouy parler, aucun ne m'eust semblé digne de reputation enuers ceus qui s'estiment les plus braues, qui ne se feust façonné à leur maniere de faire, principalement les imitant en cette frenesie amoureuse. Mais ie me fai bien fort que d'orenavant ie m'en aiderai trop mieus, que ie n'ai fait par le passé, car au lieu de tant de caresses, danfes & fottes badineries qu'on a de coutume de faire à l'endroit des femmes, j'ai delibéré, que là où i'en trouuerai à l'écart, m'efforcer d'en prendre en solatrant ce que nature nous a donné pour le contentement de l'un & de l'autre, croyant asseurement que ceus qui en vsent ainsi, sans tant de, Madame pour l'amour de vous, en doiuent estre estimés les plus sages.

**LE DEMOCRITIC.** Tu contes bien sans ton hoste, & si elle te refusoit.

**LE COSMOPHILE.** Ne se tenir point escondit pour la premiere fois.

LE DEMOCRITIC. Voire-mais si elle en fait tousiours de mesmes.

LE COSMOPHILE. Luy faire patarades, & pratiquer le proverbe rustique, qui ne peut à vn moulin, aille à l'autre.

LE DEMOCRITIC. Tu ne parles point de donner.

LE COSMOPHILE. De donner vertu Dieu encores moins, qui plus y met, plus y pert, mais comme ie t'ay dit, il est impossible que s'adressant ainsi à beaucoup, il ne s'en trouue quelqu'une de bon vouloir.

LE DEMOCRITIC. Tu m'as releué d'une grand' peine d'auoir tant bien, & si tost entendu comment il faut proceder en cette matiere, t'assurant que tu as bien trouué vn moyen trop plus expedient que nul autre, & pour n'estre ridicule enuers homme du monde. Toutesfois si n'est ce pas encore tout, car puisque nous nous difons Crétiens, il faut faire les œuures, accomplissant ce qu'il nous en est dit par nostre loy, laquelle donne à chasque personne vn bon moyen de contenter son appetit naturel, commandant à ceux qui ne se pourront contenir, de prendre femme en vray & legitime mariage.

LE COSMOPHILE. Ce seroit encores faire pis que deuant, & comme l'on dit au vieil proverbe, voulant euter Caribde s'engoufrer en Scylle, ou bien autrement tomber de fieure en chaut mal. Je sçay fort bien que ie ne me contenteray que trop, si estant vne fois empestre d'une femme, i'entreprends de la contenter : mais ce n'est pas là où gist le lieure. Tu veux donque que ie fois coqu, & par Dieu non feray : car encores que i'aye

adioufté foy à vne bonne partie de tes remonſtrances, ſi eſt ce que tu ne me feras ia venir l'enuie de porter des cornes.

**LE DEMOCRITIC.** Comment ! voudrois-tu bien reculer à cela, qui ſeruiroit de teſmoignage de ta vertu & preud'homie ?

**LE COSMOPHILE.** Comment cela ! les cornes font-elles les gens de bien ? Quant eſt de moy ie n'en croy rien.

**LE DEMOCRITIC.** Dea ie ne te contrains point, tant y a que ie t'en dis ce que par escrit on en treuue, & en quelque forte que tu en vueilles vſer, ſi me confeſſeras-tu les folies de ces paſſionnés amoureux eſtre bien grandes.

**LE COSMOPHILE.** Ie ne te le ſçauois nier, encores que ce ſoit bien la choſe la plus contraire à ce que i'en ay penſé autresfois.

**LE DEMOCRITIC.** Or ſi tu cognois maintenant la plus grand' partie des hommes faillir & eſtre ridicules, par cette extremité trop amoureuse qui leur fait commettre (ainſi qu'amplement nous l'auons déclaré) vne infinité d'actes ſots & vicieus qu'ils eſtiment neantmoins eſtre les plus grandes ſageſſes & vertus du monde, encores ſont ils plus à reprendre pour auoir receu entre eus l'autre extremité pour vertu, qui eſt faute d'amitié, le contraire de celuy dont nous auons deſia parlé, & ſans comparaiſon, digne de plus grand vitupere pour eſtre moins humain que l'autre : veu que par iceluy eſt ſuruenuë entre eus cette grand' & plus que brutale cruauté de s'entre pourchaffer la mort, contre tout l'ordre &

amitié que nostre commune mere nature a donnée à chacune espece, pour se conferuer & aider l'une à l'autre, & soy defendre contre les oppreffions & iniures, lesquelles leur sont faites par vn autre genre d'animans, qui a esté la feule & principale occasion pourquoy les hommes se font ainsi assemblés, edifié Villes & cités, & pris autre maniere de viure qu'ils n'auoyent lors que vagans par les desers, bois, & campagnes, & soy retirans es cauernes & fosses de la terre, viuoyent brutalement. Adonq' se voyans quelquesfois oppressés & endommagez des autres animans, commencerent d'aller en compaignie, à celle fin de s'en defendre : de forte qu'apres auoir fait ainsi quelque temps, peu à peu se deploya leur langue, attribuant par ce moyen à chacune chose quelque nom qui leur venoit premier en la bouche pour la signifier. Et ainsi ils en vfoient pour se donner à entendre leurs conceptions, tellement qu'ils commencerent au lieu d'une vie brutale, en prendre vne plus compaignable & honneste, tout cela procedant seulement d'une affection naturelle qu'ils auoyent les vns enuers les autres pour resister aus oppreffions des autres animans. Mais hélas ! tant s'en faut qu'ils soyent aujourd'huy entre-eus si secourables, comme ils estoient pour lors, qu'au lieu de cette bonne affection & instinct naturel de s'entre-secourir, ils vsent si abhominablement d'une telle cruauté entre eus mesmes, que celuy-là est estimé le plus gentil compaignon qui en a le plus tué. O abus du monde par trop detestables ! O monstrueuse cruauté, & non au parauant entendue ! O l'ordre de nature du tout peruertit ! O iugement des hommes renuerfé ! Où est la raison que

fauffement s'attribuent les humains? Où est cette douceur & pitié naturelle de laquelle tout animant créé de la nature, vſe pour ſe garentir & conſeruer, ſelon ſon pouuoir, chacun en ſon eſpece? N'auons nous pas les exemples des beſtes brutes, qui nous mouſtrent comment nous deuous vſer de cette benignité & ſecours mutuel chacun enuers ſon ſemblable, & nous autres qui à grand tort nous diſons raiſonnables, tant ſ'en faut que nous portions aide les vns aus autres, que tout au contraire, eſtans pires' que les autres animans, nous nous faiſons acroire que noſtre honneur eſt bien fort preſſé, ſi nous ayant eſté dit quelque parole à la volée, nous ne faiſons noſtre deuoir en camp clos ou autrement de combattre à toute outrance noſtre ennemy. O cœur inhumain & par trop endurci, de te glorifier d'auoir ſouillé tes mains au ſang de ton ſemblable! O pauvre victoire cauſée d'vne ſi eſtrange & abominable cruauté! Où auez vous trouué, pauvres humains ſans ceruelle, & plus incenſez que Demoniaques, qu'il faut appeller cette enragée ſottife, voſtre honneur? Où eſt ce deuoir que vous penſés faire en executant choſes toutes contraires à ce que naturellement & ſuyuant la raiſon vous eſtes tenus?

LE COSMOPHILE. Je ne veus approuuer, & moins encores ſouſtenir cette cruauté que tu as à bonne & iuſte cauſe condamnee, mais ſi eſt-ce qu'il eſt quelque fois neceſſaire au deffaut d'autre preuue, pour iuſtifier celui qui a bon droit, faire apparoitre de la verité douteuſe par la fin du combat de l'vn contre l'autre. Car il eſt tout certain, & aſſez cogneu par les anciennes

& modernes histoires, comme le bon droit a toujours esté gardé, & la victoire pareillement demeuree au iuste & à l'innocent.

LE DEMOCRITIC. Si quelques-fois & par fortune le meilleur s'est trouué du costé de celuy qui auoit bon droit, les hommes par trop prompts & fragiles en leurs inuentions, incontinent ont pensé cela estre certain & infallible : Et pour vuidier quelque different, n'auoir point de meilleur moyen, qu'en le verifiant par la mort de l'un ou de l'autre. Mais en cela ils découurent facilement leurs bien peu cler-voians yeus, & deffaut de iugement, ne pouuans voir ny considerer cela n'estre qu'une chose hazardeuse, car les armes (s'il faut que ie parle ainsi) sont iournalieres, & suiettes à la fortune qui peut aussi bien donner la victoire, & prester de sa faueur, voire le plus souuent aus mechans, qu'aux bons. Et à celle fin de te le donner mieux à cognoistre, ie te prie regarde si le plus fort n'emportera pas le plus foible, le plus adroit le plus lourd, & cettuy-là qui se plaist d'auoir les mains ensanglantees, & est le plus acoustumé à ce malheur & furie inhumaine de deffaire son semblable, ne viendra pas mieux à bout de celuy lequel estant plus dous & humain auroit horreur d'auoir épandu le sang d'un de son espece. Et s'il est ainsi que la victoire suyue toujours le bon droit, pourquoy est-ce que l'homme nu ou foible, ou moins fauorifé de fortune, ayant iuste cause, demeurera vaincu de son ennemi qui sera armé, ou bien le plus fort & plus heureus? Et qu'il soit vray, me veus-tu nier qu'ayant vne arquebuze bien chargée, si ie rencontroy mon ennemi, encores qu'il eust bon droit,



que cela le peust fauuer de la violence de la basse, si ie la luy voulois delaschér au trauers du corps?

**LE COSMOPHILE.** Ie te confesseray bien que si nous ne regardons simplement qu'à la nature, sans point de doute le plus fort ou celuy auquel la fortune se voudra monstrier plus fauorable, l'emportera, mais Dieu qui est par dessus, ne permet iamais le bon droit estre foulé.

**LE DEMOCRITIC.** Tu as tousiours de coutume, n'ayant autre recours, de me tendre vn filet auquel tu te trouues le premier pris, estimant ton dire estre veritable, m'alleguant aucune fois, sans le coter, quelque passage des saintes écritures : en quoy tu me donnes aisement à cognoistre que tu en crois plus par ouïr dire, que pour l'auoir veu, par ce que nous auons assés d'exemples en icelles, comme Dieu a permis les bons auoir esté foulés des mechans, & ceus qui auoyent bon droit estre demeurés vaincus. Ce qu'il nous a esté mesmement confirmé par le nouveau Testament, auquel il est dit que les fideles, & ceus qui voudront prescher purement l'Euangile, endureront des iniures & persecutions des mechans, & s'il estoit vray, comme tu dis, que le bon droit n'est point foulé, il s'enfuyuroit donq' que les Saints eleus de Dieu qui sont persecutés, eussent mauuaise cause, & qu'à ceus qui sont victorieus sus leurs pauvres corps affligés demourast le bon droit, qui seroit totalement renuerfer l'Euangile de Iesus Christ. Et pour ce cognois maintenant cela n'estre point tant seulement contre nature, mais aussi contre Dieu, & qu'il ne faut aucunement eprouer la verité par vne cruauté tant

inhumaine, & acte du tout contraire à sa parole, par laquelle l'homicide nous est expressement defendu, & commandé d'endurer les vns des autres.

LE COSMOPHILE. Tu nous voudrois donq' faire tant simples que quand on nous donneroit vn soufflet en vne iouée, nous tendissions l'autre pour en recevoir autant : & en ce faisant monstrierions-nous bien nostre peu de cœur estans plus lâches que la petite fourmis qui essaie mesme à se rebecquer contre les plus fors.

LE DEMOCRITIC. Si i'ay dit quelque chose en cela qui soit contre ta fantasia, remets en la faute sus toymesme, qui m'as contraint par ta replique theologale, de faire ainsi du contre-prescheur, neantmoins que ie ne veus pas-me monstrier tant seure Euangeliste, que ie te conseille d'endurer des nazardes à toutes heurtes seruant par ce moyen de fable & de passetemps à vn chacun : Non, Non, ie ne veus pas prendre la lettre si fort au pié leué que tu penses, veu mesmement que les loix nous permettent, si on nous fait vn effort de le repousser avecques vn autre effort, mais il seroit tresbon pour obuier à beaucoup de legieres querelles de tenir vne telle regle, que le premier mutin qui seroit trouué outrageant son compagnon, fust reietté & banni de toute compagnie, en faisant par mesme moyen autant à ceux qui le voudroyent hanter. Et si cela n'estoit suffisant pour corriger vn tas d'auteurs de querelles, il faudroit, & principalement où ils ne pourroyent prouuer ce qu'ils auroyent mis en auant, les punir publiquement pour seruir d'exemple aus autres.

LE CÔSMOPHILE. Ie m'étonne comme apres

m'auoir tant loué cette douceur & pitié naturelle, & au contraire blâmé la cruauté que nous vsons enuers nostre semblable, maintenant tu dis estre bon & necessaire d'en faire vn cruel spectacle par la mort d'vn de nostre espece.

**LE DEMOCRITIC.** Encore que ie t'aye approuué estre quelquefois necessaire de châtier ces fols outrageus (seul vice entre les autres le plus digne d'estre puni) pour cela n'enten-ie pas louer aucune cruauté : veu mesmement qu'vn tel conseil ne tend à autre fin qu'à nous conseruer tous en vne paix & amitié telle que nous la devons tenir de nature, & aussi est-il tout certain que de deux maux necessaires, il faut, s'il est possible, en euitant le plus grand eslire le moindre. Car ne vaut-il pas mieux que peu de ces fols outrageus meurent pour moderer la gloire outrecuidee des autres, qu'vn nombre infini de braues & vaillans hommes soyent contrains d'en passer le pas, seulement à l'appetit d'vne fotte opinion approuuee des hommes ?

**LE COSMOPHILE.** Ie ne sçache aucun qui sceut à bon droit blâmer ton conseil, veu qu'il ne tend qu'à bonne fin, & qu'il est non seulement fondé sus la loy de nature, mais aussi sus la diuine, neantmoins ie m'emerueille d'vn grand nombre de ceus que l'on appelle bien apris & de bon esprit, qui en vsent tout au contraire de la raison, ne tâchans de iour à autre, qu'en se geinant eus-mesmes, trouuer inuention de destruyre leur semblable, non point tant à l'occasion de parolles ou quelques autres legeres iniures qui leur ayent esté dites ou faites, que pour vn depit d'en voir d'autres quelque

fois plus fauoris des biens de fortune, ou mieus venus enuers vn grand seigneur qu'ils ne font.

LE DEMOCRITIC. Encores que ie n'eusse point deliberé de faire si long sejour en ce lieu, si est-ce que tant pour ce que ie te voy desia prendre goust en mes parolles, tant aussi pour mettre en execution la promesse que ie t'auoi' faite auparauant, ie suis content d'y demeurer tant qu'il te plaira, pour te declarer par le menu ce que tu voudras entendre de moy, t'assurant bien que l'enuie, selon que tu as dit, est de tous temps plus fus les riches que fus les pauures, entendu que la misere peut demeurer seule en ce monde sans enuie, par laquelle est suruenue vne quantité innumerable de maus & inconueniens. l'en pourrois alleguer assés d'authoritez de Poëtes, Orateurs & autres écriuains, mais il n'est seulement besoin que d'en veoir les exemples ordinaires, comme vne infinité de gens de bien & innocens encourrent par icelle vne mauuaise & fausse renommee. Par l'enuie on voit l'honneur de la plus chaste & pudique femme estre corrompu & violé, par l'enuie on voit le plus homme de bien du monde estre estimé le plus vicieux, le riche perdre non seulement ses biens & deuenir pauure, mais quelquefois prendre fin avecques vne mort assez ignominieuse, le bon droit & equité estre du tout renuersee, par l'enuie on a veu autrefois, & voit-on encores, le Magistrat estre deietté hors de son office, celuy qui a bien fait son deuoir estre mal recompensé pour en guerdonner ceus qui ne le meritent aucunement. Donques tous faus & calomnieus rappors, trahifons mechantes & cauteleufes machinations de mort, vne infi-

nité d'actes cruels & inhumains : & bref toutes les plus grandes mechancetez du monde font cauees le plus fouuent par quelque langue enuieufe. Et tant font auiourd'huy abufez les plus grans Seigneurs, qu'ils n'ont la pluspart du temps autour de leurs personnes, que flateurs aufquels ils se laiffent doucement tromper & deceuoir par louanges & applaudiffemens, & preftent volontiers l'oreille, fentant medire d'un plus homme de bien cent fois que ne font les babillars qui en rapportent. Et pour acheuer la farce, toute ceste grande beste populaire s'ebroule apres, à l'imitation des plus grans, croiant tout soudain aus plus volages & legieres parolles qu'elle entend dire contre la bonne renommee de quelcun, & encores pour se faire d'auantage acroire qu'il est vrai, on met en auant qu'il n'y a point de feu fans fumee. O trop pernicieufe & fotte perfuasion ! faut-il que pour vne mechante langue remplie du plus noir & dangereux venin, la reputation d'un homme de bien, & totalement net & pur d'un tel vice qui lui est imposé, en soit ainsi traitement piquee & corrompue ? Et puis me dites que la plusgrand' partie des hommes ne sont pas fols & enragés de croire ainsi à la volée, & avecques vne si grande furie, à un faus rapport, & de faire un si mauuais iugement de l'autrui pour un simple bruit qui s'est leué de luy, semé par quelque enuieus, sans en auoir autre cognoiffance plus notoire & plus certaine. Et certainement oiant ainsi medire de quelcun, ce seroit alors que i'en penseroi plustost au contraire de ce qu'on en diroit, entendu que tout ainsi que la science n'a point de plus grand ennemi que l'ignorant, la richesse

que la pauvreté, auffi l'homme de bon esprit ou bien viuant n'a volontiers à l'encontre de foy que cette vermine calomnieufement enuieufe & ignorante qui ne tache qu'à mordre deffus luy, & ronger quelque chose de fa louable & vertueufe reputation. Toutesfois il ne faut point tant nous amuser icy à donner le blâme aus flateurs & enuieux, que nous en delaiſſions ceus qui les entretiennent & nourrissent à leurs gages, lesquels estans vne fois perſuadez par eus qu'il y a en leurs perſonnes des vertus & perfectiones cent mille fois plus que ne contient la verité, incontinent s'estiment estre dignes du los & gloire, qu'on leur donne. Mais ie voudroi bien ſçauoir que telles gens, aufquels on fait à croire ſi aifement estre ce qu'ils ne ſont pas reſpondroyent, ſi on les interrogeoit de meſme que Stilpon interrogea vne fois Theodore, lors qu'il luy demanda s'il croyoit estre tel qu'on le faisoit : & apres que Theodore luy eut donné à entendre par ſigne qu'ouy : Tu es donques Dieu (dit Stilpon) & de rechef l'autre s'y eſtant conſenti par mines comme auparauant, Stilpon ſe print à ſouſrire luy repliquant : O grand ſot que tu es ! par meſme raiſon tu te confeſſerois estre corneille : voila la grande folie où tombent ceus qu'on trompe ſi doucement par flateries. Et ſ'il aduient d'aventure qu'aucun de ces flateurs leur donne à entendre qu'ils ne ſe doiuent ſoumettre ſi bas, que de ſe faire compagnons des autres hommes, à celle fin de ne deroger à leurs dignités & preeminences qu'ils ont ſus le peuple, leur mettant pareillement en auant les grans biens & poſſeſſions, dont ils ſont doués plus que les autres : ils n'auront pas

pluſtoſt entendu telles pernicieuſes remonſtrances, qu'ils ne ſ'y conſentent, changeant en vne meſme heure, & d'opinion & de maniere de viure, tellement que par cette nuë & couuerture qu'on leur met deuant les yeus, ils ſont empechez de voir, & cognoiſtre que tel auantage ne procede point de leur merite, ains ſeulement de la fortune qui les a fait naiſtre ou deuenir riches en dormant. Neantmoins, ſans auoir la moindre eſtincelle de telle conſideration, ils ſ'enorgueilliffent de telle ſorte qu'ils ne tiennent aucunement conte des autres hommes, comme ſi la nature les auoit formez d'vne autre paſte, & expreſſement produits, pour eſtre plus comblez de richesses que les autres. Mais qu'ils ſe gardent hardiment de rendre à vu terme trop hatif & ſuruenant à l'impourueu, cela qui leur a eſté preſté par le hazard, & dont ils marchent tant fiers & ſuperbes. Et à celle fin qu'ils ne ſ'y penſent pas moins ſuiets que les autres, deſquels les miſerables exemples (que ie tairay pour ne faire tort à leur poſterité) ſuruenus de noſtre tems, & arriuanſ encores de iour en iour, les doyent rendre ſages : outre cela qu'ils regardent les plus grans Rois & Seigneurs qui ont iamais eſté, comme la fortune ſ'eſt iouee d'eux ne les ayant ſeulement reduis en vne extreme miſere & pauureté, mais auſſi à beaucoup d'entre eus fait ignominieuſement perdre en vne meſme heure & la vie & les richesses : de cela nous en voyons les hiſtoires toutes pleines, & des exemples en arriuer tous les iours deuant nos yeus. Mais qui eſt à ton aduis l'occafion de leur deſfortune & inconuenient? Ie ne penſe point qu'il y en ait d'autre que le grand orgueil qui leur

fait ainfi meprifer & tenir tant peu de conte des autres hommes, qui est la chose de Dieu & du monde la plus haïe & mal voulue. Confidere ie te prie de quelle maniere de faire vsent pour le iourd'huy ceus qui se sentent vn peu obeïs pour leur bien : vous en verrés les vns battre, & outrager fans aucune occasion ceus-là qu'ils cognoissent bien ne s'oser attacher à eus, au moins s'ils veulent auoir le bon de leur costé : les autres vsent de parolles piquantes & fornettes iniurieufes, & le plus souuent aus personnes de bon esprit qui sont contrains neantmoins de les endurer, encores de leur dire vn grand merci au bout du ieu. Voilà bien vsé de noblesse. Et puis pour excuser telles folies, par ce que volontiers les ieunes en vsent, on dira que ce n'est que grandeur de courage qui leur donne vne telle audace, & promet en eux à l'aduenir quelque chose de bon : & si ce sont encores petis enfans, les parens leur permettront aisement de se nourrir en tel orgueil & outrecuidee presumption, & encores pour les excuser diront-ils que ce n'est qu'esprit. O la gentille maniere de viure, & vertueus entretien de ieunesse ! Ie ne sçay où telle maniere de bestes dis ie testes euentees & sans ceruelle, ont trouué la noblesse proceder de vice, & l'effect d'icelle consister en telles ieunes tant foles & outrageufes. Ie te veus bien ici aduertir de n'interpreter point tant mes parolles à la rigueur, ou à la volee, que tu me dies indifferemment vituperer les Gentilshommes (veu que ie me seroy tort à moy mesme) ou autres nobles grans Seigneurs, car ie n'enten parlant de quelque estat que ce soit blâmer ou moquer, sinon les vicieux & les fots.



Mais pour retourner à mon propos, le nom de Noblesse est aujourd'huy tant corrompu, qu'il ne s'attribue le plus souuent qu'aux riches & braues d'habits, tant que de prime-face voyant quelcun avec grande fuytte de valets, ou estant reparé de vestemens plus riches & precieux, que le vulgaire, incontinent est iugé de tous grand Seigneur & Gentilhomme. Mais quoy ! pour leur richesse & brauerie, en font ils de meilleur esprit ? Rien moins : Et ie te di qu'il est aussi aisé de vestir vn asne ou vne teste sole, de Pourpre, de Velours, ou toille d'or, comme il est mal-aisé, voire impossible à l'asne, ou au fol d'acheter la science & bon iugement par deniers.

**LE COSMOPHILE.** Ie croi bien qu'un fol pour ses biens, quoy qu'on luy face accroire du contraire, ne deuiendra pas sage, mais cela empesche-il que beaucoup de personnes & grans Seigneurs ne foyent aussi bien proueus de la doctrine comme les pauvres ? Entendu mesmement que ce sont ceus qui ont les gens bien conditionnez, doctes & sçauans à leurs gages, pour instruyre leurs enfans en meurs vertueufes, & cognoissance de bonnes lettres, & ainsi il est bien difficile, ayant pris vn tant bon pli de leur ieune aage qu'après ils se puissent aucunement destourner ou corrompre, qui est vne chose (ce me semble) que tu as assez legierement passée en leur accusation.

**LE DEMOCRITIC.** Te suffise que ie t'ay dit vne proposition vraye, & contre laquelle tu ne sçauois dire chose qui ne tourne à ton preiudice, ainsi que tu as fait tout à cette heure m'ayant obiecté vn argument que tu verras du tout estre à l'encontre de toy, & n'estoit de

peur que i'auroy de me monſtrer affecté aus regles de ces maîtres aus arts ie te confonderoy tout ton argument, comme n'eſtant point fait en maniere, ni en figure. Mais pour laiffer telles diſputes à ces criars, & iappeurs aristoteliques, ie te monſtreray par vn meilleur moyen ce que tu m'as repliqué n'eſtre aucunement contraire à mes parolles, ainçois pluſtoſt à ce que tu penſes. Et qu'il ſoit vray, ie te confeſſeray bien qu'il eſt mal aiſé, & preſque impoſſible de changer l'inſtruction, en laquelle nous ſommes nourris dès noſtre enfance : & tout ainſi que le vaiſſeau neuf & recent retient preſque touſiours le ſentiment des odeurs dont il a eſté premierement rempli, ainſi les honnes ou mechantes conditions qu'on nous apprend dès noſtre aage encores tendre & delicate, demeurent quaſi à iamais enracinees ſans leur pouuoir plus dorenavant faire perdre pié en noſtre eſprit, ce que nous voyons ordinairement pratiqué enuers les plus riches. Car pour cette grande liberté qui leur eſt (ainſi que ie t'ay dit) oſtroyee, & permise de leurs parens, ils s'abandonnent à faire toutes ces inconstantes ieuneſſes, & prendre vne telle audace à l'endroit de ceux leſquels pour eſtre moins ſauorifez des biens de fortune leur doyuent obeiſſance, de forte que ils ne ſentent rien moins qu'un eſprit benin & naturel, choſe la plus louable & recommandee que nul autre, & principalement enuers les grans Seigneurs. Et bien que ce que tu m'as dit de l'entretien de leur ieuneſſe ſemble contraire à ma propoſition, ſi eſt-ce qu'il ne l'oppugne en rien, car encores qu'ils ſoyent gouuernez par les mieux appris & plus doctes, ſi en ſont-ils moins, voire

plus mal edifiez, que s'ils n'auoyent pour leur conduite, que les plus gros lourdaux & les plus ignares du monde, entendu que cette auarice & flaterie font tant receües enuers vn chacun, que ceux qui en deuroient estre les moins pollus en font les plus entachés, comme font ordinairement les gouuerneurs de telles gens : veu que partie regardant plus à leur particulier profit qu'à la bonne instruction des enfans qu'ils ont entre leurs mains, partie aussi pour leur complaire, les flatais mesme & mignardans en leurs fautes & erreurs, ils les laissent ainsi le plus souuent croistre & se nourrir en leurs premieres & ieunes apprehensions. Et puis si d'auenture il se trouue apres quelquevn lequel ayant plustost egard à l'honesteté & au bien public, qu'à cette sourde flaterie, vueille reprendre les actes qu'ils commettent comme estant mal-feans & à leur personne & à leur dignité, incontinent il sera poulsé au loing & mis hors de cour, comme vn presomptueux & vn homme indiscret qui craint peu d'offenser les oreilles delicates, tellement qu'il seroit aujourd'huy de besoin qu'un autre Pericles Aristophanien retournaist des Enfers pour admonester de rechef qu'il ne faut point nourrir vn Lion en vne ville, si on ne se delibere apres qu'il y a esté nourry de luy porter obeyssance.

**LE COSMOPHILE.** S'il est ainsi que tu dis, la faute n'en doit point estre imputee aus Seigneurs, comme à ceus qui abusent ainsi de leur deuoir, pour ne leur remonstrier tels vices & folies.

**LE DEMOCRITIC.** Tous deux faillent grandement, mais encores d'auantage ainsi que tu as dit,

ceus qui n'accomplissent pas la charge à laquelle ils sont tenus. Mais ie te prie ne mets point de, s'il est ainsi, car il n'est rien plus vray que l'Euangile. N'as-tu iamais ouy dire que pour bien faire son profit à la cour des Rois, & maisons des grans Seigneurs, il est necessaire de complaire à son maistre, & s'acommoder à ses complexions? ce qui n'est que trop bien executé à l'endroit de ces braues gouverneurs & pedagogues. Mais pour bien vsfer de ceste dissimulation courtifanne, il faut entendre & mettre en effect les trois regles qu'en donne Ioachim du Bellai Angeuin (l'vn certes des plus doctes & mieux escriuans en nostre poësie Françoisse) disant en son discours de vertu dedié à Macrin, que le vrai moyen d'acquérir la faueur au seruice des plus grans Seigneurs, c'est d'estre

*Aueugle, muet, & sourd:*

Veux que l'homme qui est à la suytte de tels personnages, doit faire le semblant de n'apercevoir ce qu'il voit faire ordinairement deuant ses yeux, de ne pouuoir parler ou respondre de ce qu'il entend le mieux, & à cela où il pourroit fort bien repliquer, de n'ouyr point les fots propos & enuieux rapports, qui se font pour le iourd'huy en tels endroits, & bref pour rendre cela plus honnestement & en moins de parolles, il n'est besoin que d'estre seulement bon traistre.

LE COSMOPHILE. Ceux qui en vsent ainsi sont volontiers gens qui veulent faire des fots tout de gré, ou bien vn tas de vilains & mecaniques qui n'ont autre Dieu que l'auarice, ne tâchans à autre chose qu'à faire leur profit, non point tant par vne bonne & equitable

que par vne mechante & iniuste voye, & non pas les hommes de bon esprit auxquels il feroit trop plus agreable de mourir, que d'abuser ainfi, & faire tout au contraire de leur ſçauoir & de la raifon.

LE DEMOCRITIC. Ie ne ſçay où tu prens ainfi les perſonnes de ſi bon esprit & tant vertueux, que tu les feins de parole, & ſi ie croy que ce ſont pluſtoſt idees & imaginations d'hommes parfaits, qu'autre choſe veritable : tout ainſi que Ciceron voulant definir vn Orateur, alla imaginer (ainſi qu'il auoit de bonne couſtume) vne perfection qui eſt impoſſible en l'homme, difant, *Orator eſt vir bonus & dicendi peritus*, que nous pouuons ainſi rendre en françois, Vn orateur c'eſt vn homme de bien, & qui ſçait fort bien dire. Ie ne ſçay où il ſ'en pourra trouuer vn tant parfait auquel on puiſſe ſeulement attribuer (ſi ce n'eſtoit d'auenture quelque bon & honneſte mari) la premiere partie de cette definition, i'en prendray à teſmoin noſtre non moins docte que facetieux Rabelais, difant en ces mots, Gens de bien, Dieu vous ſauue & gard, où eſtes vous, ie ne vous peus voir. Et puis allés m'en trouuer qui aimeroient mieux mourir. Vraiment c'eſt bien repliqué à toy & de bonne grace : Mourir de par le Diable ! on ne meurt pas ainſi comme tu penſes. Mais où m'en peſcherés-vous vn de ces bons esprits & tant homme de bien, qui deſire pluſtoſt la mort que ſon profit, il y a long temps que la mere en eſt morte. Ie me donne tout grillé au plus friand de carbonnades des valets de garde robe de Proſerpine, cela eſtant aduenu, ſi ie ne deliberoiy bientoſt de ma conſcience. Et quoy ! voudroit

on voir vn plus grand preſage pour la fin du monde que cettuy là? Et que feroit-ce vertu Dieu, chacun voudroit mourir pour la parole. Mon amy à ce que ie voy tu es bien loin de ton conte, car il en va tout au contraire de ce que tu en as dit, veu qu'il s'en trouue vne infinité qui ne craignent point la mort corporelle, ni la perte de leur pauvre ame pour eſtre vn petit honneſtement larçons, faiſant leur propre de ce qui ne leur appartient en rien, & cela n'eſt (diſent ils) qu'une vertu & ſubtilité de bons eſprits. Il ſuffit tant ſeulement ſans eſtre tant homme de bien, d'auoir vne bonne mine & vertu au viſage & en la langue, encores eſt-ce beaucoup: Car il n'eſt pas permis à vn chacun de diſſimuler ſa grace, & faire bonne morgue aus plus hauts & honorables lieux, & eſtre appellé Monsieur. Et penſes tu que ſi i'eſtoy quelque grand Seigneur, que l'on ne me fiſt pas dauantage de reuerences? que l'on ne trouuaſt pas meilleurs tous mes propos, encores que ie ne diſſe rien qui vaille? que l'on ne s'accordaſt pas à moy en toutes mes opinions & fantaſies? Et ſ'il aduenoit que ie vouſſe approuuer le gouſt d'un vin comme bon, encores qu'il fuſt pouſſé, ou de quelque viande gaſtee, comme excellente, que l'on ne diſt pas apres moy, ô le bon vin! Monsieur, ô la gentille viande! Bref quand ie ſerois l'homme le plus imparfait, moyennant que i'abonde en richesses, n'eſt il pas certain que ie ſeray pluſtoſt eſtimé vertueux que ceus leſquels contents de ce qui leur eſt neceſſaire pour la vie n'ont autre but propoſé que la vertu? Voila comment les bons eſprits d'aujourd'huy ſçauent flatter les oreilles, & ſ'accommoder aus paroles

de leur maistre, & non pas mourir comme tu disois. Au Diable l'vn que ie vi iamais mourir pour s'opiniatrer contre son profit : ie te prie ne mourons donq' point pour cette occasion, car le temps n'est plus de se faire brusler à credit : osté hardiment cette lourde fantasia de ta teste d'estimer que l'on soit si prompt de mourir ainsi sans confession.

LE COSMOPHILE. Si est ce que s'ils ne le font comme ie disoy, pour le moins ils le deuroyent faire.

LE DEMOCRITIC. C'est bien pour le plus aussi. Encores m'y entendrai ie d'auantage de dire qu'ils le deuroyent faire, mais fay ton conte que ce ne fera pas pour cette annee que les hommes changeront de fantasies, car elles sont trop auant engrauees dedans leurs testes à quatre cornes.

LE COSMOPHILE. Je croi que tu ne te contente pas d'auoir seulement blasme les Courtisans, mais il semble que secrettement tu vueilles taxer ceus par le conseil desquels, non point seulement est gouvernee & regie toute la police humaine, mais aussi la diuine.

LE DEMOCRITIC. Je ne sçay où tu as trouué que telles gens soyent plus cornus ou plus Diabes que les autres : quant est de moy ie n'y mets presque difference aucune, & si ie t'assure bien que ie n'entendoy aucunement parler de ceus que tu dis. Neantmoins par ce que tu m'en as fait souuenir, ie t'en diray ma fantasia, non point de ceus qui se mélent de la police diuine, veu que ce n'est à moy d'entreprendre à déchiffrer telles besongnes, voulant me gouverner en cet endroit selon l'aduertissement de nos Latins : *Quam quisque norit*

*artem in hac se exercent* : chacun s'exerce en l'art dont il a la cognoissance : car i'auroi peur, entendu que ce n'est ma vacation de dogmatizer, de m'y fonder si auant que ie ne m'en puisse apres retirer, & pour autant ie m'en demettrai pour cette heure, toutesfois que ie t'en pourrai bien dire quelque chose à la trauerse deuant que la compagnie se departe.

LE COSMOPHILE. Et bien ie fuy content de ne t'en importuner point d'auantage pour cette heure, moiennant que tu me donnes à cognoistre les folies & abus des autres.

LE DEMOCRITIC. Tu les sçauras tout maintenant : quand tu as parlé de ceus qui ont en leur main la police humaine, n'entens tu pas des aduocas, procureurs, & autres tels personages se meslans de la pratique?

LE COSMOPHILE. Se meslent dequoy ils voudront, ce m'est tout vn, tant y a que c'est d'eus mesmes que i'entendoy parler.

LE DEMOCRITIC. Pour auoir parfaitement la cognoissance de quelque matiere que ce soit, il faut premierement commencer par sa definition, à celle fin que l'on cognoisse par cela quelle est la chose que l'on entreprend de traiter : & pour-ce ie te veus bien definir que c'est que pratique. Pratique donques n'est autre chose qu'un subtil moien de ioindre le bien d'autruy avecques le sien : & note hardiment ces mots, *de ioindre le bien d'autruy*, car si un profit ne vient que pour bien faire valoir le sien, ce n'est point vraie pratique, combien que quelques vns abusans du terme appellent un bon &



prouident ménager grand praticien, mais il est bien mieux receu & pour vn plus naturel & elegant François d'en vser pour auoir gagné de l'autruy, comme, il a bien sceu pratiquer cela de luy, c'est à dire, qu'il l'a tant amadoué de belles parolles & tant fait par ses menées qu'il en a eu & emporté telle chose. Et pratiquer aucun (maniere de parler deriuee des Italiens) n'est autre chose que par longue & assidue frequentation gagner sa faueur & bonne grace, à celle fin qu'à l'auenir on en puisse tirer quelque profit.

**LE COSMOPHILE.** le croy que cette definition est plustost faite à plaisir que selon la verité, veu mesme que ce mot de pratique n'est point seulement particulier à l'estat des aduocas, mais aussi general à toutes les autres sciences desquelles chacune a sa theorique & pratique. Et la theorique consiste seulement en la cognoissance de l'art, la pratique en l'effet : donques pratique se pourroit mieux definir experience des arts.

**LE DEMOCRITIC.** Il semble que tu ayes quelquefois étudié en l'art d'argumenter, mais (à celle fin que i'vse de nostre terme) tu le pratiques assez mal : car pour donner la definition d'une espece singuliere, qu'est il besoin d'en definir le genre? ni pour faire cognoistre vne partie, d'en expliquer le total? Puis donq' que ie n'ay autre chose à te declarer que la pratique des aduocas, pourquoy iray ie icy amener toutes les pratiques des autres sciences particulierement ou en general? Ce seroit vne chose trop longue & veritablement superflue. Il me suffit de te donner seulement à cognoistre quelle est la vraye signification de pratique.

Donques pour mieux comprendre ce que nous en auions dit, Pratique, est vn subtil moyen, &c. & qui voudroit voir ie vous pri vn plus subtil moyen que de se faire careffer & suplier pour derober honnestement le bien d'autruy ?

LE COSMOPHILE. Comment derober ! ne faut-il qu'vn châcun soit recompensé selon son labour & trauail ? Appelés vous derober quand l'homme de iustice apres auoir fueilleté, leu, releu, coté ses liures & papiers, & veillé iour & nuit pour garder le bon droit de sa partie, s'il en prend quelque loier pour sa peine ?

LE DEMOCRITIC. C'est bien vne chose trop plus que raisonnable qu'vn châcun viue de l'estat qu'il manie : car qui est celuy qui laboure la vigne & ne gouste du fruit d'icelle ? Mais faut-il que pour trois ou quatre feuilles de papier ecrites en lignes larges & mots allongés, ils ayent icy vne poignée de carolus ? ou que pour deus ou trois mots dégorés sur quelque matiere qu'ils font eus-mesmes par leurs crieries & braimens difficile & douteuse, ils en reçoient vne quantité d'escus ? au moins si tels importuns & opiniatres criars sont estimez des plus fameus & insignes trompeurs : ie ne sçay pas de quel nom on voudroit courir telle maniere de pillerie, quant est de moy ie ne le sçauroi' autrement appeller que par la definition que i'ay donnée de leur pratique, ni ne pourroy mieus les comparer fors à l'ancienne idole du Dieu MEMNON, duquel autrefois il me fouient auoir ouy reciter la façon & nature.

LE COSMOPHILE. Vraiment (comme l'on dit) tu as bonne rate, & encores meilleur foie, & les voudrois

ou oferis tu bien comparer à si fotte chose? Et où ainsi feroit tu leur ferois vn bel honneur.

**LE DEMOCRITIC.** Je ne di pas qu'ils soient idoles, mais trop bien ie di qu'ils enfuyent & font vrais imitateurs de ceste idole.

**LE COSMOPHILE.** Quoy qu'il en soit ie m'en rapporte à ce qui en est, & à ceus-là qui ont passé par les piques, mais ie te prie di moy comme tu entens telle similitude, car ie desire sçauoir quel estoit ce Dieu **MEMNON.**

**LE DEMOCRITIC.** Je suis trescontent de te satisfaire, non toutefois qu'à present ie te vueille discourir le fait tout au long, mais seulement en brief te reciteray vn huitain bien à ce propos, & à ce qu'il ne te semble que ie parle à credit, ie t'allegueray mon autheur nommé Pierre Costau, homme plus véritable en ses faceties que docte, lequel dit ainsi :

*Du Dieu MEMNON l'idole ne rendoit  
Jamais oracle à personne du monde,  
Si le soleil ses rayons n'estendoit  
Droit en sa bouche, & lors plein de faconde  
Parloit : aussi l'aduocat qui se fonde  
Au gain, de luy n'esperez onq' conseil,  
Ni que iamais en droit il vous responde,  
Sinon qu'il voye en premier le soleil.*

Encores ne leur suffiroit-il pas d'estre payez en argent s'ils ne l'estoyent en reuerences & carettes. Et quoy qu'ils vueillent dire, qu'ils ne les demandent pas n'y contraingnans personne à ce faire, si est-il tout certain qu'ils se contentent bien fort d'estre bonnetés & en font quelque

chose d'auantage, & en ce montrent-ils euidentement à tout le monde le grand orgueil & folie qui les poffede. Car fi vn honnefte gentil-homme ou autre perfonnage quelque grand Seigneur qu'il foit, & lequel mefmement aura non feulement employé fes biens, mais auffi hazardé fa vie & celle de fes enfans pour le feruice du Prince & falut de la chofe publique, fe trouue ayant vn peu affaire de leur faueur, & lequel apres auoir longtems attendu meffieurs, leur vienne à donner le bon iour en quelque gallerie ou autre lieu commode, vous verrez alors tout au contraire Monfieur de la robe rouge (feul contrepois & entretien de fa grauité) qui n'aura iamais fait autre chofe que glofer fus les cendres, pafter avecques vn orgueil & fierté fi grande, que tant s'en faut qu'il luy rende la deuë reuerence, que mefme ne faifant point feblant de s'en apperceuoir, il dédaignera prefque d'abaiffer l'œil feulement pour le regarder. Je me tais des autres ambitions qui leur font ainfi enfler le ventre, il me fuffit que par leurs œuures telles folles prefomptions de leurs perfonnes ne foyent que trop cogneues d'un chacun. Mais où eft ie vous prie cefte grande humbleffe & honnefteté laquelle volontiers acompagne, ou doit acompagner ceux qui font éleuez aux magiftrats & autres dignitez pour efre les principaux chefs entre les membres de cet animant politic? Toutesfois tout bien confideré ce n'eft pas de merueille s'ils en vfent au contraire, veu qu'il eft tout certain que le Lion quoi qu'on le domte & appruiouife, fi a il toufiours grace de Lion, & le Renard quoi ! eft-il pas toufiours caut & ruzé ? le maftrin, vilain & enuieufement aboyant principale-

ment fus son pallier? Or fus de par Dieu passons outre, venons à l'estime & peu de conte qu'ils ont acoustumé de faire de tous les autres estats & sciences fors que de la leur, laquelle seule ils vantent & magnifient. Ne méprisent ils pas les armes, chose autant, que ie ne die plus, necessaire pour la chose publique comme leurs loix? N'ont ils pas en horreur presque toutes les sciences liberales, & honnestes, & tous ceux qui n'ensuyent leur estat? Voudroit-on voir raison plus mercenaire ou mecanique que celle de laquelle ils ont acoustumé d'vser pour approuver l'aduocasserie & autres especes de la farine praticienne, disant que c'est le vray, subtil, honneste, & mercurial moyen de gagner son pain (comme ils disent en leur iergon, *De pane lucrando*) mais à celle fin qu'il ne leur face mal à la gorge s'ils le mangeoyent tout sec, ils ont certaines loix & §§ paragraphes qui leur font venir de gras chapons & autres presens à leur cuisine. Voyez de grace la belle preuue de leur mestier, & bien fondee pour le bâtiment de la panse. Toutesfois de peur de nous engorger trop de leur morceaux, nous les laisserons là, & dirons la maniere de faire qu'ils tiennent, s'il aduient que quelque pauure homme empestré d'une douzaine de proces ou plus, ait vn peu affaire ou de leur communiquer ses pieces, ou d'en retirer quelques-vnes qui ne seront pas perdues, mais bien égarees, & qu'il aille à leur logis pour ce faire : Monsieur ne sera pas leué, ains sera encores à dormir : Monsieur sera empesché pour quelques autres : Monsieur disnera : Monsieur fera à se reposer apres le repas : Monsieur viendra tantost : ou au contraire il y aura trois heures que l'aua-

rice & enuie de gagner luy aura bien deffillé les yeux, & chaffé de par le Diable hors de la plume. Et si depuis quinze iours ou d'auantage, il n'aura eu possible affaire ni empeschement aucun, i'enten de proces : ioint que fa cuisine ne fera par auenture pas trop échauffée de son dîner qui fera de longtems tout fricassé. Monsieur sera à se reposer, oui de bien faire : Il viendra tantost, mais c'est vn tantost qui dure longtems, & ce pendant la pauvre partie sera là à refuer & conter les cheuilles de la porte. Mais pourquoy à ton aduis se font toutes ces menees, si ce n'est à celle fin de faire mieus valoir la farce ? C'est à dire qui ne sçait son mestier si ferme sa boutique. Il s'en treuve encores beaucoup entre les autres des succeffeurs de Pilate, desquels on peut dire, ie n'y treuve point de cause : Mais que font ils ces pauvres gens pour bien pratiquer l'Euangile qui defend sus tout de n'estre oisif. Aussi faut-il que tout le monde viue à la fueur de son corps, & pour ce faire ils ont songé la plus braue inuention du monde. Vous verrez ordinairement par ces Palais & des plus crottez (pource que tels haïres n'ont point de mule) qui courront tantost d'vn costé, tantost de l'autre, tantost vous les aperceuez à quelque banc où ils serrent, brouillent, fricassent & notent certains vieux registres : puis tout soudain retournés au parquet de Messieurs, & de là incontinent à quelque bout de gallerie, avecques vn grand sac au poing remply de ie ne sçay quels vieux haillons, de querimonies surannees qu'ils auront trouuees en executant le testament du vicaire de leur paroisse, ou d'autres papiers supposés qui ne touchent

toutesfois en rien de procès. Mais tout ce mystere ne se ioue à autre fin qu'à cette-ci, c'est que ceus qui les voyent ainsi trotter les estiment bien diligens à manier les affaires de leurs cliens & parties, & que pour cette occasion ils ayent, non pas seulement enuie de les employer pour eus, mais aussi de les en payer. Il s'en treuve encores de plus ruzés lesquels, outre toutes les finesses susdites, ont certains pitaux, & autres personnes apostees qui feignent leur communiquer de leurs procès, & les prier bien instamment de les dépescher le plustost qu'il leur sera possible, & ainsi quelques vns s'adressent à eus voyans qu'ils sçavent tant bien vser de pratique, c'est à dire selon vn de nos intellects, pratiquer & gagner les pauvres gens. Je te pourrai bien raconter d'autres ruzes & moyens que ces vaultours deguifés en robes longues ont inuenté pour ronger & décharner entierement iusques aus os, & fucer iusques au plus profond des mouëlles ceus qu'ils ont vne fois chargez, ne les lâchans iamais iusques à ce qu'il les aient par vn infatiable & ensanglanté rauissement deuorés & engloutis, de telle sorte qu'il ne leur reste plus aucune substance. Mais si i'entreprendoi de poursuyure d'auantage en telles pilleries & horreurs, i'auroy peur de m'engouffrer en vn abisme infini de larrecins & méchancetez, auquel ie ne me plongerai point pour cette heure estant assez cogneu à vn châcun, & principalement de ceus qui ont tous les iours affaire de l'excellence de tels Messieurs en voulant conseruer leur bien.

**LE COSMOPHILE.** N'estoit que tu m'as coupé la broche, quand tu as dit n'entendre en quelque estat que

ce foit blâmer finon ceux qui en abusent, ie t'eusse defia bien aisément remonstré & dit qu'il n'y a chose aucune au monde meilleure pour la police des hommes, & plus necessaire pour entretenir en paix cette societé humaine que l'estat des gens de Justice, aussi ne croi-ic pas que tu le vueilles tant reproouer que tu ne consentes en cela avecques moy.

LE DEMOCRITIC. Puis que tout le monde s'y consent ie n'y contredy point, mais que ceci te serue hardiment pour te donner de garde de leurs finesses, & n'estime plus dorefnauant qu'il y ait vne si grande simpathie de l'exterieur avecques l'interieur que pour vn marcher & grauité contrefaicté, pour vn deguifement d'habits outre le vulgaire (folies communes en telle maniere de gens) le cerueau en foit plus meur & rassis, comme s'il y auoit quelque energie & occulte proprieté aux vestemens pour rendre l'esprit de l'homme pire ou meilleur. Donques pour donner fin à tels venerables hillots, ie ne veus oublier vne bonne partie d'entre eus, & principalement de ces ieunes aduocas écoutans lesquels ne sçauent pas moins pratiquer la loy *Vinum*, le titre *De edendo* au Petit Diable, au Roy Pepin, ou autre ressort de bons alterez, & en quelque autre honneste & diuin habitacle cette braue pratique *De ventre inspiciendo*, sans y adiouster le § *tria lumina*, qu'ils font en vne Cour de parlement le titre *De iuris & facti ignorantia*. Mais pour autant que tels personnage font volontiers bons compagnons & prêts à rire, cela fait que ie leur porte moins d'enuie qu'aus autres qui s'estiment plus sages en robe qu'en pourpoint.



**LE COSMOPHILE.** Puis que tu es entré si auant en cette difference d'habits, & fole superstition de ceus qui pensent estre plus sages pour vne grace & chere contrefaite, ie te prie au moins si tu as mis fin à ces praticiens, de m'en dire ton aduis.

**LE DEMOCRITIC.** Mon aduis est tel que non point seulement en cettui-cy, mais qu'en tous autres estats du monde, la chose qui est la plus requise, c'est de tenir bonne morgue, par ce que la folie des hommes est si grande qu'ils regardent plus à vne petite difference d'habits, à vne prudence de visage, à vn maintien fourcilleux & contrefait, à vne reputation vulgaire, qu'aux vertus interieures du dedans, qu'à la sagesse & bon iugement, qu'à vne grace naturelle, ou qu'à vne experience certaine & veritable.

**LE COSMOPHILE.** Ie n'auoi iamais regardé de si pres à tant de choses, combien qu'elles soyent telles que tu me les as remonstrees, & principalement cette-ci, veu que la plus grande partie des hommes sont estimés de bon esprit, & paruiennent plus par cette reputation vulgaire que pour autre preuue suffisante, pour donner tesmoignage d'un bon sçauoir & sain entendement. Toutefois si y a il bien encores aujourd'huy quelque estat où c'est que les hommes ne regardent point tant aus mines, qu'ils n'en desirent bien auoir grande experience de ceus qui en font profession, deuant que d'en faire aucune estime ou de se soubmettre à leur merci.

**LE DEMOCRITIC.** De quelle profession veus-tu parler ?

**LE COSMOPHILE.** De quelle profession ? De celle de medecine.

LE DEMOCRITIC. Ha ha ha ha, cet homme ici me fait rire : est ce cela que tu m'auois si longtems gardé? vraiment i'attendois bien quelque chose meilleure de toi. Comment! ie pensois desia que les hommes fussent deuenus sages t'écoulant ainsi louer leur grande preuoyance, & en cela encores où ils se monstrent les plus fots & deprouueus de tout bon conseil, & te di bien vne chose qu'il n'y a au monde plus grand abus que de se fier & mettre sa vie entre les mains de ces pipeurs de merde qui disent eus-mesmes que : *Summa medicina est non vti medicina* : qui vaut autant rendu en François comme, La plus souueraine medecine c'est de n'vser point de medecine.

LE COSMOPHILE. Comment ! il semble que tu ne te vueilles pas ici tant feulement moquer de ceus qui en abusent, mais aussi que tu ne pardonnes pas mesme à la science tant recommandée par raisons naturelles & par la loy diuine.

LE DEMOCRITIC. Il ne faut point douter qu'il n'y ait quelques remedes simples propres & fort singuliers, pour nous garentir d'aucunes maladies, ce qui est mesmes approuué entre les bestes brustes qui en prennent ainsi que de leur propre naturel elles sont guidees & conduites, pour en vser lors qu'il leur en fait besoing. Mais vn tas de piperies chargees de mille drogues & compositions étrangères, seruent plustost de poison pour abreger & nuire au petit & languissant terme de nostre vie, que pour l'alonger ou luy donner aucun soulagement & restauration de santé. Et qu'il soit vray n'en voit on l'experience de ceux lesquels tant plus ils vsent

de ces belles medecines, & d'autant plus ils font malades & fuiets à vne infinité de seruitudes & regimes ? Et comme au contraire les autres qui naturellement se maintiennent & conferuent en leur santé avecques quelque petit remede d'herbes sans auoir recours à ces vendeurs de triacle, vivent la moitié d'auantage & en plus grande allegresse & disposition que ces auailleurs de pillules ou du saint bois de gaïac, combien qu'il serue vn peu pour faire vider les mauuaïses humeurs des pauvres zelateurs de diettes. Mais ie voy bien que tu ne te contenteras iamais iusques à ce que ie t'aye donné cecy à entendre par raisons que tu ne me sçaurois aucunement nier. N'est il pas vray s'il y a aucune verité en vne science, que celuy lequel y aura employé son temps & son étude pour y estre instruit, & de ceux mesme que l'on en dit estre des plus parfaits, en retiendra quelque cognoissance ?

LE COSMOPHILE. Ouy bien, moyennant qu'il se soit monstré bon disciple de ceus qui l'auront enseigné.

LE DEMOCRITIC. Or il en est tout au contraire de cette venerable medecine que nous auons pour le iourd'huy, car prenés moy vn medecin gradué fortant fraichement des écoles de Montpellier, vous ne vistes iamais homme plus prompt à disputer le *pro & contra*, & s'il faut donner vn remede à quelque pauvre patient, encores plus, moyennant qu'il y sente du profit : puis si d'aventure il y a ordonné quelque R. & que la maladie augmentée iceluy patient vueille faire consultation de son mal entre deus ou trois autres medecins des plus renommés, vous les voirrés apres auoir tasté le pous du

malade avecques vne chere basse & melancolique, enfoncé leur veue sus vn vrinal, s'estre retirez tous ensemble en quelque coin avecques grandes ceremonies des plus anciens (car l'honneur est deu à ceus qui en ont le plus tué) comme ils commenceront à regarder ce pauvre nouveau medecin de trauers, & encores qu'il ait du tout besongné selon leur art, si est-ce qu'ils luy voudront faire acroire qu'il n'aura rien fait qui vaille, & ne suffira au ieune medecin d'alleguer la condition de la maladie qui requiert vn tel remede, ou les autorités d'vn Galien, d'vn Hippocras, d'vn Auicenne, d'vn Rasi, d'vn Auerroés, d'vn Afclepiade, d'vn Alcmeon, d'vn Erasistrate, d'vn Pliftonique, d'vn Diocle, d'vn Praxagore, d'vn Chrisippe, d'vn Caristin, ou d'autres tels pipeurs pour approuuer son ordonnance, car nonobstant toutes ces preuues, repliques & contredis, si faudra-il qu'il passe condamnation, & qu'il cede à l'opinion de Messieurs. Et voila comment la vie d'vn pauvre malade est debatue, & le plus souuent abatue par les disputes & ordonnances controuerfées de ces vieus radeus medecins.

LE COSMOPHILE. Mais ie te prie regarde comme ce que tu as pensé dire contre la medecine & ses professeurs, approuue plustost ce que ie t'auois dit au parauant qu'il ne luy contredit, veu que d'autant que l'experience est la plus fouueraine maistresse de toutes choses, aussi est-ce bien cela à quoy on prend le plus de garde en la medecine, car il ne suffit pas d'en auoir ouy les liures en vne école, ou disputé en l'vne & l'autre partie qui n'en a l'experience : voila pourquoy il ne

faut point trouuer étrange si quelquefois l'ordonnance de ceux que tu dis n'auoir seulement que la théorique est retranchée & trouuée mauuaise des plus anciens & plus expérimentez, eu égard mesme à ce que l'on dit vulgairement, de ieune medecin cimetièrè bossu.

**LE DEMOCRITIC.** Tu as encores oublié à dire, de ieune logicien argument cornu, mais pour venir à tes expériences, si le tout gist en cela il s'enfuiura de ces deux choses l'une, ou que l'art de foy est inutile, ou bien que les plus grans bourreaux & ceux qui en ont le plus fait mourir sont des plus habilles du métier.

**LE COSMOPHILE.** Et ie te di encores au contraire que la science en est fort bonne, & que d'en faire mourir plusieurs ce n'est pas cela qui les rend les plus doctes.

**LE DEMOCRITIC.** Comment est-il possible si le principal est en cette expérience, que ce qu'en ont écrit leurs predecesseurs ne soit faux? car s'il est bon de croire à leur conseil & receptes, faut-il autre expérience que la cognoissance de l'art pour sçauoir accommoder le remede propre à vne maladie? Si au contraire il ne se faut pas regler sus les écrits des anciens, mais seulement sus vne rotine, comment est il possible qu'ils acquierent cette grande expérience, si ce n'est apres en auoir bien tué? entendu qu'ils n'ont autre chose auparauant sus quoy ils se puissent regler que les enseignemens de leurs liures.

**LE COSMOPHILE.** Ie ne sçay où tu vas prendre les choses de si loing, quant est de moy i'ay tousiours pensé que la pratique des sciences fust separee d'auec-

ques l'art, de telle forte qu'en vne mefme profession il s'en fut peu trouver aucuns bien entendus en la theorique, & les autres bien experts en la pratique, fans toutefois que ni en l'une ni en l'autre y eut aucune fauceté pour telle feparation. Et pour ce ie te voudroy bien prier de me le faire mieus entendre, m'en donnant quelque exemple plus familier.

LE DEMOCRITIC. Je le veus bien, mais deuant que de ce faire ie te voudroi bien demander que c'est que tu entens par cette pratique de medecine, pour autant que c'est là volontiers où tu t'abusés le plus, puis apres ie te fatisferay felon ta requeste. N'entens-tu pas la pratique des Medecins confister en cela, quand plusieurs fois ils ont esté appellés à la guerifon de beaucoup & de diuerfes manieres ?

LE COSMOPHILE. Je l'enten ainfi, & me femble que c'en est la vraye intelligence.

LE DEMOCRITIC. Je ne m'ébahi donq' plus comment tu t'opiniatris tant en tes premieres parolles, & à ce que ie voy nous n'estions pas prêts de nous accorder enfemble, mais pour te découvrir ton erreur, ie te monftreray aifément par exemples comme la pratique de la Medecine n'est pas ce que tu penfois, & par icelles mefmes ie te donneray à cognoiftre ce dont tu m'auois prié au-parauant. Confidere donques que la theorique de quelque science que ce foit, ne gift en autre chose qu'aux preceptes & enfeignemens que nous voyons en ceux qui font estimez en auoir bien écrit, & la cognoiffance de cela est propre & peculiere feulement à vne contemplation fpirituelle. La pratique c'est apres auoir

eu cette premiere & certaine cognoiffance de l'art la mettre en effet (ainfi mefme l'as-tu definie lors que nous parlions de celle des aduocas) & ce eft le propre des chofes exterieures & qui concernent volontiers vn effet corporel. Je t'en voi donner vn exemple fus vn peintre ou vn architecte : Sçauoir la proportion des lineamens des traits, le iugement des couleurs, c'est le propre de l'art de peinture, & quant à l'architecte, bien deffeigner le plan, obferuer la cimmetrie de fon edifice, & autres telles chofes enfeignes par vn tel art. Mais quant est de pourtraire quelque chofe que ce foit dedans vn tableau, le reprefenter au vif, luy accommoder fes couleurs au naturel, cela eft veritablement la pratique de peinture : ou bien de bafir vn bel edifice, le faire commode, raporter au portail vn beau frontifpice, luy approprier fes chambres & efcaliers, & autres chofes neceffaires, cela eft pareillement la pratique de l'architecte. Mais de dire que l'effet de la peinture confifte à auoir veu diuerfité de pourtraits, ou d'vn architecte plusieurs beaux bâtimens, cela eft vne chofe absurde & du tout contraire à la verité.

**LE COSMOPHILE.** Je te le confeffe bien quant à ces arts là, mais où feroit donq' la pratique de la medecine?

**LE DEMOCRITIC.** Elle eft à la difpofition de leurs drogues, épices, herbes, racines, & autres poifons meflez, defquels ils font miferablement languir ceus qui fe veulent foub-mettre à leur merci. Et ceus qui difpofent telles barbouilleries font communement appellés apoticaire, & n'y a point d'autre pratique en leur art, fi

ce n'est d'aventure celle-là dont ie t'ay parlé auparavant, en laquelle on ne sçauroit estre bien ruzé, sinon apres auoir esté cause de la mort de plusieurs.

LE COSMOPHILE. Ie croy que tu dis bien, & mesmement que cette derniere espece de pratique est la plus braue piece de leur harnois, mais tu ne m'as point encores satisfait à ce que tu m'auois promis, qui estoit de me monstrier par vne exemple toute euidente, comme l'art de medecine que nous auons pour le iourd'huy n'est qu'une tromperie.

LE DEMOCRITIC. Non, car tu ne m'en donnes pas le loisir, mais si tu veux te rendre autant attentif à m'écouter sans rompre mon propos, comme ie suis prest à tenir ma promesse, ie t'affure bien que ce sera tantost fait, & puis que i'ay commencé à entrer dedans l'architecture ou peinture, ie suis content de n'en fortir point encores, & fus elles mesmes te declarer ce que tu desires entendre de moi. Est-il pas tout certain que s'il y a aucun qui entende l'art & regles de peinture ou architecture, soudain qu'il se presentera deuant ses yeus quelque tableau ou edifice mal bâti, qu'aussi tost il iugera le defaut qui y est? & non seulement sçaura faire cela, mais aussi il dira le moyen par lequel on le pourroit amender. Mais celuy qui a la cognoissance de cette piperie qu'ils appellent Medecine, tant s'en faut que voiant vn malade il puisse affurer le remede qui luy est propre, qu'à peine peut-il iuger de l'espece & de la cause de sa maladie, & encores qu'elle luy soit toute notoire, si est-ce qu'il y perdra son Latin, toutesfois pour ne se monstrier point ignare, il ne laissera à luy ordonner quelqu'une



de ces belles receptes douteufes & incertaines. Et fi par fortune il aduient que la maladie aiant pris & terminé fon cours fatal, le patient commence à fe trouuer mieux que deuant, ce fera Monsieur le Medecin qui l'aura guerri, ce feront les pillules qui auront bien operé, voire ne fuffent-elles compofees que de crottes de cheures & d'vrine, & parfemees d'vn peu de poudre de peigne pour leur bailler grace, ainfi qu'il en fut donné vne fois à Tloché (village cenomanique tant monftrueus & plein de fi grandes merueilles que les grenouilles y chantent ordinairement à la gueulle de leurs fours) à vn certain feu chrestien de bonne memoire Guillaume Mefche, lequel eftant pour vne griefue & defefperée maladie abandonné des Medecins, fut ainfi traité par vn sien neveu qui luy faifoit acroire que c'estoyent des meilleures qu'il eust peu choisir chez les apoticaire, & apres auoir courageufement auallé icelles pillules, elles firent telle operation que le lendemain il fut fus les piés auffi prest à boire que deuant.

LE COSMOPHILE. Vraiment quant est de cela, ie fuis affuré que tu n'en dis chose qui ne foit vraye : mais tu en as oublié tout le meilleur de la fauce, car il y auoit encores entre les épicerie aromatizees fufdites des écharbots pillés & brouillés pefle-mefle, de forte qu'vn certain chirurgien qui acompagnoit le malade, voulant faire l'effay d'icelles pillules, apres en auoir pris brusquement fus la pointe d'vn couteau, & mis fus la langue, il trouua (au moins ce difoit-il en grinçant des dens, & faifant affés laide grimace) que c'estoit de la casse, mais qu'elle n'estoit pas des mieus mondees de ce monde.

LE DEMOCRITIC. le croy que tu dis vray, mais voyés que c'eust esté s'il eust pris quelque chose par l'ordonnance du medecin, comment on eut dit alors quel grand personnage c'estoit que de luy, & toutesfois les hommes sont abusés iusques à là que volontiers ils rapportent vn effet hazardeus à l'operation de ces piperies de merde ou à d'autres telles folies qui ont encores moindre vertu que cela, mais s'il aduient que leur gentils medicamens ne fortissent pas vn bon effet, & que le pauvre malade empoisonné de telles pourritures en passe le pas, alors monsieur le medecin, aussi rebrassé comme s'il vouloit pétrir dira, en hauffant les épaules, & ferrant les leures à la bougresque, que son heure étoit venue, qu'il n'y a remede, qu'on ne sçauroit aller contre le vouloir de Dieu, qu'il n'a pas tenu à luy {d'auoir fait son deuoir où au contraire le bourreau n'en aura pas esté moins homicide que s'il auoit rompu & froissé sur la rouë : Voila comment ainsi que dit le Poëte Angeuin,

*C'est vne belle science*

*Pour faire vne experience,*

*Auant qu'estre viel routier*

*Par la mort guerir les hommes,*

*Et puis dire que nous sommes*

*Des plus-sçauans du métier.*

Encores les excuseroi ie d'auantage s'ils ne faisoient mourir que ceus qu'on leur permet tuer lorsqu'ils prennent le degré à Montpellier, & qu'on leur dit, *Vade & occide Caïm*, qui est à dire, Va & tue Caïm : chacune lettre de cette diction Caïm seruant d'vn mot. C. Carmes. A. Augustins. I. Iacobins. M. Mineurs.

**LE MONDAIN.** Certes ils feroient bien méchans d'exercer leur cruauté fur ces pauvres gens qui font mefme defia morts quant au monde.

**LE COSMOPHILE.** Oui bien, ce difent-ils, mais ie ne fçay pas fi on donnoit les femmes en garde à telle maniere de mors, s'ils en feroient point de vifs.

**LE MONDAIN.** Ie ne m'ébahi plus maintenant fi tu n'as dit gueres de bien de ceus qui conferuent la fanté du cors, que mefme tu fais tant peu de comte des autres qui gardent celle de l'ame.

**LE DEMOCRITIC.** Comment la felle de l'afne dis-tu ? Quant est de moy ie n'ay afne ni afneffe.

**LE COSMOPHILE.** Ie di celle de l'ame, c'est à dire la fanté de nostre ame, car ne penfes tu pas que nostre ame eftant en quelque peché mortel, ne foit malade auffi bien que le cors eftant detenu de quelque griefue maladie ?

**LE DEMOCRITIC.** Oui dea ie le penfe ainfi, car il y a vn certain remors (que nos Theologiens appellent le ver) de conscience qui époinçonne & ronge le pecheur. Mais paffons outre, & venons à nos embourreurs de fanté, par Dieu fi ie fçauoi au vrai quelcun qui me deuft deliurer d'une maladie de laquelle ie me fentiffe foulé, tiens toi affuré qu'au lieu de le méprifer, il ne tiendrait point à le careffer, reuerer, & en faire grand cas qui ne me guerit bien toft. Mais i'auroi belle peur qu'on ne dit à bon droit à celuy qui fe vanteroit de ce faire, Medecin gueris toi toi-mefme.

**LE COSMOPHILE.** Ie voudroi bien que tu m'euffes dit ton aduis de ces quatre termes & pilliers

doriques du cors de la religion Chrestienne, entendu que i'ai desia veu comme tu leur as donné trois ou quatre atteintes, toutesfois sans t'y arrester beaucoup.

LE DEMOCRITIC. Encores ne t'en dirai-je rien d'auantage pour cette heure, car ie te les referue à bonne bouche, aussi que c'est raison qu'ils marchent les derniers comme les plus dignes & plus graues.

LE COSMOPHILE. Et bien il me suffit, puis que tu me promets d'en parler, car ie t'ay tousiours cogneu homme de promesse, mais puis que tu as paracheué ton propos touchant ceus qui acquierent vne reputation seulement par hazard & opinion vulgaire, ie voudrois bien que tu eusses de mesme acoutré ces autres qui se veulent faire estimer seulement pour vne morgue & grace contrefaiçte.

LE DEMOCRITIC. Tu dois entendre qu'une bonne partie des hommes encores qu'ils soyent les plus fols & incensés animans créés de la nature, si ne tâchent-ils à autre chose que de ressembler & aparoitre sages & bien appris, les vns en parlant à tort & à trauers de tous les propos qu'ils oyent entamer en vne compagnie, à celle fin d'estre estimez bien meslez, & certes aussi font-ils, car ils se meslent entre tant de choses qu'ils ne s'en peuuent le plus souuent dépestrer, ni sortir à leur honneur. Et sçauiez vous à qui mieux ressemblent tels babillars qui se confondent ainsi, & se brouillent en leurs propos ? à vn Perroquet ou autre oiseau lequel sans entendre la voix qu'il contrefait, tantost dit de l'un, puis caquette de l'autre, le tout pesle-mesle, & sans aucune liaison de parties. Autant en font ces iappeurs & impor-

tuns caueurs en vne compagnie, car ils vont caquetant, ores de cettuy-ci, ores de cettuy-là, tantost alleguant vn passage d'Aristote pour approuuer vne Euangile, & tout à l'heure mesme philosophant sus vn festu de paille que le vent fait vireuolter en l'air, puis rompant leur propos par mille petites sottis digressions, ils vsent d'une infinité de parolles superflues & ridicules, toutesfois ils ne laisseront pas d'entrer le plus souuent en la reputation de gens qui parlent fort bien de toutes choses, & qui sçauent dire le mot. Mais voiant que telle quanaille ne fait rien à mon propos, aussi que d'eus-mesmes ils decourent assés leur folie, au moins à ceus qui ont la veue bonne, ie suis content de m'en taire & parler des autres lesquels voulans faire au contraire de ceus-ci, contre tout leur naturel affectent le plus qu'ils peuuent la melancolie, pour autant qu'ils ont leu en quelque passage d'Aristote que vólontiers les melancoliques sont ingenieus, tellement que Ciceron voulant estre de la feste comme les autres, & pour tourner son imperfection en vertu, disoit qu'il ne se repentoit point d'estre vn peu morne & tardif en parole : ioint que tels Singes mal appris se veulent regler sus les Italiens qui possible de leur naturel sont de telle condition. Mais tant s'en faut que cette contrainte leur aguise d'auantage l'engin qu'au contraire ne leur fait rien laisser d'eus en vne compagnie qu'une opinion de leur esprit lourd & grossier. Tels philosophes agus ne se sçaueroient mieus comparer qu'à la pourtraiture de quelque beau cheual, aiant la mine d'une beste fort furieuse, ou à l'homme qui est dessus tenant brauement les armes au poing, car

tout ainſi que ni le cheual ni l'homme pareillement, pour tems qui vienne, ne changent iamais cette premiere figure ou forme qui leur a eſté donnee par le peintre ou engraueur, autant en eſt-il de ceus-ci qui veulent eſtre veus prudens & vertueus, feulement par le viſage : car encores qu'on les mette en tous les meilleurs propos du monde, il ne faut pas laiffer d'en chercher d'autres pour y reſpondre, car ils ont cette maſque melancolique tant engrauee au fond du crane de leur teſtiere, qu'il eſt impoſſible de les faire iamais parler ni mouuoir non plus qu'une peinture. Voila vne grande vertu, ſi elle n'eſtoit propre & peculiere aus afnes.

LE COSMOPHILE. Si m'eſt-il aduis qu'il n'y a gens au monde à meilleur droit eſtimez ſages, que ceux qui parlent ainſi peu (choſe la plus recommandee de tous ceus qui ont atteint quelque degre de ſapience) ce que donna bien vne fois à cognoiſtre Anaxagore, Philoſophe ancien, lequel s'eſtant trouué en vne compagnie en laquelle on medifoit d'un chacun, & ſe contraignant de forte qu'il ne ſortit pas vne parole hors de ſa bouche, lors que quelcun d'entre eux luy demanda qui eſtoit la cauſe qui l'empêchoit de parler, reſpondit alors, Il me fouient de m'eſtre quelquesfois repentit d'auoir parlé, mais de m'eſtre teu, iamais. Nous liſons pareillement du bon Caton comme il témoignoit volontiers ſoy repentir de trois choſes, l'une deſquelles eſtoit ſ'eſtre mis à la merci des eaux pouuant cheminer par terre, l'autre d'auoir paſſé vn iour en oiſiueté ſans faire, ou apprendre quelque choſe vertueuſe, la troiſième & celle dequoy il ſe repentoit le plus, ſ'il y eſtoit aduenu

de declarer son secret, & principalement à vne femme. Et croi que c'est vne des grandes vertus que sçauroit auoir l'homme de parler peu & bien contenir sa langue, ce qui nous est mesmes enseigné par la nature, laquelle pour nous monstrier qu'il failloit ouir deus fois autant que de parler, nous a prouueus de deus oreilles & seulement d'une langue, à laquelle elle a encores donné double rempart pour manifester expressément comme les paroles ne doivent point sortir de la bouche qu'elles ne soient bien & parfaitement digerees.

LE DEMOCRITIC. Ces raisons & autoritez que tu as mises en auant, & toutes autres qui se peuuent alleguer à ce propos pour confirmer la taciturnité & peu de paroles estre choses louables & vertueuses en la personne, se peuuent dissoudre en deux mots. Et ne pense point que cela ait esté tant recommandé par ces anciens autheurs, si non es choses d'importance, & qui peuuent non seulement tourner au preiudice des personnes desquelles on parle en vne compagnie, mais aussi de cettui-là lequel inconsiderément & sans aucun arrest veut dire son aduis de chascune chose proposee, sans regarder qu'elle en peut estre la fin ou la consequence. Car il suffit assez à l'homme de bon esprit, tant pour son contentement que pour le plaisir qu'il a d'en deuifer avecques ses semblables, de cognoistre la verité des choses, mais quand il voit qu'en les manifestant, la fin luy en pourroit estre dommageable, ce luy seroit bien vne grande temerité & sottise inconsideree que de ce faire, entendu que tout ainsi qu'il n'y a point de plus grande sagesse au monde, que de taire & bien

diffimuler vne verité laquelle estant deconuerte apporteroit quelque danger ou preiudice à son autheur, aussi n'y a il point plus grande folie que d'en parler. Et voila la seule occasion qui doit tenir la bride aus parolles effrenees qui s'égarerent quelquesfois trop lourdement sans considerer à quel but elles peuuent ou doiuent paruenir. Mais s'ensuit-il pour cela qu'il faille ainsi contrefaire le lourdaut melancolic, & se monstrier muet en vne compagnie, principalement quand il est question de dire son aduis d'un bon propos, ou prendre plaisir à quelques paroles entremeslees de faceties, pour vsfer puis apres plus fermement des graues & serieuses? Et pour le certain tout homme qui n'en vsfera ainsi, quoy qu'il contreface de l'ingenieus, ou du magnifique Messer de Venise, si ne fera il iamais entre personnes de bon esprit autre qu'un sot & de grosse paste tel qu'il est à la verité, cela toutesfois demeurant excusable à ceus qui veulent cacher leur folie & indiscretion sous le voile de silence, car c'est bien la plus grande sagesse que scauroit point auoir un sot que de se pouuoir contenir de parler, veu qu'en ce faisant pour le moins il ne découure ce qui est de son defaut.

**LE COSMOPHILE.** Quelque chose que i'en aie foutenu au contraire, si n'en ai-ie iamais estimé autrement que ce que tu en as dit, car c'est bien la chose que ie hai le plus que d'affecter cette melancolie d'afne, de laquelle il y en a pour le iourd'huy quelques-vns tant entachés qu'ils ne peuuent trouuer rien bon d'autrui.

**LE DEMOCRITIC.** Comment est-il possible qu'ils approuuent ce que font les autres, quand ils se déplai-



sont à eus-mesmes, ne cherchans point autre plus grand plaisir que d'espier l'horreur de quelque lieu secret pour auoir le moien d'estre seuls à celle fin de disputer & prendre querelle le plus souuent à leur vmbre?

**LE COSMOPHILE.** Je m'ébahi comment tu dis cela, & que tu ne crains en ce faisant de t'en accuser toi-mesme le premier, veu qu'il semble que le plus de ton plaisir est à chercher des lieux solitaires pour faire des discours & disputer (ainsi que tu disois des autres) tout seul avecques ton vmbre.

**LE DEMOCRITIC.** Je ne sçai pas comment tu entreprends de iuger si soudain de mes complexions, entendu le peu de cognoissance que tu as de moy, & bien que tu m'eusses hanté toute ta vie si suis ie assuré que tu ne m'auois pas en telle estime.

**LE COSMOPHILE.** D'où venoit donques cela lors que ie t'ay rencontré que tu parlois seul meprisant la maniere de faire & sottise des hommes?

**LE DEMOCRITIC.** Je m'étonne comment tu iuges si legierement d'une chose qui t'est incertaine, ce que ie te pardonne toutesfois de bon cueur, car tandis qu'il te restera dedans la teste la moindre estincelle de cette folie mondaine, tu feras tousiours quelque acte volage & digne de reprehension.

**LE COSMOPHILE.** Non feray pas, moyennant que tu accomplisses ce que tu m'as promis, car de ma part j'ay esté desia, & suis encores plus prest d'entendre & croire tes aduertiffemens, que ie ne fu ouques.

**LE DEMOCRITIC.** Et ie ferai donq' fort aise que tu apprennes ici de moy de n'affurer iamais vne chose



dont tu n'auras point certaine cognoiffance, de peur qu'en faillant à dire le vrai tu ne fois estimé par trop euenté, ainfi que tu t'es montré euidemment en me taxant de quoi ie parloï feul lors que par hazard nous nous fommes ici rencontrés. Et à celle fin que tu cognoiffes ton erreur, il faut que tu entendes que ie ne faïsois alors que laiffer deus (comme ie croi) des plus grans fous du monde, dont l'vn contrefaïsoit le philofophe, ne parlant d'autre chofe que du cours des cieus, des influences des planetes & étoiles, de la magie & nature des efprits ministres ainfi qu'il difoit de fon art, fe ruant auffi quelquefois fus l'alquimie qui est vne fcience qui traicte de la tranfmutation des metaus : L'autre compagnon de folie à ce premier tranchoit du foldat, blâmant toutes autres chofes, fors que ce point d'honneur, & sembloit à voir la fureur du perfonnage, que l'vmbre du fourreau de fon efpee eut la puiffance de tuer vn homme fans coup frapper : Et ainfi apres auoir pris quelque plaisir à leur accorder par fois tantost à l'vn, tantost à l'autre, pour en tirer d'auantage de paffetems à la fin ennuïé de leurs longues & importunes causeries, i'ai tant fait que ie m'en fuis dépétré le plus honnestement qu'il m'a esté possible, & alors i'auois avecques moi pour me feconder vn homme de grand fçauoir & de fort bon esprit, lequel fans autrement me cognoiftre ni moi lui, s'adressa, il y a bien vn demi an, à ma maison, & apres l'auoir vn peu regardé & oui parler, ie cogneu tant à fes propos qu'à fon viſage que c'estoit vn homme de iugement & de grande doctrine, & le voiant souffreteus & en neceffité

ie ne fu pas moins prest de lui donner secours qu'il estoit à me le demander, & toutesfois depuis ce tems là nous auons demeuré amiablement ensemble, estant bien aise d'auoir recouré pour compagnie vn tel homme & plein de si grande erudition. Mais pour rentrer au lieu dont i'estois sorti, apres que ces Messieurs furent departis d'avecques nous, Dieu sçait si cet homme duquel ie te vien de parler, & moy nous les lauafmes ainsi qu'il appartenoit, & estoit pour ceste occasion que ie luy disoi, lors que tu m'estimois parler tout seul, comme ie me sentoï fort tenu & obligé à la nature de ne m'auoir point enseueli entre tant de folies & erreurs communes aus autres hommes, & ainsi que ie donnoï fin à mon propos il se souuint d'vn voyage qu'il auoit à faire deuers vn sien ami, parquoi tout incontinent il s'en partit & prit congé de moy iusques au retour. Tu peus maintenant affés euidemment cognoistre la faute du iugement que tu auois fait tant soudain de mes paroles.

**LE COSMOPHILE.** Ie suis contraint de confesser en cela mon deffaut, mais en pensant demeurer satisfait d'vn poinct, tu m'a remis de rechef en deus desirs trop plus grands que n'estoit le premier, dont l'vn est de sçauoir le nom de cet homme tant docte, & communiquer avecques luy, l'autre d'auoir ma part de la rifee que t'auoient apprestee ces deus fous, dont tu as maintenant parlé.

**LE DEMOCRITIC.** Quant est du dernier, puisque tu en as si grande enuie ie t'en ferai bien iouir, de l'autre qui est de sçauoir le nom de cet homme dont ie

t'ai fait mention, ie ne te le ſçauroi dire, & moins encores te faire communiquer pour le preſent avecques luy, entendu qu'il eſt (ainſi que ie t'ay deſia dit) allé voir vn ſien ami. Bien eſt vrai que le nom par lequel il ſe faifoit appeller eſtoit, le Monirien, & eſt vn homme à le voir triſte, montrant vn viſage affés melancolique, non pas de cette lourde & groſſiere melancolie d'aſne, car au reſte il eſt homme de fort grand eſprit, & eſt aiſé à voir, ainſi que i'en ay peu coniecturer quelque choſe par ſes propos, qu'vne grande partie de ſa triſteſſe luy procede à l'occaſion des grans tors qui luy ont eſté faits, & meſme de ceus dont il deuoit eſtre le plus ſecouru, toutesfois il eſſaie le plus qu'il peut à mettre ceſte melancolie bas, & ſe reſiouir quelques-fois avecques moi, & ainſi qu'il m'a dit, il fera ici de retour dedans peu de tems, & ſi tu veux attendre iuſques-là, encores que i'aie vn voyage à faire, ſi le delaierai-ie pluſtoſt à vn autre terme pour te faire compagnie, ou bien ſi tu aime mieus retourner quand il fera venu, tu pourras alors aiſément accomplir ton deſir, ſi tu n'as autre empêche-ment qui t'en détourne.

LE COSMOPHILE. Ie te remercie bien fort de l'offre que tu me fais, de laquelle toutesfois ie ne peux vſer pour cette heure ici, entendu que neceſſairement ie dois faire vn voyage ſur mer, auquel tant pour les affaires que i'ai par le chemin, que pour le tems qui me faut à aller & venir, encores qu'il ne m'arriue point de fortune ie ne ſçauroi moins arreſter que ſept ou huit mois, & ainſi tu ne differeras point (ſ'il te plaiſt) pour moi à donner ordre à tes affaires, & alors que nous

ferons de retour nous entre-conterons des nouvelles l'un à l'autre. Mais ie te prierai bien fort que nostre voyage fait, au moins si ma compagnie t'est agreable, que ce peu de cognoissance que nous auons ensemble s'augmente par ci apres par vne plus longue, & continue frequentation.

**LE DEMOCRITIC.** Ie t'affure bien qu'il ne tiendra pas en moi, car il n'y a homme en ce monde qui desire plustost compagnie, mais qu'elle ne soit point de ces gros butiers qui s'estiment sages, & à celle fin qu'une autre fois tu puisses mieux retrouver le chemin à me venir voir, ie te prierai bien fort de venir prendre le disner iusques en ma petite maisonnette. Il ne faut pas que tu penses que ie te conuie pour te donner des viandes roiales & exquises, mais telles qu'elles sont ce fera de bien bon cueur. Et si me semble que tu ne peus auoir bonnement occasion de me refuser, veu que l'heure du disner s'approche, aussi que le lieu n'est pas pas fort loing d'ici. Tu peux voir là au dessus en ce petit lieu montueus vne maison quarree faitte en terrasse appuiee de deus tourelles d'un costé, & de ce costé mesme vne belle veuë de prairie en bas coupee & entrelassee de ces petis ruisseaus qui ont ainsi le cours vague & tortu : de l'autre costé ceste touche de bois fort haute & vmbrageuse, dont l'un des bouts prent fin à ces rochers bocageus que tu vois à un des détours de cette prée, & l'autre au commencement de ceste grande plaine qui est un peu au dessus de cette maison que ie t'ai monstree : La vois-tu bien là par entre ces deus chefnes tirant un peu sus la main gauche ?

LE COSMOPHILE. Je la voi fort bien.

LE DEMOCRITIC. Or tu vois vne maison qui est mienne, & si tu me veus faire tant de bien que d'y venir prendre le disner, ie te monstrerai plus amplement les commodités & situation du lieu qui est possible telle que tu y prendras quelque plaisir.

LE COSMOPHILE. Certes la description que tu m'en as faite, & dont i'en voi vne bonne partie, me conuie affés d'elle-mesmes de l'aller voir, & t'affure que ie ne t'en éconduirai point, moyennant que tu me vueilles promettre de ton costé d'en faire aujourd'huy le pareil à souper en la mienne, qui n'est pas gueres plus loing d'ici que celle là que tu m'as monstree, & si ie croy que l'on ne sçauroit plus iustement borner le milieu du chemin de nos deus maisons qu'en ce lieu ici.

LE DEMOCRITIC. Je ne te sçauroi promettre d'y aller pour le iourd'huy, & te pri de m'en excuser, veu que i'atten à souper avecques moi quelques vns de mes plus grans amis, enuers lesquels il ne me seroit honnesté de faucher ma promesse ni vser d'excuse en quelque sorte que ce fut. Et par ce ie te supplie remettons cela à vne autre-fois, quand nous ferons retournés de nos voïages : Mais sçais-tu bien qu'il y a, tu ne laisseras point pour cela de t'en venir disner avecques moi.

LE COSMOPHILE. Et bien donq' puis qu'il te plaist ainsi, ie t'y ferai compagnie.

FIN DV PREMIER DIALOGUE.



## SECOND DIALOGUE

DV DEMOCRITIC

---

LE COSMOPHILE.



RAIMENT à ce que ie voi nostre disner n'a pas esté fait à la mode des Venitiens.

LE DEMOCRITIC. Comment cela?

LE COSMOPHILE. Pour autant qu'on se met à table (ainfi qu'ils difent) pour menger, & non pas pour conferer de fes affaires, qui est l'occafion qui les retarde volontiers de deuifer durant le repas.

LE DEMOCRITIC. Si telle maniere de lourdaus pensent que ce foit vne bien grande vertu que de ne dire mot en prenant fa refection, les pourceaus & autres bestes brutes feroient tantost felon leur regle dignes d'estre mis au reng des vertueus personnages, si d'auanture cela ne failloit à l'endroit des chiens qui menent

quelquefois affés belle noife pour vn oz, à qui l'emportera.

LE COSMOPHILE. Je me doutoi bien que ces Venitiens, quoi qu'ils affectent fus toutes chofes estre estimés les plus fages, n'en feroient non plus épargnez que les autres, qui a esté la caufe qui m'en a fait entamer le propos pour fçauoir quel iugement tu en voudrois donner, & fi tu euffes point eu meilleure opinion d'eus, pour autant que ce font les perfonnes du iourd'huy qui fuiuent de plus pres la trace de cette venerable antiquité, & fur lesquels est empraint le vrai & naturel archetipe du tant celebré & renommé Senat des Romains, vrai est qu'on dit que les plus grans larrons y font les mieuus venus, moyennant qu'ils derobent à moitié de butin.

LE DEMOCRITIC. Voila ceus que ie demande pour auoir bien occafion de me moquer, veu que fi vous oftés à ces Messieurs les grandes manches ou leurs bonnets de diadefme, vous leur osterés pareillement toute la fageffe : car tu dois entendre que la plus faine partie de leur cerueau est au deffus de leurs barretes avecques le iugement, & n'estoit qu'ils ont trouué cet honnefte moien de faire leur profit ils demeureroient encores en vn plus extreme degré de sottife, mais cette diuine maniere de larrecin qu'ils ont inuenté, couure beaucoup de leur bestife & ignorance.

LE COSMOPHILE. Or bien bien laiffons les là faire la pipee pour cette heure, & retournons au propos que ie t'auois rompu n'agueres presque fus la fin du difner, quand tu m'as dit que tu t'esmerueillois beau-



coup, veu que nos maisons estoient si pres l'vne de l'autre, comment nous auions eu si peu d'acointance ensemble.

LE DEMOCRITIC. Ha! tu m'en fais souuenir : mais à propos, comment s'est peu faire cela ?

LE COSMOPHILE. Il ne faut point que tu t'en ébahisses, entendu qu'il y a pour le moins cinq ou six ans que ie n'ai feiourné aucunement par deça, durant lequel temps ie n'ai fait autre chose que voiajer pour apprendre que c'estoit que du monde. Mais à ce que ie cognoi maintenant, i'eusse peu encores courir d'ici à trente ans, que ie n'en eusse gueres esté plus sage, cognoissant desia bien que ce n'est pas le tout que de voir diuersité de regions & contrees pour auoir l'esprit meilleur, & que l'instruction d'un seul homme de bon iugement edifie plus en vne heure, que ne font tous les barragouins & diuers langages de mille nations étrangères en dix ans.

LE DEMOCRITIC. Je suis fort aise de quoi tu adioustes foi à mes enseignemens, t'assurant bien que ce que ie t'en ai dit encores que ie l'aie fait affés succinctement, n'est point sans en auoir cogneu au-parauant les raisons beaucoup plus amples que ie ne te les ai encores déduites, toutefois croissant nostre loisir & se confirmant ton iugement, nous en pourrons d'auantage conferer ensemble, & lors tu en fonderas les raisons vn peu plus profondement que tu n'as fait iusques à cette heure ici, mais ce pendant ie suis bien de cet aduis que nous allions vn peu prendre le frais ici dehors.

LE COSMOPHILE. C'est bien dit, voyés s'il ne

semble pas que ce bel ombrage de lauriers nous femonde pour nous y aller rafraichir, & deuifer de quelque gracieus propos.

LE DEMOCRITIC. Tu t'abuserois bien, si tu pensois que ie t'y allasse recenser ces petis chiabrena & badineries de l'amour, car quant est de moi tous mes propos ne tendent qu'à vne fin qui est de me moquer des folies d'vn chacun.

LE COSMOPHILE. Aussi ne t'en demandai ie point d'autres, & en parlant des gratieus propos, ie n'enten pas de ces petis mots affectez où il n'y a que des ii & des ll de peur d'écorcher ces gorgettes delicates. Mais la plus grande grace que ie trouue en vn propos, c'est quand on le gouste à la fauce d'vne facetie bien ordonnee, qui picque sus la langue, ou qui prend incontinent les gens par le nés.

LE DEMOCRITIC. Dequoi voudroi-tu bien que nous parlaffions maintenant ?

LE COSMOPHILE. Ie desireroi fort sçauoir tout le discours de ces deus venerables sots, que tu disois t'auoir laissé vn peu deuant que ie te rencontraffe en ce lieu ici, puis selon les propos qui s'offriront nous les continuerons, ou en prendrons de nouueaus.

LE DEMOCRITIC. Ne te deffie point hardiment que ta demande ne soit accomplie, car selon le dict d'Homere, tu donnes courage à cettui-là qui se hâtoit desia affés de lui-mesme, & n'estoit que tu m'as preuenu, assure toi que ie t'eusse desia prié d'en entendre ce qui en estoit. Donques pour satisfaire ensemble à ton desir & à mon vouloir, il faut que tu saches que ie n'ai

pas esté autrefois moins curieux de cognoistre la diuersité des sciences & manieres de faire des estats & nations estrangeres que toi. Mais apres auoir ainsi long tems étudié & couru, cognoissant à la fin que tous les actes des hommes n'estoient autre chose qu'un songe fantastique & ridicule, j'ai resolu en moi-mesme de me retirer en ce petit lieu, pour y faire le plus de ma residence, & y prendre ce que ie pourrois de contentement avecques quelque peu de ceus qui ont pareillement la cognoissance de telles refueries mondaines, & qui prennent bien quelques fois la peine de me venir visiter iusques ici, pour remettre en memoire les bons propos qu'autrefois auons debatus ensemble, ou bien pour en inuenter d'autres tous frais. Mais aiant (ainsi comme ie t'ai dit) hanté tant de diuerses sectes de gens, il est impossible qu'il ne m'arriue aucune fois d'en rencontrer quelques-vns, & le plus souuent contre mon vouloir veu la grande importunité & fottise dont ils sont pleins, & n'estoit le merueilleus passetemps que j'ai de leurs basteleries, ie leur tranche-rois entierement toute occasion de s'arrester avecque moi. Neantmoins tant pour me seruir d'eus ainsi comme de badins, & faire par ce moien couler vne bonne partie du iour plus doucement, tant aussi pour le raconter & en donner la moitié du plaisir à ceus que ie cognois estre dignes de leur en faire part ie suis content quelque-fois de les ouir iapper, & m'accordant tantost à leur opinion, tantost leur repugnant vn peu pour les mettre plus auant aus chams, j'en ai du plaisir au possible ainsi que mesmement il m'estoit encores suruenu aujourd'huy. Car aiant cogneu dedans Paris (du temps que j'emploiois mes

ieunes ans aus lettres) vn personnage, entre ceus que l'on appelle Philosophes, estimé vn des plus sages & mieus entendus en cette fine folie, ie vouloi dire Philosophie, la fortune a voulu que ie l'aie encores rencontré en ce lieu ici en me promenant. Et estoit iceluy Philosophe accompagné d'un foldat foldatizé pareillement de ma cognoissance. Car tu dois sçauoir qu'apres auoir longtems trauaillé apres ces liures, me trouuant en fin lassé & recreu des études, ie voulu tenter la voie des armes pour sçauoir comment on s'y gouernoit, & là, i'eu la cognoissance de maints braues & vaillans hommes (au moins ce disent-ils) & entre autres de ce compagnon de soufflets & alembics de mon Philosophe. Toutes-fois de prime-face ils ne me pouuoient pas bien recognoistre, mais à la fin apres m'auoir plus ententiement regardé, ils me font ici venu aborder, & apres force accollades, embrassemens, baifé les mains de vostre feigneurie, ou si tu l'aimes mieus à l'Espagnole, de vostre merci, tant à vostre commandement (Monsieur) de paroles que vous voudrez, & telles autres careffes, & admirations accoustumées entre personnes qui de long temps ne se font entre-ueues, & principalement quand la rencontre se fait ainsi à l'impourueu : somme toutes ces careffes finies ce diuin Platonicien apres m'auoir quelque peu regardé sans parler, renfrongné ses sourcils auecques vne mine graue, enfoncé sa veue vn peu sur la terre, puis tout lentement la redressant aus cieus, comme s'il eust esté resueillé de quelque profond somme, ou que par diuine inspiration il eust esté émeu à parler ainsi, il commença tels propos en m'interrogeant si i'auoi point continué l'étude de la philo-

fophie depuis que ie m'en estoï parti de Paris. Et adonq' tant pour sçauoir l'occasion de sa demande que pour m'accommoder pareillement à son naturel, ie lui respondi que i'en auoi esté, & estoï encores plus curieux que iamais, puis il dit en cette sorte pesant ses mots comme s'il eust parlé en voix d'oracle, ha Monsieur, vous estes tenu grandement à nostre Seigneur de vous auoir departi la cognoissance d'une tant excellente chose, & auez esté tres bien aduisé de n'en discontinuer l'étude, laquelle vous ne deuez laisser encores, au moins si vous me croyez, car deuant que vous en allassiez de Paris, vous y auiez desia vne fort bonne entree : Et ie vous assure (Monsieur) que si vous y auiez donné aussi auant comme i'ay fait depuis nostre absence, vous y mettriez possible meilleure peine que vous ne fistes onques, car i'y ai cogneu les plus grans secrets, & merueilleuses experiences du monde, & ne fera iamais que ie ne me sente obligé à celui qui le premier m'en a monstré les principes, veu la grande & admirable perfection que i'y ai trouuee depuis. Et pour ce que vous estes homme qui entendez que c'est de telles matieres, ie vous en veuil communiquer quelque chose, moyennant que vous me vueillez promettre de clorre la bouche, & estre secret ainsi que ie vous ai tousiours experimenté. Et alors l'entendant ainsi parler Socratiquement, ie vi qu'il estoit bon, pour lui tirer les vers du nés, contrefaire vn peu le sage par mines comme luy, l'assurant au reste de n'en dire iamais parole, j'entendois à ceux qui ne le voudroyent ouïr.

**LE COSMOPHILE.** Sans point de doute aussi tiens-tu bien ton serment, car tu ne le racontes point à vn

homme qui n'ait bien grand vouloir de l'entendre, & ne m'as encores dit chose qui m'ait apporté d'auantage de plaisir que celle-ci, ni laquelle i'aie plus desiré sçauoir. Mais combien ce pauvre sot prenoit de peine à decouurer sa folie, & se faire moquer de luy!

LE DEMOCRITIC. Tous ceus de pareille farine ne font iamais contens iusques à ce qu'ils ayent donné à cognoistre leur sottise : mais pour continuer mon propos, ce Venerable docteur (apres luy auoir fait la promesse telle qu'il me la demandoit) pourfuyuit ainsi en matiere: Il n'est ia befoin (me dit-il) de vous alleguer les principes & fondemens d'un tel art, car vous n'y estes point apprentif. Je n'ai que faire de vous reciter par le menu toutes les especes des esprits, & comme il y a six genres principaux de Demons, ignees, aëriens, terrestres, aquatiques, fou-terrains, feu fuians & amis de tenebres: & comme de toutes ces fortes là il n'y en a que de trois especes qui souffrent, patissent, & endurent, à sçauoir, les feu fuians, aquatiques, & terrestres, & sont ceus que l'on appelle volontiers incubes & succubes. Je n'ai que faire pareillement de vous raconter les especes de magie, comme Hydromance, qui se fait avecques de l'eau, Leuconomance, qui se fait avecques des bassins, Pyromance, qui se fait avecques le feu, Geomance, par le moien de la terre, Necromance, laquelle est diuisee encores en deus parties, en Scyomance & Necyomance, lesquelles se pratiquent en parlementant avecques les esprits malins, ou en suscitant les ombres & idoles errantes des morts: Capnomance, qui se fait avecques suffumigations dont on parfume & fait on sacrifices aus

Demons. Il me fuffit feulement de vous en parler d'une efpece, qui eft Catoptromance, & de la perfection d'icelle. Vous fçavez bien (ce me dit il alors tout bas en l'oreille, & me tirant à part) comme du tems que nous demeurions enfemble à Paris, nous eftions tous les iours apres, pour experimenter quelque chofe de cette Magie, de laquelle nous n'auions encores fceu faire aucune certaine experience, mais depuis ce tems là, croyez que i'y ai cogneu de plus grandes chofes. Vous fuffife, ie vous en dirai quelquefois à heure plus opportune d'auantage, & vous en pourrai montrer quelque effet. Et comme ie le priaiffe inftamment de me declarer que c'eftoit, il vint tirer tout doucement de fa bource (comme fi c'euft été quelque precieux ioiau) vn miroir tout brouillé & barbouillé de caracteres, auquel eftoit magiftralement dépeint ce grand mot *Tetragrammaton*, & aux quatre coins arriere-pointé de plufieurs croix & figures de planettes : puis me demanda fi ie cognoiffoie point la vertu & propriété des mots, cercles, & caracteres que ie voiois écrits & emprains des deus coftez du miroüer : O (dis- ie alors) les grans & facrez mots ! ô la grande vertu qui eft cachee là defous ! ô Dieus ! que ie m'eftimerois heurus de pouuoir atteindre à la cognoiffance de chofes tant hautes & parfaites.

LE COSMOPHILE. Mais fans rompre ton propos, quelle mine tenoit ce pendant le foldat ?

LE DEMOCRITIC. Il fembloit qu'il fuffit prefque ialous de ce que m'en declaroit l'autre, neantmoins tant pour la grande familiarité qu'autre fois nous auons eue enfemble, tant auffi pour monftrer qu'il n'eftoit point

ignorant en cet affaire, il en entreprenoit aucune-fois la parolle luy mesme approuuant & admirant le dire de son compagnon. Mais comment que ce fust ce magnifique Necromant ne laissoit point de continuer tousiours les coups, & extoller de plus en plus la grande & incomparable vertu de son miroir, m'assurant qu'il estoit fait de la vraie forme & maniere qu'estoit celuy de Salomon, & qu'il n'y auoit vn seul point de faute, qu'il auoit bien & soigneusement contregardé le tems & heures oportunes & dediees à ce faire : ioint que les aspects & constellations des cors cælestes y estoient obseruees, qu'il auoit pareillement (ainsi qu'il est requis par les regles de l'art) ieüné trois iours sans manger rien que du pain & quelques racines & autres choses n'aians ame à la Pitagorique (combien qu'il y en ait de moins superstitieux qui disent que pour manger auecques cela quelques petis poissonnets l'on n'en romperoit point son ieüne) & comment durant lesdicts trois iours il s'estoit abstenu de compagnie de femmes, à quoy il faut bien auoir egard deuant que d'entreprendre cet inuiolable, impolu & sacrosainct mistere, qu'il s'estoit baigné, mundé & purifié de toutes ses superfluités, & finalement proueu de son eau & ysope, habits coniués & caracterisés iusques à la semelle de la pantoufle, comme estant garni de toutes ces choses il entra ainsi que maistre de l'art auecques vn non-per de compagnons dedans son cercle seellé, bouclé & cacheté de mots propres & sacrés de peur que les Diabes n'entreprissent de s'aller écaroucher, & iouer à crois & à pille auecques eus, comment il nomma, appella, inuoua, coniuira, exorcifa, contrai-



gnit & anathematiza Monsieur le Diable fans faire autre paction avecques luy, à celle fin de consacrer & donner vertu à son experiment. Cela fait, comment il fentit vne vapeur aëree luy souffler & tinter dedans les oreilles, les tonnerres & orages s'émouuoir par l'air, les signes épouuantables se manifester deuant eus, toutesfois qu'ils se montrerent vaillans, & que pour tout cela ils ne laisserent pas à tenir bon dedans le cercle. Puis il me iura d'abondant que toutes ces choses appaïsees, il apperceut incontinent ce qu'il demandoit voir dedans son miroir, me disant à cette heure-là d'une voix basse, & presque à peine fortant hors de son estomac, qu'un tel experiment estoit un des grans secrets du monde, & trop plus excellent que non pas cettuy-là par lequel on fait voir dedans la paume de la main, ou sus l'ongle d'un enfant vierge, entendu qu'iceluy enfant se peut abuser, & que pour cette occasion il n'est que de voir soy-mesme. Et à celle fin (me disoit-il) que vous ne pensiez point que ce soit feinte, ni que ie vous vueille païstre de bourdes, voila Monsieur (& ce disoit-il montrant son compagnon) qui vous en fera foi. Alors le soldat se mist à iurer, ainsi qu'il sçauoit fort bien faire, se sacrifiant & immolant tout lardé & rosti, à traïers les machouères des plus frians pages de Pluton, s'il n'estoit ainsi. Mais non non, ce dit alors le Necromant, vous le voirrez vous-mesme par experience. Quelle personne desirez vous voir, ie la vous monstrerai ? ou bien, que ie ne mente, ie la vous ferai representer en la forte qu'elle est, soit morte ou viue, dedans mon miroïer. Et adonq' non point pour aucune foi que i'adioutasse à ces bourdes & menteries, mais pour ne me manifester

point si soudain méprifeur de fa folie, pour voir auffi quelle en feroit l'iffue, ie lui nommai vne perfonne qu'il cognoiffoit bien. Cela fait, il feigna d'vne infinité de croix, puis ayant fait vn cerne nous entraſmes dedans, & apres auoir tenu fon miroir affez longtems à l'oppoſite du Soleil, murmuré & gromelé entre ſes dens certains mots, jetté quelques ſiflemens en l'air, ſe contretournant, comme agité de quelque fureur deuers châcune des quatre parties du monde, Orient, Occident, Midi, & Septentrion, il me demanda ſi ie ne voiois rien dedans le miroër : Ie lui reſpondi qu'il diſoit vrai, & que ie ne voiois rien, fors que la representation de nos deus faces. Voila vn cas eſtrange, ce diſoit mon Philoſophe contrefaisant du melancolique, il faut bien qu'il y ait de la faute de voſtre coſté. Car quant eſt de moi ie le voi auffi viſiblement, & autant au naturel comme ſi ie parlois à luy, ie le voi comme il regarde dedans vn liure : Ha (ce me dit-il lors ſoupirant à la Tuſcane) ie croi que vous n'avez pas vraie foi.

**LE COSMOPHILE.** Ie penſe affurément ſ'il n'auoit iamais dit verité, qu'il la dit à cette heure-là, car à mon aduis tu n'y auois pas grande foi.

**LE DEMOCRITIC.** Et qui eſt celui encores tant ſot & enfant qui ſe nourriſſe en des ſuperſtitions ſi ſoles, & pueriles, & qui recognoiſſe bien cela n'auoir eſté premierement inuenté que par des abuſeurs & impoſteurs de peuple, comme eſtoient au temps paſſé vn tas de belifres qui contrefaiſoient des diuinateurs, pipans & abuſans ainſi le ſimple populaire, à celle fin de ſe faire reuerer de luy, & le brider d'vne crainte ſous l'ombre &

pretexte de leur vaine & superstitieuse Religion, ainsi mesmement que tesmoignoit le bon Caton, lors qu'il disoit s'émerveiller comment il estoit possible que tels abuseurs s'entrecoutrains se puissent regarder sans rire.

**LE COSMOPHILE.** Pourquoi cela sans rire ?

**LE DEMOCRITIC.** Voudroi-tu voir plus grande occasion de rire & se moquer, que celle qu'ils auoient de la folie & credule simplicité des hommes, qui se laissoient tromper & deceuoir tant aisément par leurs mines & feintes diuinations ?

**LE COSMOPHILE.** A ce propos mesme Diogene disoit, lors qu'il auoit égard aux medecins & gens de iustice, qu'il ne trouuoit rien plus sage que l'homme, mais quand il venoit à penser à ces diuinateurs, necromanciens & autres de pareille faction, qu'il ne trouuoit rien plus sot.

**LE DEMOCRITIC.** Diogene disoit fort bien, mais il eut encores mieus parlé s'il eut dit que non point seulement regardant aus diuinateurs & Necromanciens, mais aussi à tous estats & vacations des hommes, qu'il n'eut trouué animant plus fol, ni plus deprouueu de raison que l'homme.

**LE COSMOPHILE.** Peu s'en faut que ie ne croie maintenant que tout ce que font les hommes n'est qu'un abus. Mais pour reprendre nostre premier point ie te prie di moi quelle fut la fin de l'entreprise de ton Philosophe.

**LE DEMOCRITIC.** Je luy assuré fort bien comme la faute ne venoit point de mon costé, & que i'y

auois la plus grande & ferme foi du monde, mais à celle fin de discourir mieus fa menterie & fauceté, ie m'adui-fai tout soudain d'une chose, par laquelle ie le pourrois surprendre, qui estoit de lui nommer vne personne qu'il ne cognoistroit point, à fin de le prendre par le bec, si en assurant le voir comme l'autre, il ne m'en donnoit les certaines enseignes en le décriant tel qu'il seroit. Et de rechef luy aiant nommé ce second, il ne laisse pas, encores qu'il ne le cogneut, de faire & sifler en l'air, comme deuant, mais ce fut en vain, car de peur de faillir à la description du personnage, il me dit alors lui-mesme qu'il ne s'apparoissoit point, m'vsant à cette heure là de l'excuse commune à tels abuseurs, comme il n'est pas bon d'importuner ainsi les esprits, & que cela pourroit tourner à son preiudice, qu'il valloit beaucoup mieus le remettre à vne autre fois : mais à cette autre fois il ne laissera encores d'estre garni de nouvelles excuses, en remettant possible la faute sus le temps qui ne fera pas assez tranquille & serain, & mal disposé à faire ses con-iurations, ou bien il dira que les esprits sont le plus souvent trompeurs. Et voila comment pour tousiours mieus pallier leur fait & menterie, ils ont trouué certains eschapatoires. Mais ils ont bien encores inuenté d'autres ruzes pour donner couleur & apparence de verité, à leurs piperies & menfonge. Car si aucun entreprend de se faire estimer en ses diuinations au-parauant que s'en declarer entierement professeur, il épiera par plusieurs-fois, & en diuerfes fortes, le moien d'estre aduerti secrettement de quelcun qui aura commis vn larrecin, & apres en estre assuré il fera parler à celuy qu'on aura

dérobé par personnes interposées, qui luy feront mention de ce sçauant Magicien, luy mettant en teste qu'il n'y a homme au monde, qui luy en sçache plustost dire nouvelles que luy, tant soit-il expert en la diuination. Bref ces menees se feront de forte qu'il parlera à celuy qui aura esté volé, & pour donner plus grand' grace à sa piperie, il contrefera du secret, demandant au surplus quelque espace de temps, à celle fin de mieus pouruoir à son cas, & luy en rendre plus certaine & assurée responce, & icelle rendue si elle est trouuée véritable, il ne faut point demander s'il sera alors estimé parfait en son art, & en quelle reputation il entrera enuers les fols, & ceus qui sont curieux de s'amuser & perdre le tems à l'estude de telles choses tant vaines & friuoles. Et puis s'il arriue vne autre fois que par hazard il puisse deuiner quelque chose qui aduienne ainsi qu'il l'aura predite, comme en disant à quelque ieune homme ardent de cognoistre le sort fatal de ses destinees, qu'il aime fort vne ieune Dame ou damoiselle, mais qu'il traueille beaucoup de paruenir à ses intentions pour raison de la ialouzie des parens, qu'il y suruiendra vne grosse maladie dedans peu de tems causée d'exces & dont il pensera mourir, qu'il y arriuera quelque perte de ses biens ou par proces ou par autre inconuenient, qu'il sera trahi & son secret découuert par ceux qu'il estimera de ses plus intimes amis. Somme il en barbouillera pesle mesle tant d'vns & d'autres & de ceus qui volontiers arriuent aus personnes, qu'il est impossible qu'il n'en aduienne quelquevn ainsi qu'il aura deuiné, & puis ce sera encores vne erreur pire que la premiere. Je laisse là vne infinité d'au-

tres ruzes, calomnies, & inuentions cauteleufes, defquelles ils ont acouftumé d'vfer, tant pour faire valoir leur métier, que pour apafter auffi & entretenir de fauffes excuses, ceus lefquels s'estans fiés en leurs frasques & bourdes fe trouuent en fin deceus & trompés de leurs intentions. Il fuffit affés de cognoiftre comme tels galans ne font qu'impofteurs & que cela qu'ils promettent par leur art n'est que la mefme folie.

**LE COSMOPHILE.** Je ne m'esbahi donq' plus fi le Tychiade de Lucian fe monftroit auffi incredule; oiant les fables & contes de vieilles qui luy eftoyent recitées comme vraies par Cleodeme le Peripatetique, Dinomache le Stoique, & ce vaillant Platonicien Yon, qui plus fe monftroient affectés à lui perfuader ces folies & baiës estre veritables, moins il lui vouloit adioufter foi, les reieftant entierement comme fottifes & vaines menfonges.

**LE DEMOCRITIC.** Et encores qu'il fut poffible de faire quelque chofe par l'art magique, fi est ce que ce ne font que fumées & fauces visions qui s'apparoiffent deuant les yeus, & qui deuiennent à la fin à rien, ainfi que telmoigne mefme le maiftre & pere de telles bourdes, Iamblique au liure des mifteres difant ainfi : Les chofes lefquelles nous imaginons, estans charmés & enchantés, ne contiennent point autre action, ni verité de quelque chofe que ce foit, fors que celle-là qui nous est propofée deuant les yeus, à raifon de ie ne fçai quels fantaumes & fauces imaginations (dont il donne la raifon toft apres, qui est telle). Car la fin de la Magie n'est pas à faire des chofes qui foyent, mais de les pouuoir

feulement representer par imagination, de forte que l'on en pense voir quelque apparence.

**LE COSMOPHILE.** Et toutesfois ie m'émerueille des plus doctes du tems iadis, qui s'y abusoyent aussi bien que les autres.

**LE DEMOCRITIC.** Qu'entendroi tu bien par ces plus doctes?

**LE COSMOPHILE.** Ne lit-on pas de Pitagore, comme par cela il dontoit les bestes les plus cruelles & fauages qui fussent point, & en apprivoisoit les oiseaux, de forte qu'après auoir nourri quelque tems vn Ours si grand & si horrible qu'en le regardant il n'y auoit animant qui n'en fust effraïé, il le charma, de forte qu'onques puis il ne porta aucune nuisance à creature de dessus la terre, & viuoit par les forets amiablement avecques les autres animans, comme s'il eust passé vn accord avecques iceluy Pitagore, de ne faire plus deormais mal ni dommage à aucun. Nous lifons pareillement, comme voiant vne fois voler par dessus luy vne Aigle, après auoir gromelé & murmuré ie ne sçai quels carmes de son art magique, il la fist venir à luy aussi priuee comme s'ils eussent esté toute leur vie nourris ensemble.

**LE DEMOCRITIC.** Comment appelles-tu cet homme là sage? Est-ce pas ce braue Philosophe qui ne mengeoit point de choses qui eussent ame?

**LE COSMOPHILE.** C'est luy sans autre.

**LE DEMOCRITIC.** Estoit ce pas luy-mesme qui accoloit, embrassoit & mignotoit les coqs blancs, comme s'ils eussent esté ses freres?

**LE COSMOPHILE.** Luy-mesme.

LE DEMOCRITIC. O le grand sot ! & tu me le mettois maintenant en ieu comme vn homme sage. Encores n'as-tu pas recité le plus beau de ses actes touchant la Magie. Ne te fouuient-il point auoir pareillement leu de luy, comment il auoit accoustumé d'escrire avecques du sang, ce qu'il luy plaifoit dedans vn miroir, puis aiant mis les lettres à l'opposite de la Lune, lors qu'elle estoit pleine, qu'il les monstroït empraintes dedans la rondeur d'icelle Lune à vn qui estoit au derriere de luy.

LE COSMOPHILE. Si fait si il m'en fouuient fort bien, & de beaucoup d'autres de ses badineries pareilles, mais ce que ie t'en auoi dit n'estoit seulement que pour sçauoir quel iugement tu en donnerois, & toutesfois voies comment ils estoient au tems passé abusés en ces resueries là, tellement que les Egiptiens n'estimoient point vn homme digne de paruenir à la dignité Roiale, que premierement il n'eut esté instruit en la Magie.

LE DEMOCRITIC. Puis que nous sommes entrés si auant en ces termes, ie t'en vueil raconter vn autre acte merueilleus que fit Empedocle pour détourner & appaiser la fureur du vent, duquel étoient tourmentés sans aucune relache les Agrigentins : c'est qu'il entourna toute la ville de peaus d'afnes, & par ce moien il fit cesser la tourmente qui couroit pour lors, & apres il fut furnommé en Grec *κλυτταγύμας*, c'est à dire chasse-vent.

LE COSMOPHILE. Ha ha ha ! la grande folie que c'est d'auoir mis ceste bourde là en escrit, comme vne chose veritable.

LE DEMOCRITIC. Comment tu ne le croi donq' pas, & tant d'autheurs approuués en ont fait mention.



**LE COSMOPHILE.** Si nous voulions croire tout ce que nous voyons par escrit, enregistré comme histoires, il ne faudroit point aller chercher d'autres peaus pour destourner le vent que les nostres, car certainement il ne se troueroit point en Arcadie d'afnes plus magnifiquement oreillés, que nous ferions, & auroi belle peur que si Midas estoit encores viuant qui ne le perdit contre nous : Mais passons outre. Je te vouloi bien demander à quelle fin tendent tous ces venerables sous qui font de ceste ligne Necromantique.

**LE DEMOCRITIC.** A ceile où tendoit mon Philosophe, qui est ou d'estre estimé & admiré par dessus le vulgaire, ou bien (qui est le plus commun) pour tromper & deceüoir ceus qui s'adressent à tels mignons, & pour en tirer ce qu'ils pourront de profit.

**LE COSMOPHILE.** Il n'estoit que bien arriué en ton endroit pour ce faire, entendu que ie me deffieroi tantost que tu serois vn de ceus qui se laissent si facilement pigeonner à telles gens. Mais ie sçauroi volontiers apres qu'il eut fait cette belle leuee de bouclier, s'il te dit plus chose qui fut plus digne d'être racontee.

**LE DEMOCRITIC.** Je ne sçai pas comment tu l'entens, mais tant y'a que ie t'assurerai bien qu'il ne me dit chose aucune, qui merite d'estre recitee sinon en tant que l'on s'en vueille moquer.

**LE COSMOPHILE.** Aussi l'enten-je ainsi.

**LE DEMOCRITIC.** Et bien puis que tu en desires sçauoir dauantage, ie t'en paracheuerai sommairement le discours, & le surplus ie te le laisserai à presumer.

**LE COSMOPHILE.** Je te supplie ne m'en laisse point en doute, au moins s'il ne t'ennuie d'en parler.

LE DEMOCRITIC. Je ne veus pas dire que je te laisserai en doute des propos qu'il m'a tenus, mais seulement qu'apres te les auoir declarés, tu pourras penser à par-toi les autres folies que commettent ceux qui ensuyuent telles opinions.

LE COSMOPHILE. L'ardent desir que i'ai d'en sçauoir toute la verité m'a fait ainsi interpreter tes paroles, mais ie te prie ne laisse pour cela de pourfuyure en ton entreprise.

LE DEMOCRITIC. Je suis fort aise de te voir ainsi échaufé d'entendre ce dont ie brulle moi-mesme, pour la grande enuie que i'ai de te le raconter : donques afin que ie retourne à mon Necromant, apres qu'il m'eut ainsi manifesté auecques grandes & infinies admirations l'imparangonnable vertu de son diuin & precieus miroir, il commença à me déployer vn milier de vieus rondeaus, & caracteres escris en parchemin vierge : Les vns en lettres rouges entre-meslées de croix pareillement rouges, les autres vertes, grises, azurées, & de toutes autres sortes de couleurs que l'on voit au blason d'icelles sus les deuises des amoueurs transis, tout cela brouillé, barbouillé, & fricassé auecques certains épouuentaues de pentacles, idées, & candaries Salomoniques, au milieu desquelles estoit la table, & les sacrés & ineffables mots que fouloient porter les anciens Prophetes au front : le tout escrit en lettres Hebraïques & Caldeïques meslées de mille figures & formes étranges, me disant tantost que cettui-ci seruoit pour acquerir la faueur des Rois, Princes & autres grans Seigneurs, comme portant cettui-là au col on ne mourroit iamais en feu, ni en eau, ni en ba-

taille, que cet autre empeschoit l'homme de mourir sans confession, me iurant au surplus qu'il n'auoit rien qui ne fut extrait & composé sus l'archetipe de la clauicule de Salomon, mais c'estoit en vain que le pauvre homme se tourmentoit de me faire croire ses bourdes & mengeries.

**LE COSMOPHILE.** Et bien qu'elles fussent veritables, si sont elles defendues expressément par la parole de Dieu, comme indignes de la personne qui tient la foi de Iesus Christ, duquel (ainsi que dit tres bien saint Paul) il n'y a aucune conuention à Belial esprit trompeur & malin.

**LE DEMOCRITIC.** Si tu te iettes vne fois sus les preschemens, ie voi bien que tu n'auras de long tems fait, & pour ce regarde si tu as enuie de sçauoir la continuation & l'issue de ce que tu m'as requis.

**LE COSMOPHILE.** Ie ne desire rien plus.

**LE DEMOCRITIC.** Et pourtant enten donques qu'aussi tost apres que mon Philosophe m'eut étallé & replié sa marchandise, il vint à me faire vne description des cieus, mais sçais-tu quelle, par Dieu comme si toute sa vie il y eut esté nourri, & qu'il n'eut fait autre chose qu'obseruer, conter, compasser, & mesurer tous les aspects, toutes les étoiles, cercles & points qu'il affuroit y estre. Et n'estoit que ie le cognoissoi de longue main, ioint qu'il n'estoit pas des plus beaux de ce monde, ie l'eusse iugé incontinent pour vn Ganimede, mignon de couchette de ce grand Dieu haut-tonnant, qui fut expressément descendu ici bas, & pris vn cors fantastique, pour en rapporter certaines nouvelles à ceus qui seroient curieus de sçauoir comment on se porte lassus, ou bien

vn autre Icaromenippe de Lucian, tant il ſçauoit brauement déchifrer tous les plus grands ſecrets de Iuppiter, & aſtologualement deuifer de la ſituation & gouuernement des globes & cors celeſtes.

LE COSMOPHILE. Mais à ton aduis les aſtologues ne peuuent ils pas bien par leur art dire des choſes qui ſoyent veritables ?

LE DEMOCRITIC. Il n'eſt rien plus vray que par vne longue obſeruation du leuer & coucher du Soleil, & des étoiles qu'ils ont appellees fixes, ou par d'autres & pareilles diſpoſitions des cors celeſtes (comme d'aſpects & coniunſtions) obſeruees de longtems, l'on a redigé cela peu à peu en vn certain art, par lequel meſme on peut predire les eclipſes de Soleil & de Lune, la longueur ou accourſſement des iours, quand la Lune doit apparoiſtre croiſſante, pleine, ou décroiſſante, ou autres telles choſes qui ſont couſtumieres d'arriuer ſelon la diſpoſition qui ſe trouue entre leſdits cors celeſtes : Mais de les vouloir ainſi conter par nombre, meſurer leur grandeur & chemin qu'il y a d'ici aus cieus, leur determiner vn tems de quarante neuf mille ans, auquel ils ſe doiuent reſouldre, telles diſputes ſont ſoles & entierement ſuperflues, & deſquelles la verité eſt trop douteuſe, & quand ie diroi nulle, ie croi que ie n'en mentiroi point.

LE COSMOPHILE. J'auroi belle peur que le chemin ne fut ſi long & tant peu frequenté d'ici là, que ceus qui l'entreprendroient ne peuſſent bien tant trauailler, qu'ils demeuraffent recreus deuant que d'eſtre paruenus à la moitié de la montaigne d'Olimpe, ou qu'en prenant l'vn pour l'autre ils ne s'égaraffent de la droite voie.

**LE DEMOCRITIC.** Il vaut donq' beaucoup mieus pour ne nous fouruoyer aucunement, prendre la feule trace qui nous est cogneue, celle de nostre commune mere la terre.

**LE COSMOPHILE.** Si me semble il toutefois que l'homme en tant qu'il a le discours de raison, & cette imaginatiue plus grande & plus forte que tout autre animant, ne doit point estre si terrestre, qu'il ne discoure en foi & imagine les choses celestes, entendu qu'il est seul entre les autres creatures, formé par cette preordonnance diuine, aiant la face & les yeus éleués en haut, & croi que cette singularité ne luy a iamais esté donnee que pour regarder & dresser sa veuë deuers cette haute machine celeste: ainsi que dit tres bien Ouide au premier de sa Metamorphose, parlant de ce grand fabricant de l'vniuers en la creation de l'homme,

*Os homini sublime dedit cælumque videre*

*Iuffit: ce que nous pouuons ainsi rendre en françois,*

*A l'homme il a haut éleué les yeus*

*Et commandé de contempler les cieus.*

Ainsi donques c'est vne chose qui me semble estre fort seante au naturel de l'homme raisonnable, que d'accomplir ce qu'en dit le Poëte sus mentionné.

**LE DEMOCRITIC.** Comment n'as tu aussi bien allegué ce qu'on en lit en vn passage de la sainte escripture? comme Dieu s'est reserué le ciel pour sa demeure, & qu'il a donné la terre aus fils des hommes: où il est assés manifesté qu'ils se doiuent contenter du lieu qui leur est assigné, sans entreprendre de voler plus haut & auoir la cognoissance de ce qui leur est incertain, là où sole-

ment vouloit paruenir ce gentil Astronome Anaximene, lequel regardant vne fois trop ententiuelement les étoiles, & leuant le nez en l'air comme vne truye aggrauée, tomba à l'impourueu dedans vne fosse, là où il fut moqué d'une vieille qui le reprit de vouloir cognoistre ce qui estoit aus cieus ne pouuant pas seulement voir les choses qui estoient deuant luy à ses pieds. Quant est de l'autorité du Poëte que tu as mis en ieu, elle ne se doit pas entendre pour approuuer ton dire, ni pour se tourmenter apres ces contemplations celestes tant vaines & tous les iours debatues par nos Astrologues, mais seulement à celle fin que l'homme en voiant ainsi cette grande machine azurée tant excellente & admirable en sa composition, cognoisse qu'il a ie ne sçai quoi de conuenable & parfait avecques elle.

**LE COSMOPHILE.** Tu me contentes fort par tes responces, si ai-ie encores vn petit doute touchant ceci pour vn passage qui est au Deuteronomie quatrième chapitre où il est dit que Dieu a fait & créé les cors celestes pour seruir à toutes gens.

**LE DEMOCRITIC.** Ie ne vi iamais homme qui alleguast plus crument les saintes escritures, ne qui plus brauement se coupaist la gorge de son couteau mesme que toi, mais deuant que de passer outre ie voudroi bien que tu m'eusses assuré si tu l'as leu au Deuteronomie ou bien en quelque autre autheur qui en eut peruerti le sens, & apres lequel tu en iugerois ainsi à credit.

**LE COSMOPHILE.** Il ne faut point que ie t'en mente, ie n'ai point esté si curieus que de l'aller refueiller au Deuteronomie, mais ie l'ai leu dedans vn liure

nommé le Periode du monde, fait & composé par maistre Pierre Turel, homme fort docte & bien experimenté tant en la philosophie qu'en cette Astrologie.

**LE DEMOCRITIC.** Quand tu eusses reuolté tous les liures du monde si ne m'en eusses-tu sceu alleguer vn plus sot & plus rempli de bourdes que cettui-là, veu qu'en iceluy ce gentil Monsieur de Pierre Turel veut assigner le tems que le monde finera, chose tant s'en faut qu'elle soit cognue aus hommes, que mesme le Fils, ni les Anges du ciel ne le sçauent pas, fors que le seul pere tout puissant, aussi n'est ce pas à nous de vouloir decouvrir les secrets que le Seigneur Dieu a voulu ferrer & tenir enclos deffous la clef de sa diuine & incomparable puissance. Voila ce que ie t'ay bien voulu dire de la folie de ce presumptueux sot Pierre Turel, à celle fin qu'en cognoissant les folies & calomnieuses mensonges de son liure, tu descouures incontinent comme il a du tout perverti & tiré au poil les passages de l'escriture, qu'il a voulu alleguer pour approuer sa damnable & superstitieuse tradition, de laquelle il auoit entrepris en espouuantant les oreilles & iugement du timide vulgaire (ainsi qu'ont acoustumé de faire tels imposteurs & hautains Astrologues) se rendre admirable à tout le moins iusques au tems preordonné par luy pour estre la consumation du monde, auquel on pourra cognoistre aisement l'outrecuidee audace, & effrontee assurance de sa sole mensonge & temeraire presumption. Et qu'il soit vrai qu'il ait du tout pris au rebours le passage que tu m'as allegué de son œuure, pour approuer ces bourdes Astrologuales prenant pour luy ce qui en est dit au 4. du Deuteronomie,

comme Dieu a créé les étoiles pour la commodité de toutes gens qui sont sous le ciel, regarde ce qui est devant ces mots, & alors tu jugeras toi même qui n'en a pris que l'écorce, par laquelle il a voulu malicieusement couvrir le vrai bois de vie auquel est enclose la vie véritable & substance du verbe divin. Car il est facile à voir que Moïse n'entendoit aucunement parler en ce lieu là de leur vaine & fautive Astrologie, par laquelle ils nous veulent rendre sujets aux cors célestes, veu que tant s'en faut qu'il die que nous y soions sujets, qu'au contraire il nous assure expressément comme il n'y a rien de tout ce qui est sur la terre, dedans les eaux, en l'air, & mêmes jusques au Soleil, à la Lune, & autres astres & cors célestes, qu'il ne soit créé & formé pour servir à l'homme, tant s'en faut que l'homme y soit donc sujet. Or regarde ie te prie si cela fait aucunement, pour faire valoir le mestier de ce vaillant Philosophaste préallégué, & de ces autres compagnons qui veulent contrefaire des renfronnés mélancoliques & enfonceurs d'Horizons régionaux : outre cela vois ce qu'en dit Salomon au 13. de sa sagesse, là où il blasme apertement comme fous & incensés, tous ceux qui attribuent au Soleil, à la Lune, & autres cors célestes un gouvernement dessus ce monde ici, comme s'il y avoit plus grande force aux œuvres qu'au souverain maître & manouvrier d'icelles, à l'arbitre duquel toutes choses se gouvernent & non point comme veulent un tas de fots refuseurs, par le cours & influence des cors supérieurs.

**LE COSMOPHILE.** Si avois ie bien une autre opinion de ce gentil veau Pierre Turel avecques son Periode



du monde, qui ne ſçauroit eſtre à ce que ie voi qu'un abus ainſi que tu l'as amplement approuvé. Mais ie voudroi bien ſçavoir ſi cela qu'ils predifent par leur Aſtologie eſt du tout faus ou non, & ſ'il n'y a pas des iours plus heureux & malheureus les vns que les autres, ſelon que les cors celeſtes ſont en aſpect ou autre diſpoſition fortunee ou infortunee.

**LE DEMOCRITIC.** Voire dea ! il regne des heures ſi malheureuſes que ſi on iettoit alors vn coin de beurre frais de volee en la gueule d'un chien il en étrangleroit tout viſ. Mais comment ſont-ils encores ſi abuſés, que de nous penſer faire à croire qu'il y a des iours & heures plus ſuiettes à malheur les vnes que les autres, ce feroit encores retourner à l'antique payanniſme & à la ſole ſuperſtition des Romains, qui auoyent certains iours qu'ils appelloyent les iours noirs, & nefastes, auſquels il n'eſtoit aucunement loifible de nommer Iupiter, ni Ianus, ni de trafiquer en aucune forte les vns avecques les autres, eſtimant que tout ce que l'on faiſoit en ces iours là venoit à vne mauuaiſe fin.

**LE COSMOPHILE.** Que feroit-ce donq' de toutes ces prognostications & almanacs qui ſe font aujourd'huy & de leurs auteurs ? leſquels, apres auoir baſti les douze maiſons celeſtes ſelon l'oroſcope, & aſcendant de la natiuité de quelcun, predifent les vices ou vertus qui regneront en luy, avecques les bonnes & malheureuſes fortunes qui luy doiuent arriver durant le tems de ſa vie.

**LE DEMOCRITIC.** Que ce feroit ? abus & menteries.

**LE COSMOPHILE.** Voila grand cas ! Que dirois-

tu donq' si l'on en auoit predict de moimefme en cette forte qui se font trouuees vraies ?

LE DEMOCRITIC. Je dirois de-rechef que ce ne feroit qu'un abus.

LE COSMOPHILE. Comment se peut donq' faire cela qu'ils predifent des chofes qu'on voit arriuer puis apres ?

LE DEMOCRITIC. Par hazard.

LE COSMOPHILE. Pourquoi dis-tu pluftoft que ce foit par hazard que par art ?

LE DEMOCRITIC. Pour autant que le plus fouuent ils ne font que mentir, & n'y a pas de mille vn de leurs propos qui se trouue vrai.

LE COSMOPHILE. Il en va donq' tout ainfi que de nos Necromanciens ?

LE DEMOCRITIC. Tout ni plus ni moins : auffi la Magie a esté couuee & engendree par cette vieille & fauce marafre Aftrologie. Mais pour continuer mon propos, premierement ie te prendrai par leurs prognostications dont tu m'as parlé, & puis ie te dirai que c'est que de leurs douze maifons. Regarde donq' si ce n'est pas vne vraie piperie que de vouloir predire ainfi la mort des grans Seigneurs en leurs prognostications, comme de vrai s'il y auoit des étoiles & planettes au ciel, pluftoft pour la race & lignee de ceus qui font douez de richesses mondaines que pour les pauvres, & outre quand ainfi feroit (ce qui est neantmoins impossible) penfes-tu si on auoit certaine cognoiffance des predeceffeurs anciens & de la genealogie de beaucoup de gens, auiourd'huy fort riches & grans Seigneurs, qu'on

ne les trouuaft poffible descendus de quelque pauvre belifre, qui n'auroit fait toute fa vie autre chofe, qu'é-taller vne iambe toute mangée & mi-pourrie de chancre à l'entree de quelque temple, ou aus lieux où le peuple conuient & frequente le plus, témoin l'elegant & infigne orateur beliftral l'vnique Ragot, iadis tant renommé entre les gueus à Paris comme le Parangon, Roi, & fouuerain maiftre d'iceus, lequel a tant fait en plaidant pour le biffac d'autruy, qu'il en a laiffé de fes enfans prouueus avec des plus notables & fameufes perfonnes que l'on fçauroit trouuer. Et qui doute que fi tels enfans font gens de bien (toutefois de bon efprit & fecrettement mefchans) que leur richeffe ne s'augmente, & qu'estans poussez à mont par le vent de quelque bonne fortune ils ne puiffent acquerir grans biens & reputation? Et voila la perfonne de Ragot monsieur, premier gentil-homme de fa race, qui aura des beaux neueus, fi Dieu plaift.

**LE COSMOPHILE.** Si est-ce que cela aduient peu fouuent que la perfonne pauvre tant de bon efprit foit elle puiffe deuenir riche, ce qui est tres bien figuré dans vn Embleme d'Alciat, par vn homme qui y est depeint ayant des æfles au dos, & vne pierre fort poifante attachee au pied qui le retarde & empeche de pouuoir voler, entendant par les æfles le bon efprit, & par la pierre la paureté.

**LE DEMOCRITIC.** Sans point de doute cela aduient le plus communément, ainfi que tu l'as dit, fi est-ce qu'il ne laiffe pas aucune fois d'arriuer au contraire, & principalement quand ces pauvres gens font

quelques seruices agreables aus grans Seigneurs, ainfi que le ſçait tresbien reciter Lucian en vn de ſes dialogues inſcrit Timon, & pour autant que ie t'ai cogneu fort curieux des hiftoires antiques, ie t'en vueil raconter quelques vns qui de tresbas eſtat ſont deuenus fort riches, iufques à eſtre meſmement Rois & gouverneurs d'un peuple. Ne voit-on pas comme Darien fils d'Hyſtaſpe fut eſleu Roy des Perſes par la ruſe & fineſſe d'un maquignon? Archelaus Roy des Macedoniens, n'eſtoit-il pas fils de l'eſclau Simiche? Themiftole vn ſecond Neptune en mer, n'eſtoit-il pas fils de Phocion Chryſien, faifeur de cueilliers? Epaminonde la gloire des Thebains, eſtoit-il pas de ſi pauvre lieu qu'à peine ſes parens eſtoyent-ils cogneus? Tulle Hoſtilien qui gouerna & augmenta de moitié l'Empire des Romains, n'auoit-il pas employé toute ſa ieuneſſe à garder le beſtail eſtant vn ſimple paſtre? Tarquine l'Ancien natif de Corinthe & poſſible fils de quelque braue ſignore courtiſanne dudit lieu, ſon pere n'eſtant qu'un ſimple marchand banni, ne fut il pas par ie ne ſçai quel hazard pouſſé dedans Rome & créé Empereur d'icelle? Demofthene le premier & plus renommé orateur de la Grece, n'eſtoit-il pas fils d'une reuendereſſe de chous? Et Euripide qui tient encores aujourd'hui toute la Grece beante apres ſes braues & furieufes tragedies, n'eſtoit-il pas pareillement fils d'un ſimple couſtelier? Et combien que ces deux derniers ne ſoient pas paruenus à ſi grandes richelſſes que les autres, ſi ont ils acquis vn honneur & vne gloire qui les fera viure immortellement par la bouche des hommes, plus que s'ils auoient eſté monarques de tout

le monde. Je t'en pourrai reciter assez d'autres, mais j'auroi peur qu'en ce faisant ie ne m'oubliaffe pas tant feulement en mon propos encommencé, mais que la journée s'y consumaft toute entiere.

**LE COSMOPHILE.** Tu m'as fait vn fingulier plaisir de me rafraichir la memoire de ces anciennes hiftoires, & n'estoit vn autre desir que j'ai d'entendre la continuation de nostre deuis, ie feroi content d'y passer le reste du iour.

**LE DEMOCRITIC.** Encores n'est ce pas tout, car si les pauures deuiennent grans, pense-tu qu'il n'y ait pas eu au contraire le tems passé de grandiffimes maisons dont le nom est maintenant du tout aboli, & qui ont des successeurs possible demandans leur pain de porte en porte? N'estime tu pas si on pouuoit cognoistre au vray les aieus, bifaieus, grans bifaieus, ou plus anciens ancestres de droite ligne de tous les plus fors caimans de l'hostel Dieu de Paris, qu'on n'en trouuast pas quelqu'un estre descendu de la race du plusgrand Monarque du monde, ou possible de quelques autres qui ne luy auroyent gueres cedé en biens ni en puissance? Et puis allez croire à ces graues prognostiqueurs qui nous veullent donner du vent en payement, disant, qu'en l'Asie ou Europe il mourra vn grand Seigneur comme si les estoilles se renouelloient ou changeoyent selon que les races se changent à l'arbitre de fortune. Ils adioustent dauantage en leurs bayes & mensonges, que l'Europe aura bien à souffrir pour les grans troubles, guerres & dissentions qui s'y feront cette annee, quelquesfois mesmement particularisant iusques à la France,

lors qu'ils y voyent desja quelque commencement de guerre esmeu, & encores pour donner le bon, ils diront que Dieu est par dessus, à celle fin que s'il n'aduient ainsi comme ils ont songé, on remette cela à la preordonnance diuine, de peur d'estre trouués menteurs comme ils font. Et pensent bien alors auoir gagné leur cause quand ils disent ces quatre ou cinq mots en passant, & sans faire seulement semblant d'y toucher : *Astra inclinant sed non necessitant*. Les astres inclinent mais elles n'emportent pas necessité, & voila la menterie de ces piqueurs couuerte (ce leur semble) d'un petit quolibet. Je ne veus pas dire quant à la disposition du tems, que par la cognoissance parfaite d'une telle science l'on n'en puisse dire quelque chose, mais que cela ait aucune puissance sus l'arbitre des hommes, ou dessus la puissance fatale de fortune, c'est vne vraye moquerie, ce qu'ils tachent neantmoins à faire par l'artifice de leurs douze maisons, confumation de leurs bourdes.

**LE COSMOPHILE.** Voire mais les luminaires & Planettes se trouuent au ciel de la forte mesme qu'ils les figurent en leurs douze maisons.

**LE DEMOCRITIC.** Je te confesse bien cela, & mesmement comme ie t'ai dit auparauant que l'on peut bien dire quelque chose de la disposition des cors celestes, mais s'enfuit-il que pour cette occasion ils puissent assurer les fortunes de la vie humaine, ainsi qu'ils disent la logeant en la premiere de leurs douze maisons qu'ils appellent l'angle d'Orient, l'ascendant ou horoscope, au moins s'ils eussent aussi bien mis la mort en la derniere pour-autant que c'est la fin de la vie, comme ils en ont

fait le commencement en la premiere, fans l'aller fourrer en l'huitiesme, & au lieu de cela y mettre les ennus & fascheries. Je te raconterai bien par le menu tout l'autre braue mefnage & fingulieres proprietéz, dont ils ont voulu donner lustre & commoditez à chacune de leurs-dites douze maifons, mais ce ne feroit que perdre tems, & comme l'on dit en commun prouerbe, debatre de la laine d'une cheure, & qu'il foit vrai que telles choses ne foyent que folies & bourdes incertaines, regarde feule-ment à la difpute controuerfe qu'ils font des estoilles fixes & planettes. Ne s'en est-il pas trouué beaucoup qui ont du tout remis les fortunes de l'homme aux estoilles fixes, laquelle opinion a esté mefmement tenue de Ptolomee? Et au contraire n'y en a-t-il pas d'autres qui tafchent de prouuer que cela doit estre attribué aux planettes, alleguans pour eus le tefmoignage des anciens auteurs Grecs, qui appelloyent les planettes *κοσμοκράτορας*, comme s'ils entendoient les dire par cela princes du monde, ainfi que l'a estimé Procle contre l'opinion des estoillistes. Et à celle fin que tu cognoiffes plus euidemment leur erreur, voiant l'experience repugnante à leurs enseignemens, confidere fi en vne mefme heure & instant, il ne peut pas bien naistre vn Empereur & vn belifre, vn homme vaillant, & vn couard, vn docteur & vn ignare, vn fage & vn fol, vn coqu & vn moine: Et puis vous allez fier à leurs douze maifons tant ruineufes & ainfi mal estimees que fi elles estoient basties sus l'incertain du fable.

LE COSMOPHILE. Auffi ne vouloi ie pas soustenir du tout que leurs diuinations fuflent veritables pour le

doute que i'en auois, & pour ceste cause ie t'en demandoi feulement ton aduis, auquel ie croi maintenant dauantage que ie ne fis onques à leurs foles maquignonneries. Mais il me semble qu'il y a defia longtems que nous auons laiffé nostre magicien, & que nous ne parlons plus de luy, & pour ce ie voudroi bien ſçauoir s'il te fouient point de quelque autre propos qu'il t'ait tenu.

**LE DEMOCRITIC.** Il ne faut point que tu eſtimes que nous l'aions laiffé pour-ce pluſtoſt, car tu dois penſer qu'il eſtoit vrai heretique en toutes les opinions que nous auons refutées ici auparauant, deuiſant deſquelles nous parlions (ce me ſemble) aſſez de luy & de tous ſes ſemblables.

**LE COSMOPHILE.** Volontiers ceus qui ſe ruent ainſi ſus la magie, ſe iettent pareillement au bal de la pierre Philoſophale, autrement appellee le leuain des Philoſophes, & pour ce ie voudroi bien ſçauoir ſi ton homme eſtoit point de la dance.

**LE DEMOCRITIC.** Encores plus auant qu'en aucune de ces deus belles ſciences dont ie t'ai deſia parlé.

**LE COSMOPHILE.** Et quoy ! faiſoit il de l'argent ?

**LE DEMOCRITIC.** Comment de l'argent, ie me donne à Demorgogon ſi Geber y fiſt iamais œuure au regard de ſa ſeigneurie : par Iuppiter l'olimpien le haut tonnant & amoureux à l'orpheïſte, peu ſ'en falloit en parlant à luy que ie n'euffe peur d'eſtre conuertit moimeſme tout en or, tant ie craignoi qu'il eut telle puissance qu'auoit ce grand Midas à oreilles d'aſne, qui faiſoit incontinent tranſmuier en or tout ce qu'il touchoit.



**LE COSMOPHILE.** Tu n'auras pas beaucoup de peine à me persuader que cette belle science qu'ils appellent alchimie ou chymistique n'est qu'un abus, car j'en ai l'expérience sur moi-même, & suis assez marié que je n'en ai été fait sage aux dépens & perte d'autrui comme j'ay été à la mienne : mais encore comment s'en accoutroit ton souffleur ?

**LE DEMOCRITIC.** Si tu n'avois appris les termes de l'art (comme je croi que tu as fait puis que tu as passé par les piques) je te les déclareroi par le menu à fin de te donner plus aisément l'intelligence de ses propos, car tu sçais bien que pour déguiser les matieres ils vsent d'autres mots qu'on ne fait vulgairement.

**LE COSMOPHILE.** Je te pri ne laisse pour cela de m'en rafraichir la memoire, car je prendrai un merueilleux plaisir d'ouïr encore une fois raconter leurs belles deuises.

**LE DEMOCRITIC.** Il faut donc que tu te recordes qu'ils appellent les metaus par les noms des planettes, les figurant mesmement par leurs caracteres, comme l'or, ils le surnomment Soleil le marquant ainsi ☉ : l'argent, la Lune ☾ : le cuiure, Venus ♀ : l'estain, Iuppiter le chifrant parellement d'une ♃ : le plom, Saturne ♄ le fer, Mars ♂ : Et puis l'esprit de leur vif argent, Mercure ☿.

**LE COSMOPHILE.** Il est ainsi, mais en quelle sorte en vsoit ton Philosophe, auoit-il point inuenté d'autres nouveaus termes pour cacher ses secrets ?

**LE DEMOCRITIC.** Si auoit si, car il me monstra

vn petit liuret qu'il tenoit (ainfi qu'il m'affura) plus cher que fa propre vie tout rempli de nouvelles manieres de parler, & tout autrement caracterizé que les autres, à celle fin de n'efre entendu que de luy. D'vn autre costé ce Monsieur le foldat qui luy aidoit à foufler & entretenir le feu durant ces cimens & abstractions quint-essentials, ne m'en monstroit pas moins, l'vn à grand peine aiant dit deus mots de son propos que l'autre ne luy vint rompre pour en dire vn tout nouveau. Et ce pendant ils iuroyent tous deus d'affés bonne grace comme ils auoyent congelé & fixé le Mercure, & rendu en la plus belle Lune qu'il estoit possible, mais qu'il se trouuoit encores vn peu aigrét desoubs le marteau : Qu'il ne s'en failloit plus que le moins du monde, qu'ils n'eussent trouué vne teinture au rouge, ou autrement pour le Soleil : Comme ils auoient trouué vne inuention fort aifee avecques les herbes (quoi qu'en dit Geber au contraire) par laquelle ils rendoient le Venus en Lune, voire à tenir iusques à l'essai de la coupelle ou cendree, & que c'estoit à faire aus petis enfans & apprentis de la blanchir seulement, & la rendre bonne à l'espreeue de la pierre de touche, ce que Cardan en son liure sixiesme traittant des metaus, pensant bien auoir déclaré quelque grand & caché secret, enseigne en deus ou trois manieres : puis ils adioutoyent d'auantage qu'il ne falloit point qu'Arnauld de Ville-neufue taxast ainfi le Moine qui a composé le liure de la fleur des fleurs, l'appellant imposteur & méchant, pour autant qu'il a voulu (à ce qu'il dit) en abuser d'autres par ces œuures, comme il s'en est trouué lui-mesme, par d'autres, & se faire par ce moyen

des compagnons en misere moquez & deceus, ainsi qu'il a esté par l'espace de douze annees aussi sçauant & moins en cet art la dernière année comme la première : Mais que sans point de doute quoi qu'en die iceluy Arnould de Ville-neusue, le Moine n'a pas laissé d'estre de grand sçauoir & fort bien expérimenté à la nature des metaus, ce qu'ils auoyent cogneu par effet avecques l'experience de la plus grande partie de ses receptes : Et mesmes pour confirmer d'auantage leur dire ils me monstroyent de petits lingots, & m'interrogeant ainsi l'un apres l'autre ils me demandoient : Voyez vous ce lingot, que iugeriez vous que ce fut? & apres leur auoir respondu que ie le pensois estre de fin argent : vous dites vray, me respondirent alors tous deus d'une voix, mais à vostre aduis de quoy est-il fait? vous ne penferiez iamais que ce fust de mercure : A grand' peine (leur respondi-ie alors). Et par le vray cors de Dieu c'en est ou ie me donne au Diable (iura le soldat) car ie l'ai fait moi mesme. Et derechef me disoyent : Cettuy-ci est de Venus ainsi transmué en argent, & cet autre que voyez encores plus beau est du Saturne calciné & purifié de ses excremens, & rendu ainsi en naïfue couleur de Lune : vous ne regardez point ce mitoyen (ainsi appellent ilz une mixtion d'or & d'argent fondus ensemble en pois egal, en latin *Medium*), Or ça il y a la moitié d'argent, & toutefois ce n'est maintenant que pur or à vingt-quatre. Et apres auoir bien entendu leur beau discours, ie ne me sçeu tenir de leur dire, que ie m'ebahissois entendu leur riche sçauoir comment ils n'estoyent plus braues, & qu'ils n'alloient donq' mieus montez que

fus leurs iambes. Ils me respondirent quant à ce, qu'ils ne vouloyent point aller en autre équipage pour oster tout le soupçon que l'on pourroit auoir sur eux. Vous auriez volontiers peur di ie que le Roy ne vous contrainst à foudoier son armee, ou bien à luy fournir ie ne sçai combien de millions s'il cognoissoit vostre tant merueilleus sçauoir.

LE COSMOPHILE. Ne cogneurent ils point alors que tu te moquois d'eus?

LE DEMOCRITIC. Je croi que non, & qu'ils estoient si punais qu'ils n'en sentirent rien, car la grande esperance & enuie qu'ils auoient de me tromper, les rendoient ainsi aueuglez & endormis en leur propre fait.

LE COSMOPHILE. Je t'assure que ie croi fort aisement ce que tu m'en as dit, car il m'en aduint vne fois le pareil mais ie ne fu pas si sage que toi, entendu que ie me laissé abuser par vn qui se disoit Philosophe (ainsi nomment ils ceus, comme par vne emphase & excellence, qui font profession de la souflerie) lequel apres m'auoir assuré de la parfaite experience qu'il auoit de l'alquimie, pour m'apaster d'auantage me donna vn lingot d'argent qu'il disoit auoir fait de cuiure, lequel ie monstray à vn orpheure & luy vendi comme bon argent qu'il estoit, ainsi que ie cogneu. Mesme depuis & peu de tems apres ie rencontray mon Philosophe quasi à l'impourueu, qui me demanda, que i'auoy fait de mon lingot, & luy en aiant fait le recit tel qu'il estoit, me voyant fort curieux d'en cognoistre la façon, il conuint avecques moy de certain pris pour me l'apprendre, & aussi tost qu'il eut receu, seignant de s'aller prouoir de

drogues necessaires, il fit banquerotte à ses fourneaus & suis encores à l'attendre de present pour me reueler ce diuin secret.

**LE DEMOCRITIC.** Tu n'en as oui depuis aucunes nouvelles ?

**LE COSMOPHILE.** Nenni sinon que le recit de semblables tours qu'il auoit ioué en plusieurs autres endroits.

**LE DEMOCRITIC.** Si n'estoit il point si lourdaut que ceus qui se sont laissés tromper à luy.

**LE COSMOPHILE.** Encore que i'en aie esté l'un, si ne laisserai-je pas de te le confesser, toutes-fois ie me garderai bien desormais de tumber en tels inconueniens. Mais au-moins il est bien aisé à voir que tout cet art qui n'est mie, di-je cet alquimie n'est qu'une bourde, veu que ceus qui s'en meslent en deuiennent ordinairement pauvres, & font bien neantmoins effrontés iusques à la, qu'ils promettent d'enrichir les autres, & pour quelque petit loier qu'ils en demandent, leur enseigner la vraie maniere de faire l'or & l'argent, comme s'il estoit vraisemblable que celuy qui auroit la cognoissance d'une telle science se souciaist de la monstrier à autruy pour de l'argent, veu que ce seroit luy mesme qui le feroit. Et ne me scaurois assés émerueiller d'une infinité de personnes qui s'abusent encores à telles refueries, pensant faire incontinent par leur multiplication d'une mouche un elephant.

**LE DEMOCRITIC.** Aussi sont ils grans multipliateurs, car ils font bien de cent fols, quatre livres, ou bien pour mieus dire selon du Bellay ils multiplient tout

en rien, ainsi que tesmoigne mesmement nostre premier auteur lirique françois, Pierre de Ronfard difant en ces vers,

*L'vn allumant ses vains fourneaus se fonde  
Deffus la pierre incertaine, & combien  
Que l'inuoqué Mercure ne réponde  
Soufle en deus iours le meilleur de son bien.*

LE COSMOPHILE. Voila comment la consommation de l'œuure à l'imitation de leur Mercure s'eua-pore tout en fumee.

LE DEMOCRITIC. Si est-ce qu'il n'estoit pas ainsi aduis au Philosophe, & principalement au soldat son compagnon qui en faisoit vn fort grand estat, ainsi que ie cogneu bien à son nés tout barbouillé du parfum de ses drogues.

LE COSMOPHILE. Si me semble-il que ce n'est point l'estat des gens de guerre de souffler le charbon, entendu qu'ils font le plus souuent assez mal fournis de ducats à la croifette pour faire la multiplication.

LE DEMOCRITIC. Ils ne laissent pour cela de s'en mesler, car ils trouuent tousiours quelque bon niais qui leur aide à foncer à l'appointement.

LE COSMOPHILE. Cet homme de guerre que disoit-il de son estat, se trouuoit-il mieus de souffler le charbon que de faire vne centinelle ?

LE DEMOCRITIC. Comment mieus ! c'est bien au contraire, car tous les biens de ce monde, non pas sa propre vie ne luy estoit rien, au regard du point d'honneur qu'il disoit acquerir en la guerre, & ne pensoit iamais estre digne d'auoir place au rang des bien-heu-

reus s'il ne tomboit vaillamment à vne brèche, & que mille cheuaus & autant de pietons ne luy passassent par dessus le ventre.

**LE COSMOPHILE.** Estoit-il bien si sot que d'vser de tels propos?

**LE DEMOCRITIC.** Ce n'est là que la moindre de ses sottises.

**LE COSMOPHILE.** Et comment n'auoit-il point peur de s'égarer en allant au rang de ces bien-heureus, puis qu'il les faut appeller ainsi?

**LE DEMOCRITIC.** Nenni non, & si dauantage il estoit bien assuré d'acquérir par ce moien le titre d'immortalité, car ceus qui meurent en la guerre sont tousiours réputés viuans d'une eternelle memoire.

**LE COSMOPHILE.** Voire mais nonobstant toute cette reputation ils ne laissent pas d'estre bien mors?

**LE DEMOCRITIC.** Je ne t'en scauroi dire autre chose sinon que tu vois assés en cela la folie du personnage, duquel & de tous ses semblables ie ne me scauroi trop esbahir, veu qu'il leur est aduis qu'apres estre morts ainsi, ils en feront bien de plus belles gambades en l'air, & en monteront quatre étages aux cieus plus haut que les autres, ainsi que pensoient ces anciens fous & menteurs de la Grece & de Rome, qui se forgeoient des heroes & demi-dieus à poste pour auoir esté possible bien batus ou tués de leurs ennemis. Je ne di pas que ceus qui entreprennent vne telle charge pour vn bon regard de seruir à leur prince, qu'ils ne facent beaucoup pour le bien de la chose publique & que ce ne soit vn acte fort vertueux, mais d'aller vendre ainsi sa liberté &

fa vie au plus offrant, d'vser de toutes ces brauades fotes & outrecuidées, prendre vne querelle sus la difference de la couleur d'un bonnet, ou pour vne autre legiereté autant friuole, cuidés vous que cela est braue? & que telles gens sont bien plus à craindre, & plus vail-lans sous l'ombre d'un ie renie Dieu proferé de bonne grace, ou quand ils portent le bonnet haut esleué par dessus le front, descourant vne frizade de cheueus brauement rehauffés, ou bien pour contrefaire le vieil soldat & qui entend desia que c'est que du maniemment des guerres, en vser tout au contraire de ceux-ci, & mespriser telles manieres de faire comme choses qui n'appartiennent qu' aux ieunes gens. Et à celle fin d'estre estimé du tout sage & resolu, vous verrez vn tel personnage affecté à la reputation ordinairement se promener tout à l'entour des fossés d'une ville, tantost aduançant fort vne iambe, puis tout soudain la tenant ferme, & iettant ses yeux à demie veüe dessus, comme s'il vouloit dresser vne ligne visuaile & geometrale en ianin dada, ie vouloi dire en lalidada de l'astrolabe, & ainsi philo-fophant tout seul & ne respondant que de la teste & des espauls si on parle à luy, il tiendra le bonnet enfoncé iusques sus les yeus, mesurant grauement ses pas & tenant ses bras croisés, & passera en cette sorte vne bonne partie de la iournee à remascher en soimesme ses faciendes, tellement qu'on iugeroit de luy qu'il songe quelque subtil moien pour donner vne camizade au chasteau de Milan, ou bien pour mettre les Anglois en France. A vostre aduis cela est-il pas fort spirituel & de haut goust? principalement quand telles gens meurent



au liſt d'honneur, ou qu'ils en emportent quelque enſeigne en leur païs, i'enten enſeigne de coups d'eſpée ſus le viſage, ou de quelque membre eſtropié, mais que ce ne ſoit point de cettuy-là qui fert au contentement des dones, ce qui eſt néanmoins aſſez commun à ces pauvres haïres qui ſe font voulu écaroucher & danſer le premier bal ſous les freſcades de Piedmont.

**LE COSMOPHILE.** Tu viens de me faire ſouvenir d'une fois qu'eſtant pareillement ſoldat ie faiſoi la garde en vn petit baſtion avecques ſept ou huit compagnons, & apres que nous euſmes là vn peu ioüé à la chandelle (non point toutefois ſans ſoufler ſouuent au bout de nos doigts & les aprocher de ces petites motes avec leſquelles on a acouſtumé d'y garder le feu, à l'occafion de la grande froidure qui faiſoit) & le ſommeil nous eſtant coulé dedans les yeux apres que chacun ſe fut mis à repoſer, faiſant toutefois l'vn apres l'autre centinelle ſus la muraille: ie me donne au diable ſi le lendemain au matin à noſtre réueil nous ne nous trouuaſmes tous les plus étonnés du monde, car la moindre paye que chacun eut receu pour auoir bien fait le ſeruice de nuit, c'eſtoit vn catharre, les vns ſus le col, les autres ſus les bras & quelques vns aus iambes, tant qu'il s'en trouuoit d'aucuns appointés iuſques à deux, & Dieu ſçait quel ieu il y auoit apres & comme lon parloit à Dieu & de bonne grace. Les vns en font demeurés torticolis, les autres eſtropias de leur membres pour toute leur vie, & n'eut eſté vn bon gros gaban dont i'eſtoi veſtu & des ſoubres chauffes que i'auois aus iambes plus que les autres, ie ne ſçai ſi le ſac rempli de paille qui eſtoit deſſous moi,

voire eut il encores eu vne autre longueur de môn cors m'en eut peu fauuer à meilleur marché que les autres, par Dieu ie croi que non : Encores ne m'en peu ie iamais si bien garentir que le col ne m'en demeurast roide de là à plus d'huit iours, & lors que ie m'en vi deliure, Ostés vous de là, Cancre, Le diable m'emport' si i'y retourne.

**LE DEMOCRITIC.** Quel vaillant gen-darme. A ce conte il en faudroit beaucoup de tels comme toi pour prendre Thionuille d'affaut, ou pour defconfire les Geniffaires du grand Turc : Mais voudrois-tu point ressembler à ce gros Bartoliste, qui se persuada estre vaillamment passé cheualier pour vne accolade, qui luy fut donnée sans que iamais il eut porté harnois, si ce n'auoit esté possible en son étude pour faire peur aus rats, & chauffouris, encores se armoit-il alors de vieilles pieces de halecrets & brigandines mises dessus deffous, & attachées deuant derriere avecques les égueillettes renouées de ses chausses. L'honneur des armes ne s'acquiert pas si aisément : il n'y a remede, il faut endurer pour estre beau.

**LE COSMOPHILE.** Mais par ta foi voudrois-tu bien toimefme en porter le trauail ?

**LE DEMOCRITIC.** Quant est de moi, ie me trouue bien ainsi : Neantmoins s'il aduenoit d'auanture qu'il m'y faillut trouuer, i'aduiferois à cette heure là quelle iambe il faudroit mettre deuant.

**LE COSMOPHILE.** Comment pour t'en fuir ?

**LE DEMOCRITIC.** Nenni non, mais pour m'affurer d'auantage le cors.

**LE MONDAIN.** Je croi que tu ne t'en mettras pas encores de cette annee en la peine.

**LE DEMOCRITIC.** Il se peut faire que si, & se peut faire aussi que non.

**LE COSMOPHILE.** Nous sommes donq' fus les si? Or bien, bien. Si nous y trouuons, si plaist à Dieu nous nous y porterons vaillans: ce pendant ie croi que ce fera le meilleur de nous donner du bon tems tandis que nous en auons le moien.

**LE DEMOCRITIC.** C'est bien là le plus gentil estat qu'il est possible, & auquel ie feroi non seulement content d'y faire vn cartier, mais aussi toute l'année de mes compagnons.

**LE COSMOPHILE.** Je suis fort aise de-quoi i'accorde mieus avecques toi que ne faisoient ces deus genereus & honnestes personages, desquels tu m'as fait vn si plaissant discours, dont il ne me reste plus maintenant qu'un petit point à sçauoir, qui est de cognoistre quelle fut l'issue & congé de ces messieurs.

**LE DEMOCRITIC.** La fin en fut telle, qu'apres m'auoir pensé longuement apaster de leurs allechemens & piperies déguisees, ils prindrent congé de moi sans que ie les priaisse trop instamment d'arrester, aussi me dirent ils qu'ils alloient visiter ici pres vn certain gentil-homme fort curieus de la souflerie, toute-fois avecques promesses tresassurees de me reuenir voir à plus grand loisir & dedans peu de tems, m'offrans toute puissance de leur commander, & que ie me deuoï tenir assuré qu'il n'y auoit homme au monde pour qui ils eussent voulu faire d'auantage que pour moi, & alors pour ne

me montrer point incivil ie les remercié de leur bon vouloir, les arroufant de mon costé d'eau beniste de cour d'aussi bonne grace & autant honnestement pour le moins comme ils m'en auoient aspergé du leur.

LE COSMOPHILE. Voila fort bonne departie & telle qu'on doit pratiquer mesmement enuers les plus fots pour leur faire acroire qu'ils sont sages : donq' puis que nous auons mis fin à ce propos, ie te voudroi bien demander vne chose laquelle il y a fort long tems que ie desire sçauoir de toi : C'est que tu me semble contrarier à ce que tu m'auois assuré de vouloir estre imitateur de Democrite, veu que tu ne fais rien moins que l'enfuiure en beaucoup de tes propos, car ainsi que i'ay peu cognoistre par ceus qui ont escrit de sa vie, c'estoit vn bon compagnon qui ne se foucioit de rien, ne faisant autre chose fors que se moquer, & rire entierement de tous les estats & façons des hommes, & au contraire on iugeroit de toi à vne bonne partie des propos que tu m'as tenus & principalement lors que tu me remonstros la grande crainte dont les hommes vsoient les vns enuers les autres que tu ferois plustost imitateur de quelque autre Zenon ou Heraclite que de ce gai Philosophe d'Abdere, combien que tu ne laisses pas aucunesfois de mesler des faceties en tes paroles, qui sont assés propres & conuenables à vn Democritic, mais ce n'est pas toujours : Et pour-autant ie desireroi fort sçauoir de toi la raison qui t'incite de faire ainsi du Prothée changeant tes parolles en tant de diuerses manieres, & pourquoy tu n'ensuis totalement ton bon maistre en moquerie ?

LE DEMOCRITIC. Ie l'ai fait en ton endroit pour

beaucoup de raisons que tu pourras decouvrir plus aisément mais que cette nûe que tu as devant toi t'ait defilé les yeus & rendu plus agus que tu n'as pour le present, toutefois ie t'en dirai vne des principales qui m'a esmeu d'en vser ainsi, ce que i'ai fait, pour m'accommoder à toi, suyuant ce qui en est enseigné par ce grand vaisseau d'election Sainct Paul qui tesmoigne de lui mesme en vne de ses Epistres, *Cum Iudeo Iudeus sum*: Auec le Iuif ie suis Iuif: par lesquels mots il veut dire qu'en se trouuant avecques gens de diuerse secte, & autre opinion que la sienne, il faut s'accommoder à eux en de petites choses pour les gagner & attirer à la cognoissance des plus grandes, de peur qu'en se montrant de premiere abordée trop contraire à leurs fantaisies, ils ne reiettent du tout ce qu'en s'accommodant vn peu à eus ils eussent bien pris, & en y prestant plus facilement l'oreille, avecques peu de peine entendu. Et ainsi cognoissant bien, si ie n'eusse vn peu contrefait du mondain avecques toy, vsant des raisons estimées sages & grandes entre les hommes, & que i'eusse au contraire tousiours voulu rire & faire du Democritic, que tu n'eusses aucunement adiousté foi à mes paroles, & ainsi tu serois encores demeuré en ta premiere ignorance. Et outreplus quant à ce que tu m'as imposé, de n'ensuiure pas le maistre duquel ie me dis imitateur qui est Democrite, ie te dis encores cela, que Democrite combien qu'il fut vn grand riard & moqueur de la folie des hommes, tellement que Iuuenal a dit de lui en sa dieziesme Satire, qu'à force de rire il ne faisoit autre chose qu'agiter ses poumons, si est-ce que pour tout cela il ne laissoit pas

d'estre grand philosophe, & homme qui cognoissoit & donnoit fort bien les raisons de sa moquerie : Et quand il feroit autrement, si n'estimerai-je point vn homme tant parfait, que ie vueille iurer en luy comme en vn dieu, ni faire du singe en l'imitant en toutes ses actes, ainsi que faisoient au tems passé les disciples de Pithagore, ne donnans autre raison de leurs opinions voire fussent elles les plus sottés & les plus lourdes du monde, fors qu'en disant *αὐτὸς ἔφα*, c'est à dire il l'a dit.

**LE COSMOPHILE.** Et quoi ! feroit il bien possible que Democrite qui a bien cogneu les erreurs & folies des autres hommes, se soit tant oublié lui mesme qu'il ait fait des actes que tu ne voulusses pas imiter ?

**LE DEMOCRITIC.** En voudrois tu voir vn plus sot que cettui là qu'il fist, quand apres s'estre bien moqué des autres il se creua les yeux pour voir plus cler, & à celle fin de mieux & plus profondement contempler de ceux de l'esprit les hauts & merueilleux secrets (ô le grand sot) de nature : Et d'avantage se monstra il pas bien transporté de cerueau, veu qu'estant de si grande & riche famille que son pere peut bien sans se faire tort tenir vne fois maison ouuerte à tout l'exercite de Xerxe, il deuint pauvre à la fin par sa folie, car il donna tout pour estre riche & de peur que ses biens ne l'envelopassent entre tant de delices que cela le retirast de ses estudes & contemplations.

**LE COSMOPHILE.** Puis que Democrite s'est montré à la fin si desproueu d'esprit, n'en eusses tu sceu choisir vn autre moins à reprendre & qui eut eu la cognoissance aussi bonne des erreurs & folies des hommes que lui ?

**LE DEMOCRITIC.** Je voudroi bien si tu en sçavois quelque autre plus digne d'imiter, que tu me l'eusses enseigné.

**LE COSMOPHILE.** Regarde comment Diogene s'est librement gouverné.

**LE DEMOCRITIC.** Je veux viure plus à mon aise qu'en vn tonneau.

**LE COSMOPHILE.** Que diras tu d'Aristippe.

**LE DEMOCRITIC.** D'Aristippe! Si i'auois autant d'yeus que les Poëtes en ont attribué à Argus, i'aimeroi mieus me les creuer tous les vns apres les autres, que d'endurer la moindre des feruitudes auxquelles se soubmettoit cet yurongne Aristippe, faisant du chien autour de Denis roi de Sicile, & souffrant dix mille contumelies & outrages pour auoir vne repeue franche: Et si ie t'assure bien que i'aimerois encores mieus ne manger que des chous & licher deus grains de sel avecques Diogene, combien qu'il ne faut point que tu aies peur que ie fasse ne l'vn ne l'autre: Or aduise donq' lequel est le plus digne d'estre imité de tous ceus que tu m'as allegués ou de mon Democrite.

**LE COSMOPHILE.** Vraiment à ce que ie voi c'est Democrite, & pour cette cause ie te prie bien fort de me receuoir deormais avecques toi pour compagnon & second Democritic.

**LE DEMOCRITIC.** Pour cette heure ici ie ne te rebaptiserai point de nouveau, mais ie te promets bien de te receuoir des miens, & te donner pareil nom à moi quant ie te cognoistray parfait mocqueur, ce qui t'aduendra possible apres auoir mieux digéré que tu n'as encores

fait, les raisons que ie t'ai deduites, & apres que tu feras retourné du voiage que tu veus entreprendre.

LE COSMOPHILE. Voici grand cas, on baptise bien les petis enfans & leur impose lon des noms encores qu'ils n'aient aucune cognoissance, & moi qui ai entiere foi à ce que tu m'as dit & le desir si grand de te suiure, ie ne seray donq' point enroulé en ta compagnie.

LE DEMOCRITIC. Tu m'en diras tout ce qu'il te plaira, mais si ne marcheras-tu point encores foubz mon enseigne, iusques à ce que tu fois vn peu mieux experimenté aux ruses & alarmes de moquerie.

LE COSMOPHILE. Enseigne moy donq' au-moins la vraye maniere de me moquer, à celle fin que par grande exercice i'en deuienne durant mon voiage, d'apprentif maistre parfait.

LE DEMOCRITIC. Il ne tiendra pas à cela que tu ne sois bon moqueur, car si tu me veux croire & le pratiquer ainsi que ie te dirai, tu en monstreras dedans peu de tems aus autres. Pour cognoistre donc comment on doit pratiquer cette moquerie, faches que tout ainsi que pour sçauoir bien parler, il faut au parauant auoir appris à se taire, aussi pour entendre la parfaite maniere de bien moquer, il faut auoir sceu desia parler serieusement : Car cettui la (ainsi que témoignoit fort bien le vieil Caton) qui n'a iamais fait autre chose qu'à s'étudier à de petites risées, lors qu'il entreprend de parler de quelque chose que ce soit, au lieu de se monstrier bon moqueur il se rend luimesme moquable à tout le monde : Et pour-autant il faut donq' que celui qui desire estre veu facetieus, se soit premierement étudié aus choses



plus graues & ferieufes. Or quant à la definition de moquerie elle est telle, Moquerie c'est le mépris non aucunement feint ni diffimulé d'une chose fote & ridicule, fait avecques raison & bonne grace : Et ne pense pas non qu'un homme sot & de grosse paste puisse parvenir à la perfection de cette moquerie, car il est impossible qu'une personne telle qu'elle soit en fache bien vser si elle n'a l'esprit fort delié, & deschargé de ce gros fardeau d'ignorance & outrecuidée presumption.

LE COSMOPHILE. Puis que tu m'as donné la definition de moquerie, ie desireroi fort que tu m'eusses pareillement déduit les especes de ces fottes moqueries, à celle fin qu'en les cognoissant ie sçeusse tout par un mesme moyen quelles sont les bonnes, & que ie me donnasse de garde des autres : Entendu que i'en voi ordinairement qui veulent entreprendre de se moquer, le faisant toute fois avecques si mauuaise grace & pour si peu d'occasion qu'eus mesmes se monstrent plus reprehensibles que ceus dont ils se veulent gaudir, & pour autant ie te voudroi bien prier de m'instruire en cela.

LE DEMOCRITIC. Il faut que tu entendes qu'il y a trois especes de fotte moquerie, dont l'une se peut appeller niaise, l'autre affectée, & la troisieme celle qui est fardée & couverte de diffimulation : de toutes ces trois especes ie t'en donnerai particulièrement l'intelligence avecques les exemples. Premièrement la moquerie niaise est celle qui est faite sans qu'il y ait cause, & avecques cela de mauuaise grace, & telle moquerie se fait volontiers par vne personne fotte & n'ayant aucune erudition lors qu'elle en oit parler vne plus sage & mieus

apprife qu'elle, se moquant de ce qu'ell' n'entend pas, & celuy qui se voit moqué en cette forte se doit assurer alors d'auoir bien dit ou bien fait, puis que les afnes en chauuiffant des oreilles s'en moquent: La seconde moquerie est dite affectee, quand elle est faite non point du tout fans occasion, mais quand ceus qui la font sont incités à cela par quelque enuie, n'y gardans aucunement cette grace naïfue & qui doit estre generalement accommodee selon ce que l'on entreprend dire ou contrefaire en quelque chose que ce soit: Et les personnes qui vsent de telle coïonnerie sont voluntiers ces muguets & veaus de ville, qui n'ont iamais autre chose en vne compagnie que leurs brocards & lieux communs à toutes restes, ores attachant cettui-ci, ores cettui-la auecques ie ne sçai quelles petites fornettes vulgaires & communes entre eus, mais si vous mettés vne fois ces messieurs hors de leurs termes, vous les rendrés aussi muets que poissons, & ne vistes iamais bourdon plus deprouueu d'éguillon qu'alors ils seront, neantmoins qu'ils ne laissent pas de s'estimer des plus grans & ioyeus raillars de la paroisse: La troisieme & derniere espece de moquerie c'est la feinte & dissimulee, d'entre toutes les autres à mon aduis la plus excusable, entendu qu'ell' se fait aucunefois de beaucoup de personnes qui ne laissent pas d'estre en d'autres choses d'assez bon esprit: Et telle derniere espece de moquerie s'est peu pratiquer par Agrippe en son traité de la vanité des sciences, auquel deffaut à mon aduis l'vn des poincts le plus requis aus parfaits moqueurs, qui est le sain & vrai iugement en la cognoissance de cela que l'on entreprend moquer: Car il est tout cer-

tain quoi qu'en ait escrit Agrippe, que neantmoins il en auoit le plus fouuent toute autre & contraire opinion qu'il n'écriuoit, ainsi mesme que par ses autres œuures il appert assés éuidemment: d'auantage iceluy Agrippe en ses moqueries a plus vsé d'authorités empruntées, & de ie ne sçai quels petis argumens cornus & salacieus propres seulement pour seduire & faire changer d'opinion au simple vulgaire, qu'il n'a pas fait d'vne ferme & assurée raison.

**LE COSMOPHILE.** Il est tout certain qu'Agrippe s'est efforcé le plus fouuent de confirmer ses écrits en cette forte, mais aussi les autorités qu'il a voulu alleguer sont bien approuuées, & extraites des œuures de gens fort doctes, grans Philosophes & d'vne merueilleuse erudition: Et quant à ses argumens, n'est-ce pas l'office d'un vrai orateur de faire sembler bon & mauuais un mesme suiet par diuerfes preuues & raisons? ainsi qu'a fort bien sceu pratiquer Agrippe homme certes estimé d'un chacun fort docte & de grand iugement.

**LE DEMOCRITIC.** Je m'ébahi comment la folie des hommes est si extrême de donner un si grand lieu aus autorités des hommes qu'on fait plus doctes cent mille fois à credit qu'ils ne sont, encores la plusgrande partie d'entre eus sont abestis iusques à là qu'ils en ont entre les autres quelques vns tant affectés qu'ils reçoient leur dire comme oracles d'Apollon encores qu'il soit du tout élongné de la verité & hors de toute preuue raisonnable: Et touchant ce que tu as dit de faire trouuer vne mesme matiere bonne & mauuaise, ie veus maintenir que cela est encores vne autre folie, car si vne chose d'elle-

mesmes est bonne, elle ne sçauroit estre mauuaise, ni au contraire, quoi qu'ils iappent & caquettent avecques toutes leurs fleurs, fleurettes, & couleurs bigarrées de leur rhétorique. Quant est d'Agrippe que tu dis estre entré en la reputation d'un homme docte, ie ne te nierai pas qu'il n'ait sçeu quelque chose, & cela peut on cognoistre de ces cautelles & tromperies par lesquelles il abusoit & abuse encores pour le iourd'hui beaucoup de personnes, & principalement en son traité de l'oculte philosophie, epithete fort propre à telle science, veu que lui-mesme ne l'a iamays sceu decouurer, & auroi bien peur qu'elle ne fut tant oculte & si bien cachee qu'on ne la trouuera pas encores de ces premieres annees, toutefois il l'affure comme veritable & témoigne luy mesme d'en auoir fait de beaux coups d'essai, combien que tout cela soit aussi vrai que si on disoit qu'il y a plus de toison en un gros œuf d'Austruche de l'Afrique qu'en celle de tous les moutons de Berri ensemble: Il est donq' tout assuré qu'Agrippe n'estoit qu'un vrai pipeur de Chrestiens.

**LE COSMOPHILE.** En reprouuant ainsi Agrippe tu me fais souuenir de Cardan qui le taxe pareillement en ses œuures, & en allegue certains experimens pour les blasmer comme ridicules.

**LE DEMOCRITIC.** Vraiment il me souuient en auoir leu quelque chose en son liure xvij. des merueilles, mais beau sire ie le trouue bon de luy qui allegue sans comparaifon de plus grandes folies qu'Agrippe dont il se veut moquer.

**LE COSMOPHILE.** En quel lieu as tu veu que

Cardan ait dit ces choses ridicules? si me semble il que c'est tout au contraire & qu'il blasme volontiers toutes ces foles superstitions magiciennes.

**LE DEMOCRITIC.** Il en use ainsi de vrai aucune-fois, mais tu n'entens pas, c'est la vraie ruzè: ne sçais tu pas bien qu'il faut aucune-fois reculer pour mieux fauter & pour donner dauantage de goust au conte, qu'il est bon de mesler entre deus vertes vne meure? A quelle fin penfes tu que Cardan ait reprouué les folies des autres, sinon pour faire valoir dauantage les siennes? Voudrois-tu voir vn plus fot experiment que celuy dont il assure auoir estanché le sang de sa leure, à quoi il ne pouuoit trouuer aucun remede pour l'arrester fors qu'en vsant de son exorcisme.

**LE COSMOPHILE.** Et bien! estimes tu que ce qu'il en dit soit faus?

**LE DEMOCRITIC.** Oui ie l'estime & le croy fermement, & si outre plus i'en ai esté assuré par l'experience contraire, non pas que i'aye esté si enfant que ie l'aye voulu essaier moi-mesme, mais i'en ay veu d'aucuns qui en pensoient bien triompher & en faire arrester le sang de quelques arteres qu'ils auoient coupées & toute fois c'estoit en vain, car il ne laissoit pas à fluer tousiours comme au parauant. Et si ie sçai fort bien qu'il ne tenoit point à faute de bonne & ferme foi, car ils estoient pour le moins aussi fots que luy pour croire à telles badineries. Il allegue encores en son liure xix. des demons deus autres singulieres receptes, dont la premiere enseigne la maniere de faire vn anneau pour guarir du haut mal & l'autre pour parapher vn certain signacle à guerir celui

de la teste : Et pour donner le lustre à son anneau, il le pare d'une feuille polie par un haut conte qu'il allegue d'un Iosephe le Noir braue necromant, qui guerit avec ses inuocations une Damoiselle qui trauailloit fort d'une ardeur d'urine tant vehemente & incurable que pour cette occasion elle en estoit du tout abandonnee des medecins : mais ie doute fort qu'à la fin, ni son anneau ni son conte, n'aient point plus de vertu que les deux experimens de la noix d'Agrippe, desquels il fait mention en s'en moquant.

**LE COSMOPHILE.** A ce que ie voi c'est un pietre qui se mocque d'un boiteux, vraiment ie me refous de ne croire plus dorefnauant ni à Agrippe, ni à Cardan, ni à tous les autres autheurs quels qu'ils foyent, s'ils n'apuient leurs autorités d'une plus grande raison que de bourdes.

**LE DEMOCRITIC.** Tu feras fort bien, car ceus mesmement ausquels les hommes donnent plus de credit font les plus grans fots, tesmoing Platon & son disciple Aristote, dont l'un estant monté au plus haut de la quinte essence de sa folie nous est allé forger de belles Idées imaginaires, & subtilement inuenter des principes magistralement deduits. Et puis Aristote le Philosophe mignard (duquel la plus grande vertu durant sa vie estoit à se vestir delicatement, auoir des souliers faitis sur le pied, estre songneus d'une belle perruque, se charger les doigts d'une infinité d'anneaus fort enrichis & reluisans) nous en a encores fait de pires que son precepteur, de forte que si on vouloit dire à un maistre es arts le iour de ses determinances, qu'il eut des oreilles d'asne actuelle-

ment & qu'il n'eut pas la sagesse de Salomon potentiellement, vous le verriés alors à l'imitation de son auteur affecté, crier & braire tellement que le ieu ne se departiroit point iusques à tant que son importunée crierie luy eut si bien enroué la gorge, qu'elle luy eût osté toute puissance de parler dauantage. Outreplus si Aristote auoit dit que la neige la plus blanche qui soit point au fort de l'hiuer fus les coupeaus des montagnes fût noire, & que l'on entreprint de persuader le contraire à vn Logicien la luy monstrant au doit & à l'œil, encores clorroit il les yeux pour ne la voir point, & frapant des pieds & iappant en chien il s'opiniatreroit contre la verité. Mais pourquoi m'arresteraï-ie d'auantage à toucher ces afnes, veu qu'vne bonne partie de tous les autres plus renommés philosophes ont rempli leurs œeuures de songes & réueries fantastiquement allegues : N'en voit on pas les exemples par vn nombre infini de tels gentils Philosophastres, l'vn nous voulant faire acroire tout estre fait d'vne rencontre fortuite & hazardeuse de petis cors indiuifibles, qu'il appelloit atomes, & est ce que lon voit aus rais du Soleil quand il entre en quelque lieu renfermé par vne fenestre ou autre ouuerture : pensés vous combien il en faudroit pour refaire vne autre montagne d'Olimpe ! Les autres nous ont dépeint vne ame rouge, les vns blanche, & ceus-ci bigarrée comme les couleurs des loiaus amans : Aucuns l'ont logée au cueur, puis tantost au cerueau pour la tenir chaudement : Il s'en est trouué quelques autres meilleurs fourbisseurs qui nous l'ont engaignee dedans tout le corps comme dedans son fourreau, de peur qu'elle ne s'enrouillast à la pluie :

Outre tous ceus ci font encores suruenus certains organistes qui nous l'ont armonisee à quatre parties: & d'autres experts enrocheurs qui l'ont entonnée dedans vn vaisseau à celle fin qu'elle ne prit vent. Mais à quoi pensoient ces importuns scrutateurs de choses douteuses? Le croy que la fourrure de leurs bonnets leur causoit ces fumées au cerueau. Si tu as enuie de sçauoir d'auantage de leurs folies, voi vn dialogue de Lucian inscrit l'Icaromenippe ou autrement l'Hipernephele. Tu pourras là voir amplement les opinions philosophales de nos premiers bourdeurs estre naïfument contrefaittes & exprimées par la personne de Menippe qui raconte le discours de son voiage celeste à vn sien ami. Je ne veus pas neantmoins tant feuerement reietter les autorités des anciens aũtheurs, que ie ne les vueille bien quelquefois receuoir & principalement quand elles ne sont point tant fondées sus vne opinion, que la verité & preuue raisonnable n'y soit apparente: & telle chose est principalement requise à l'endroit des personnes qui veulent reprendre, & se moquer des autres, ce qui a esté toutefois assés mal pratiqué de ceus qui s'en sont voulu mesler.

LE COSMOPHILE. Voudrois tu dire que l'Italien M. Antonio Phileremo Fregoso qui a fait le ris de Democrite & d'Heraclite, & Erasme en sa louange de folie n'aient pas bien besongné?

LE DEMOCRITIC. Quant est de l'Italien il auroit fort bien dit si ses œuures estoient salées mais elles manquent tant en cela (qui est bien le plus requis à tel genre d'écrire) qu'elles semblent auoir esté faites d'un homme qui se vouloit seulement exercer lui-mesme en



les faifant, & non pas pour poindre aucun ni chatouiller de fon bien dire les apprehenfions des bons efpris : ie m'en rapporterai à tous doctes lecteurs qui voudront perdre quelque tems à l'éplucher de plus pres que fon autheur mefme.

**LE COSMOPHILE.** Et bien d'Erafme, n'en dis-tu autre chofe?

**LE DEMOCRITIC.** Vraiment il a dit ie ne fçai quoi mais il femble que s'il euft failli de s'atacher à ces pauvres prestres que la parole luy fut quant & quant faillie & que tel fuget tant il auoit la matiere affectée & refsembloit prefque à ces petis prechereaus, lefquels eftans hors de propos fe ruent à tort & à trauers fus ces heretiques, allegant quelques-fois auffi bien des chofes à leur auantage voire pluftoft qu'à leur preiudice : d'autre part tant s'en faut qu'il fust constant en fes difcours, qu'il estoit à lui-mefme du tout inconstant & volage, mefmemment en fa louange de folie, en laquelle il taxe ces langars orateurs qui se vantent d'auoir composé en trois iours ou prefque fait fus l'heure & à l'impourueu ce qu'ils ont pourpensé & rebarbouillé en plus de deus ou trois ans, & lui mefme se vante d'auoir fait fon traité de la louange de folie quasi par maniere d'ébat en huit iours, où il a possible plus matagrabolizé qu'Acurse en fes vieilles gloses de droit. Apres il se moque de ceus qui entremessent de petis quolibets de grec parmi le latin, & en cela est-il plus vitieus que nul autre, veu que le plus fouuent il iargonne du grec en des passages qui se pourroient auffi bien voire mieus dire en latin qu'en cette fote mélange bigarrée. Et finalement pour se faire

mieus croire en sa folie, il dit tout au contraire de la verité, accommodant ce qui est entierement propre au sage, aus conditions du sot, & ce qui est naïf au sot le voulant du tout attribuer au sage. Il allegue que le sage se trouvant avecques les hommes fera ou du tout muet, ou que par ie ne sçai quelles facheuses questions il sera importun à toute vne bonne compagnie : il dit pareillement que le sage fera melancolique, particulier, & du tout à lui sans regarder à plaire aus personnes entre lesquelles il est, se monstrant mal seant en toutes choses de passetems, ne prenant plaisir qu'à se decourir par vne face renfrognée, contredifant aus honnestes recreations des hommes, tousiours pauvre & belistre par ce qu'il dédaigne faire la court aus grans seigneurs & qu'il méprise les richesses. Au contraire que le sotard est tousiours gai, difant le mot en vne compagnie, prest à rire & folatrer avecques les autres, volontiers plus riche que les sages, méprifant toutes foles apprehensions & principalement des esprits & diables masqués qui vont de nuit pour épouvanter les vieilles, & garni de mille autres belles qualités par la queue de ses lettres. Or voi vn peu comment il déguise ce fol, & de la grace qu'il a masqué ce pauvre nom de sage au plus grand triboulet qui fut onques tribouillé de couilles humaines. Est ce pas aumoins bien incagné les pauvres pucelles? les pauvres petites neuf seurettes de Parnasse? Est-ce pas leur bailler au lieu de coronnes de laurier à chacune vn cahuet verd asnieriement oreillé & houpeté de belles franges bigarrées? & au lieu de lyre, de luths, flutes & guiterres, à chacune vne veze, & pour Apollon, vn Maistre lehan de

Poitiers diogenifant avecques son baſton & ſes plumes de coq: Par la Roine d'Eleuthere leur bonne ie di bonne mere, c'eſt bien conchié les plus grans mignons de ces neuf doctes pucelles, ie di de ces pucelles qui ont eu des enfans beaux, & bons, bien auenans en toutes courtoifies gentiles & mignardes: ie me donne à leur ſaint chœur ſi ce n'eſt bien execrablement blaſphemé contre leur diuinité, & parlé en vraye beſte incenſée & ſans ceruelle.

LE COSMOPHILE. Si ne le gaigneras-tu pas contre Eraſme, car encores qu'il n'eueſt dit rien qui vaille, ſi eſt-ce que pour autant qu'il a eſcrit en Latin & que tu parles en François, il fera touſiours eſtimé dauantage que toi.

LE DEMOCRITIC. Ie ne veus pas dire qu'Eraſme n'ait eſté homme entendant beaucoup de bonnes choſes, & fort difert en la langue Latine, & qu'il n'en merite quelque louange: car la cognoiſſance des langues n'eſt pas ſeulement vtile & louable, mais auſſi néceſſaire pour les honneſtes, profitables & politics enſeignemens que lon y peut voir, ioint les grans & beaux ſecrets que nous ouurent les langues tant Grecque que Latine: Mais auſſi ie veus bien ſouſtenir qu'il ne faut point eſtre ſi profond admirateur des eſtrangers, que noſtre langue maternelle en ſoit pour cette curioſité amoindrie ou dépriſée, ainſi qu' elle a eſté anciennement par ie ne ſçay quels braues ſillogifateurs d'argumens cornus, qui donnoient la moitié plus de gloire à quelque petit maïſtre es arts crotté, ou autre bourgeon de ſcolarés pour deus ou trois mots de Latin dégorgez en vne diſpute ambigue, que ils n'ont fait aus autres, leſquels eſtans parfaits en noſtre françois

nous ont retiré tout le meilleur des obscurs estrangiers & facilement expliqué en nostre vulgaire: il me souvient auoir quelques-fois leu au premier liure des Academiques questions de Ciceron introduisant alors Varron parlant (duquel i'alleguerai pour le present l'autorité estant en cest endroit accompagnée de la raison) comme il conseille à ceus qui estoient curieux de sçauoir la philosophie, s'ils auoyent la cognoissance & erudition des lettres Grecques, les lire plustost que les Latines, pour-autant qu'elle estoit plus diligemment expliquée en icelles qu'aus Romaines. Or voila mon ami la vraie raison qui nous doit inciter à aprendre les autres langues, quand en icelles se peut voir quelque suiet plus amplement & mieus déclaré qu'en la nostre, & ce deons nous faire à celle fin qu'en l'entendant telle cognoissance nous serue pour contenter nostre esprit, ou pour en enrichir & subtilier les traits de nostre langue, & non pas pour en faire si grande profession ou estime que la nostre en perde son pris, ainsi mesmement que tesmoigne ledit Ciceron faisant vne pareille comparaïson de sa langue à la Grecque au p̄face de son p̄mier liure des biens & des maus: Et qu'il soit ainsi, voit on vn Demosthene s'estre immortalisé pour auoir escrit en vne autre langue qu'en la Grecque? En voit on autrement d'Homere, ou de Pindare? Les anciens Romains, & plus estimés tant au bien dire, qu'à la poësie, ne se font ils pas vengés du temps s'immortalisant par leur langue Latine? Pourquoi donques le pareil ne se pourra-il pas aussi bien pratiquer en nostre langue qu'aus estrangieres, si les bons esprits (ainsi que la grace aus dieus ils commencent fort bien aujourd'huy) prof-

perent & qu'ils soient vn peu plus fauorifez dorefnauant qu'ils n'ont pas esté du tems de la grosse ignorance, dont les vieus siecles ont esté trop longuement enuelopez? N'en voit on pas l'exemple & principalement en poësie sus vn Ronfard, vn du Bellai, vn de Baïf & assez d'autres bons esprits de nostre aage, dont les œuures sont & feront immortellement renommés entre ceus qui auront la cognoissance de la propriété & douceur de nostre langue? Que tous barbares ignorans cessent donq' de louer tant desormais ces mendieurs de Latin qu'ils ne prisent d'auantage ceus qui les remettent au chemin dont ils estoient égarez par ie ne sçay quels sentiers incogneus à la trace des bons François, non pas que ie vueille dire qu'il se faille tant élongner des chams estrangiers qu'on n'y pense bien quelques-fois recueillir des fleurs & des fruits, qui rendent les nostres plus delectables & plaisants, mais pour le moins il y faut tenir vn tel moien qu'on n'admire pas tant ce qui est de l'autruy (commun vice en la nation Françoisise) que le nostre propre en soit desprisé.

**LE COSMOPHILE.** Si est-ce que la plusgrande partie des hommes n'accordera pas en cela avecques toi, car ainsi que ie te disois, ils ne sont conte que d'vne langue estrangere, & si outre plus ils ne trouuent point de goust aus écrits de nos François aupres de ceus des anciens Grecs & Latins.

**LE DEMOCRITIC.** Il s'enfuiuroit donq' si nous voulions croire au dire de tels sots que Nature se fust abastardie depuis le tems de nos ancestres, ou que les écrits se meurissent & se trouuassent meilleurs avecques le cours des longues années.

LE COSMOPHILE. Ce n'est pas cela, mais ils disent que ceus qui escriuent pour le iourd'huy en François traittent les choses plus à la legiere & ne les cherchent pas de si loing que les autres.

LE DEMOCRITIC. Mais cuidés-vous que ces anciens autheurs qui sont allé chercher les choses de si loing, les traittant d'un stile si obscur & si difficile qu'eus mesmes ne les entendoient pas, sont bien plus à louer que ceus qui parlent un langage entendu d'un chascun? Il me semble que ie voi encores de ces vineuses Thiades de Bacchus qui enfoncerent les matieres si hautement qu'elles ne sçauoient pas elles mesmes ce qu'elles pensoient: comme si on vouloit demander par vne question amphibologique: A sçauoir si la premiere forme de la substance immaterielle de l'ame, est deuant la creation de l'univers eternellement empreinte dedans le diuin, infini, & supreme intellect des hautes Idées: Ne voila pas de belles disputes & princes de bien loing.

LE COSMOPHILE. Quand est de moy ie ne veus point estre si affecté à telle lourderie que ie n'estime dauantage ceus qui parlent entendiblement, que ces enfonceurs de matieres, qui vont querir les choses si superliquoquentieusement, qui commencent des le haut de la mitre Iouiale & puis viennent finir sous la selle percée de Proserpine, car tels yurongnes ainsi comme tu as fort bien dit ne s'entendent pas eus-mesmes.

LE DEMOCRITIC. Il ne faut pas que tu t'ébahisses s'ils font des ceures si hautement esleuées qu'ils n'y peuvent eus-mesmes atteindre, veu qu'ils commandent vne maniere de viure aus hommes totalement impossible,

comme de dire qu'il ne faut s'effiour pour bonne fortune ni se facher pour mauuaife tant grande soit elle, resister & se monstret constant contre toutes les iniures & aduerfités qui suruiennent tant au cors qu'à l'esprit de l'homme, soit d'endurer faim, soif, chaud, froid, ennuis ou maladies, tellement que ie croi si on mettoit ces gentils Zenoniens au plus fort de l'hiuer sus le millieu du mont Cenis aupres de la chapelle des transis, qu'ils diroient encores qu'ils mourroient de chaud, ou bien si on les iettoit dedans vn feu qu'ils trouueroient cela aussi dous que Iuppiter fait son nectar sucré d'vn baifer Ganimedien.

**LE COSMOPHILE.** Comment donq' n'en voit on pas l'exemple sus ce sage sot de Prothée Peregrin philosophe cyniq', duquel Lucian escrit la vie, en laquelle il tesmoigne comme apres auoir assemblé le peuple & fait dresser vn grand feu, il se ietta lui-mesme dedans sans y estre contraint d'aucun? Et croi qu'il ne l'eut pas fait s'il n'y eut esperé quelque merueilleus & singulier plaisir.

**LE DEMOCRITIC.** Mais à propos il y en a encores beaucoup au-iourd'huy qui sont frians de telle maniere de mort : y auroit il point quelque certaine propriété au feu qui feroit sentir vn mignard & faouereus chatouillement à l'ame à raison d'vne sympathie qui est entre eus deus, entendu mesme que l'ame de sa nature est vne chose ignée?

**LE COSMOPHILE.** Mais ie ne sçai : par Dieu ie croirois incontinent qu'il en feroit quelque chose, & ce qui me le persuaderoit encores dauantage ce feroit ce qu'ont dit les philosophes naturels de la mort de l'eau,

l'affurans tous ensemble la plus cruelle des morts, pour autant qu'il n'y a rien plus contraire à la nature de l'ame qui participe (ainfi que tu as tres bien dit) de celle du feu que l'eau, & ainfi en argumentant au contraire, il s'enfuiuoit qu'il n'y auoit point de mort plus douce que celle du feu, pour le grand accord de fa nature avecques celle des ames.

**LE DEMOCRITIC.** Tu me fais prefque venir à moi mefme de mourir en cette forte : Mais penferois-tu bien que i'en vouffiffe vfer fi sotement que ce grand veau de Peregrin, lequel apres auoir fait allumer fon feu & commencé lui mefme à l'embrazer avecques fa torche, s'alla ruer à l'estourdi au beau millieu où il fut tout foudain euanoui & confumé en cendre? Nenni, nenni, i'en voudroi bien auoir le plaifir plus longuement : Sçais tu comment i'en vferoi? le dresserai en quelque lieu à l'efcart vn petit feu (& fans y appeller perfonne à tefmoin) auquel i'auroi le moien de m'effaier & me tourner de tous les costés où ie fentiroi qu'il me demengerait.

**LE COSMOPHILE.** Il vaudroit bien mieus fe faire acouftrer comme on cuift les harencs forés en Italie, à beau petit feu de paille : Mais ie te prie commence le premier à en faire l'effai & puis ie te fuiurai.

**LE DEMOCRITIC.** Tout beau, tout beau, tu prens les matieres trop à cueur : hò de par Dieu, il ne faut pas eftre fi colere fus fes preinieres apprehenfions : ie te prie remettons cela à quand tu feras de retour de ton voiage, & puis felon ce que i'en aurai ce pendant aduifé ie le mettrai en execution.



**LE COSMOPHILE.** le croy à mon aduis quand nous aurions bien debatue ce point là que nous refoudrions à la fin qu'il vaudroit mieus viure, fans effaier de nous immortalizer par ce dous tourment de ce pauure transporté de cerueau Peregrin philosophe ciniq, toutefois qu'il semble encores meriter quelque louange, entendu que la fin qui l'incitoit à ce faire, estoit pour acquerir titre d'immortalité.

**LE DEMOCRITIC.** A ce conte, celui qui mit le feu dedans le temple de Diane d'Ephese, deuroit estre bien estimé, puis qu'il le faisoit pour vn mesme esgard : Mais ie te prie regarde vn peu la grande folie où tombent tous ceus qui sont si affectés à l'immortalité. Il s'en trouue, comme ceus-ci desquels nous auons fait mention, qui en font les actes les plus eslongnés de raison qu'il est possible : les autres ne se soucient aucunement de la reputation qu'ils auront durant leur vie soit bonne ou mauuaise, mais qu'apres la mort ils esperent d'en estre recompensés de quelque vaine louange.

**LE COSMOPHILE.** Qui seroient bien ces lourdaus là qui desireroient plus estre approuvés apres leur decés que durant leur vie? le m'esbahi qu'ils ne considerent que le chien mort ne mort point, ni ne sent non plus les morsures.

**LE DEMOCRITIC.** Ne s'en trouue il pas assés qui se priuent de tout plaisir, ne faisans autre chose toute leur vie que brouiller ie ne sçai quelles sonnettes en espoir qu'elles soient mises en lumiere apres leur mort? Et sont encores aueuglés iusques à là qu'ils en pensent bien voltiger & gambader en l'air plus dextrement que

les autres. Cuidés-vous que la louange que l'on donne à Demosthene ou à Ciceron leur chatouille bien maintenant les oreilles aus lieux où ils font allés?

**LE COSMOPHILE.** Il sembleroit presque à t'ouïr parler qu'il ne faudroit se foucher aucunement d'acquérir vn renom immortel, & par ce moien feroient du tout abolies les estudes des bonnes lettres, & ne tiendroit on plus conte de se tourmenter apres tant d'autres actes braues & memorables, par lesquels on se fait renommer d'une immortelle gloire, gloire di-ie qui sert d'aiguillon à la posterité pour imiter ses ancestres en leur maniere de viure tant louable & vertueuse.

**LE DEMOCRITIC.** Je ne veus pas dire qu'il faille delaisser pour cela d'estre affecté à la vertu, de profiter au public, de composer liures, & faire quelques autres choses dignes de memoires, mais ie veus bien maintenir qu'une heure de louange que lon en reçoit durant la vie fait plus de bien à la personne que cent mille ans apres la mort.

**LE COSMOPHILE.** Ha dea si tu l'entens ainsi ie n'y contredi pas : Mais à propos de ces zelateurs de l'immortalité i'ai autrefois oui dire à gens doctes qu'il s'en est trouué qui pour ceste occasion ont voulu mesme feindre des dieux à leur poste & introduire de fauces religions entre le populaire, & pour autant que ie t'ai cognu fort bien appris en ces anciennes histoires ie te voudroi bien prier de m'en faire vn petit discours & le plus breuement que tu pourras, car ie voi le soleil qui commence là fort à s'abbaisser, & qui nous aduertit que l'heure du souper nous pressera tantost.

**LE DEMOCRITIC.** Combien que cela ne se puisse pas dire en si peu de paroles que tu me le demandes, si effairai ie neantmoins à te le retraindre au moins de langage qu'il me fera possible : Et deuant que i'y commence tu me diras premierement s'il te suffira que ie te face mention de ces premiers forgerons de dieux sans te parler des autres qui les ont du tout voulu demolir.

**LE COSMOPHILE.** Ie te prie de grace ne me dis point l'vn sans l'autre, car i'auroi peur de ne voir que d'vn costé.

**LE DEMOCRITIC.** Ie n'ai que faire de te raconter la confusion des faus dieus du tems iadis qui estoit telle, qu'il s'y trouuoit mesme trois cents Iuppins & y en auoit qui sacrifioient aus dieus inconnus. Il me suffira tant seulement de te parler des principaux inuenteurs de telles fauces superstitions dont la premiere origine est deriuee des Egyptiens, & apres eus de Cecrope premier Roi des Atheniens qui en abreua toute la Grece, car ce fut le premier qui commença à appeller Iuppiter, à contrefaire des simulachres, ordonner des autels, & inuenter sacrifices, choses qui estoient au parauant lui totalement inconnues aus Grecs. Et pourtant qu'il fut le premier qui amena la coutume de ioindre par mariage l'homme avecques la femme, il fut surnommé double-face. Il se trouua pareillement en Crete vn autre Roi nommé Mellisse qui commença à leur introduire de nouvelles manieres de faire touchant les sacrifices & autres superstitions : Nume Pompile en fist autant à Rome, là où il institua les sacrifices, créa l'ordre des

vierges vestales, sacra Martien homme noble grand pontife, en la charge & puissance duquel il soubmist tous les droits des choses sacrées. Ce fut lui-mesme qui enseigna & donna par regle, quels iours & quels temples estoient dédiés pour acomplir leurs superstitions & sacrifices, avecques la maniere & façon qu'ils y devoient tenir. Ce fut le premier fondateur des iours qu'ils appelloient anciennement fastes & nefastes, auxquels il n'estoit permis en aucune sorte de trafiquer ni de faire autre œuvre quelconque entre le peuple, & fut lui qui diuisa l'an en douze parties. Et à celle fin de donner plus de lieu à ses institutions & de tenir les Romains en vne plus grand' crainte sous le pretexte d'une diuinité, il leur donnoit à entendre que toutes les nuis il se trouuoit avecques la déesse AEgerie : & que par son conseil & aduertissement il ordonnoit les sacrifices qu'il cognoissoit estre agreables aus dieus immortels. Mais il n'est rien plus vrai que c'estoit vne chose controuuée que telle reuelation de la déesse laquelle il mettoit en auant, si d'auanture il n'entendoit par sa déesse sa grace, ainsi que voluntiers les nomment les amoureux affectionnés. Neantmoins il le faisoit pour vne bonne fin qui estoit pour retirer le peuple Romain encores pour lors rude & brutal d'une trop grande affection qu'il auoit aus guerres, & l'induire à quelque veneration de la diuinité. Et telle a tousiours esté la coutume de ceus qui ont voulu establir loix, & introduire nouvelles coutumes au villes, ou à tout vn peuple, c'est à dire de rapporter toutes leurs institutions à quelque particuliere & affectée diuinité, à celle fin qu'en les faisant plus soigneusement

garder comme saintes & mieus approuuées, ils en acquif-  
fent par ce moien vne plus grande & perdurable me-  
moire. Ainfi en vfa Licurge Roi des Lacedemoniens &  
grand philosophe, rapportant les siennes à Apollon :  
Ainfi Dracon & Solon enuers les Atheniens à Minerue :  
Et Minos beaucoup plus ancien que ceus-ci, qui hanta  
par l'espace de ix ans vn viel antre consacré à Iuppiter  
pour y machiner les loix tout à loisir, apres les auoir  
signifiées en Crete il les refera pareillement à Iuppiter :  
Trimegiste en Egipte à Mercure : Zoroastre en la con-  
trée des Ba&triens à Oromase : Caronde en Cartage à  
Saturne : Zamolche en Scytie à la déesse Vesta. De dire  
que Moyse en ait fait autant & qu'il se soit aposté vne  
diuinité comme les autres, c'est vne chose tant mé-  
chante & detestable que tant s'en faut qu'on la doieue  
soutenir, qu'elle ne doit pas sortir, hors de la bouche des  
fidelles en quelque sorte que ce soit, combien qu'il y en  
ait pour le iourd'hui d'abandonnés & perdus iusques à là  
qu'ils ne laissent pas de s'engoufrer en l'abisme d'une si  
dangereuse & damnable opinion : mais plaife à la fou-  
ueraine bonté, guide de nous tous, de les retirer de ce  
peril auquel ils flottent tant pernicieusement & les re-  
mettre en la vraie voie de salut. Nous delaisserons  
pour cette heure de parler dauantage de ces miserables,  
& retournerons aus fauces superstitions anciennes & à  
leurs inuenteurs, entre lesquels il s'en est trouué de  
tant affectés à l'immortalité qu'eux mesmes se sont voulu  
faire estimer dieus, voire iusques à ne craindre point  
la mort pour accomplir leur fol & transporté desir.  
L'exemple en est assés euidente en la personne d'Empe-

docle, lequel affectant de laisser l'opinion de lui enuers le commun, qu'il auoit esté par quelques postes & courriers de lassus enleué tout chauffé & vestu à la dextre du haut-tonnant vn peu plus doucement que celui qui est enregistré solemnellement, se ietta lui-mesme dedans le goufre d'AÉtne montagne pour lors bruslante à l'occasion d'vne certaine nature sulphurée & glutineuse qui n'estoit encores pour lors toute consommée : Mais le pauvre lourdaut laissa de malencontre tomber vne de ses pantoufles d'airain qui fut trouuée à la gueule de ce goufre bluslant, & par ce moien sa braue & glorieuse entreprise découuerte.

LE COSMOPHILE. Je voudroï fort sçauoir en quelle estime estoient le tems passé tous ces beaux législateurs, & si le monde estoit pour lors si étouffé de tenebres qu'il ne decourrit bien leurs abus.

LE DEMOCRITIC. Il est tout assuré qu'entre les ignares & brutaus cela estoit le mieus receu du monde, mais de tous tems il y a eu des gens doctes & de si bon esprit qu'ils n'ont iamais rien voulu receuoir de telles bourdes & fauces erreurs.

LE COSMOPHILE. Je te prie compagnon di moi qui ont esté ces venerables mignons ?

LE DEMOCRITIC. Je ne te parlerai de ce galant d'Epicure qui appelloit les dieus monogrammes, ni d'vn autre nombre infini de philosophes qui l'ont ensuiui veu que tels contes sont trop vulgaires, ce me fera assés de te rafraichir la memoire de quelques vns & des principaus qui ont voulu renuerfer toute la superstition des faus dieus, ainsi que fut Cambise Roi de Perse,

lequel aiant fubiugué le païs d'Egipte où il trouua vn temple de Vulcan, apres auoir bien regardé de tous costés la gentile singularité de son simulacre, il commença fort à s'en moquer deuant vn chácun. Il y auoit pareillement en Egipte le temple des dieus caberiens, dedans lequel il n'estoit permis à homme du monde d'y entrer fors qu'au grand prestre, si on ne vouloit contreuenir à la loi, & toutefois il y entra de force, & apres auoir fait vne grande rifée de toutes les idoles qu'il y trouua, il les fit grifler gaillardement dedans vn beau radier de feu.

**LE COSMOPHILE.** Aussi en fut il bien puni, car il tumboit du haut mal qui est vne espece de rage, & auecques cela il n'auoit pas le cerueau fort bien arresté.

**LE DEMOCRITIC.** Pour le moins les fots de son tems le pensoient ainsi & raportoient cette maladie qui lui estoit naturelle à vne punition diuine, comme si telle quanaille de dieus, & faus simulacres eussent eu la force & puissance de se vanger des tors qu'on leur faisoit. Quant est de ce qu'il estoit estimé fol, ie croi cela bien aisement, mais que tu entendes à l'endroit de ceus qui estoient abestis de telles lourderies. Aussi enuers tels excellens & illustres personnages vne personne de bon esprit fera elle iamais à peine estimée autre que sole & transportée du cerueau? Il en a eu vn autre nommé Denis, natif de Siracuse qui n'estoit pas moins cognoissant telle maniere d'abus que Cambise fus-mentionné, car le plus de son plaisir estoit à se railler & gaudir de telles foles superstitions, de forte qu'une fois apres auoir pillé tout le thresor du temple consacré à Proserpine en la ville de Locres, & que s'estant mis sur mer il eut le vent à gré

au possible, en se riant il dit à ceus qui estoient avecques lui: Voiés vous aumoins mes amis comment les dieus immortels donnent vne heureufe navigation aus sacrileges? Quelquefois pareillement aiant déchargé Iuppiter l'Olympien d'un manteau de drap d'or fort pesant, & dont il auoit esté orné par Hieron Roi de Siracuse, pour sa part du butin qui luy estoit écheu de la dépouille des Cartaginiens, il lui en rendit vn autre de laine, disant, Qu'un manteau de drap d'or estoit trop empêchant pour l'esté & trop froid pour l'hiuer, mais que cettui-la de laine qu'il lui auoit donné en contréchange lui feroit trop mieus feant & plus commode pour l'une & l'autre faison. Icelui Denis s'estant vne fois emparé des tables d'or & d'argent dediées aux temples, dessus lesquelles il estoit escrit, LES TABLES DES BONS DIEUS, il tesmoigna comme il vouloit vser de la bonté des Dieus. Diagore philosophe fort sçauant qui nioit pareillement tous ces faux dieus des antiques, se trouua vne fois en Samothrace avecques vn sien ami, lequel aiant vouloir de le retirer de telle opinion, lui monstra grand nombre de tableaux qui faisoient foi de plusieurs, lesquels apres s'estre voués & recommandés aus dieus, auoient (ce disoit) par ce moien euité la tempeste & pris terre miraculeusement, deliurés du peril & naufrage où ils fussent peris sans le secours diuin: Et alors ce mignon respondit en sous-riant & se moquant de la simplicité de l'autre, Comment! est ce tout cela que tu me veus conter? Tu ne me dis rien de nouveau: ne vois tu pas pauure homme comment il n'est point fait de mention en ces monumens ici de ceus qui ont esté noyés apres auoir fait leurs



vœus? Icelui philosophe estoit aussi vne fois sur mer où il se leua vne fort grande tourmente pour le moins aussi tempestueuse que celle que Pantagruel accompagné de son Panurge & frere Ian des entomeures, euada à force de boire, de crier & de iurer, & alors le pauvre diable de Diagore se voyant accusé des autres qui estoient avecques lui dedans vn mesme vaisseau, comme s'il eust esté la seule & principale occasion de la tourmente, en se moquant d'eus il leur monstra vne autre grande flotte de nauires qui estoient en mesme peril & leur demanda, s'ils pensoient que Diagore fust en vne chacune de ces nauires.

**LE COSMOPHILE.** N'est-ce pas lui qui osa le premier escrire qu'il ne cognoissoit point tous ces faus dieus controuués, & qu'il ne sçauoit de quelle couleur ils estoient?

**LE DEMOCRITIC.** C'est cettui-la, & pour cette occasion il fut chassé des Atheniens qui condamnerent pareillement Socrate à la mort, pour autant qu'il vouloit contreuenir à leurs superstitieuses chimagrées par vne nouvelle religion qu'il disoit estre meilleure.

**LE COSMOPHILE.** Ils estoient moult affectés à leurs foles persuasions.

**LE DEMOCRITIC.** Comment affectés! ils estoient fots iusques à là, qu'estans vne fois en doute duquel des deus ils feroient vne Minerue, ou d'iuoie ou de marbre, & que le peintre Phidie dit qu'elle deuoit plustot estre de marbre pour autant que la blancheur & poliffure en dureroit plus longuement, ce peintre fut tresbien oui: Mais quand il lui eschapa de dire qu'elle en feroit aussi

plus vile, incontinent ils se scandalizerent fort de tels propos, & deslors lui fermerent la bouche avecques expres commandemens de n'en parler plus.

**LE COSMOPHILE.** Vraiment tu me parles de grans lourdaus. Mais encores quant ie considere bien à ceus qui vouloient entierement contreuenir aus status & loix de telles religions encores qu'elles fussent fauces, ie ne les treuve pas moins à reprendre que ceus qui les auoient premierement imposées, veu que c'est vne des choses des plus pernicieuses du monde que de laisser courir & vaguer ce sot & inconstant vulgaire avecques vn si grand abandon & liberté, auquel il est quelque-fois necessaire de donner vne bride pour le contraindre de faire par force ce à quoi les honnestes & braues esprits sont guidés par la vertu.

**LE DEMOCRITIC.** Ton opinion est fort bonne en cet endroit, car il est tout certain que si l'homme (animant sus tous les autres créés de la nature le plus libre en sottes apprehensions) n'estoit refrené de quelque crainte, cette police qui est tant necessaire pour nostre conseruation seroit entierement renuerfée & mise dessus-dessous, tellement que nous serions encores en pire estat que nous n'estions du tems de la confusion du premier chaôs qui est vn poinct ce me semble assez suffisant pour renuerfer vne bonne partie des nouvelles & abhominables sectes qui courent pour le iourd'huy à l'endroit de ie ne scai quels pernicious & naturalistes libertins.

**LE COSMOPHILE.** Ho les mechans! Voyés! ce sont de ces nouvelles sectes qui courent pour le iourd'hui en nostre religion chrestienne.

**LE DEMOCRITIC.** C'est vn vrai abisme que tout cela.

**LE COSMOPHILE.** Mais ie te prie de grace di moi vn peu ce qu'il te semble de telle maniere de christaudins.

**LE DEMOCRITIC.** Quant est de la grande diuersité des sectes reprouuées qui ont esté & sont encores pour le iourd'huy en nostre loi, ie ne t'en ferai point d'autre mention, pourautant que le diable est si subtil qu'il fait quelque-fois tendre vn filé à cettui-la qui s'y trouue le premier pris : ioint que c'est vne chose qui me semble fort lourde & de laquelle on se passeroit bien à vn befoing de s'aller rompre la teste apres ses questions tropologiquement anagogiques, veu qu'il fuffit de croire comme nos anciens peres sans s'opiniatrer tant à espoufer des opinions qui font mourir les gens à credit.

**LE COSMOPHILE.** Ie croi que tu voudras presque estre semblable à ce bon compaignon, lequel aiant esté vne fois inuité d'vn certain docteur alla dîner avecques lui, & apres auoir vn peu enfoncé & ranimé ses esprits vitaus presque tous perclus, de quelque bon vin de Beaune, le cerueau lui commençant à échauffer & sa langue à se déployer plus librement qu'auparauant (ainfi que c'est l'operation coustumiere du vin de rendre les personnes plus libres & ioieuses en paroles) il lui eschapa par maniere de raillerie de dire quelque propos de la Trinité vn peu scabreus & de mauuaise digestion, dont le docteur tout mal edifié de voir ainfi tenir (ce luy estoit aduis) tant peu de conte des fains canons, commença pareillement de son costé à s'échauffer en son harnois, & de

proteſter d'iniure faite a la foi chreſtienne. Et ce diſoit il en ſe rebraſſant iuſques au coude, ſoufflant avecques vn fronnement de narines & de paupieres, & par poſes écumant, treſſuant & ſe mordant les leures de rage, frappant des mains & des pieds tout enſemble, preſt à fortir de table, ſi l'autre ne l'apaiſant de careſſes & belles paroles ne lui eut dit : Ha monſieur noſtre maïſtre ne vous courroucés point ie vous en prie, comment? Ieſus, de par dieu, penſeriés vous bien que i'entreprinſe de ſouſtenir vne telle opinion que ie n'ai ſeulement ditte que par maniere de paſſetems? O le bon dieu! eſtimeriés vous que ie me vouliſſe faire bruſler ſus cette querelle? Vraiment ce ſeroit bien à grand tort, noſtre maïſtre mon ami, ſi vous le penſiés ainſi : car deuant que d'entrer au feu, ſi ce n'eſtoit aſſés d'une Trinité ie confeſſerois pluſtot vne Quaternité.

LE DEMOCRITIC. Ha non, non, ie ne voudroi pas eſtre de ces gens là, car quant aus poinçts qui concernent les articles de foi il n'y faut pas paſſer outre pour crainte de la mort, mais touchant vn tas de petites particularitez forgées à l'appetit de ie ne ſçay quels nouveaux impoſteurs, tout cela n'eſt qu'une fumée qui ne fera que paſſer : & pour autant n'eſt-ce que ſimple folie à tous ceus qui s'y embrouillent penſans bien auoir gagné vn poinçt ſus nos anceſtres.

LE COSMOPHILE. A bon eſciant ie croi que tu en diſ ce qui en eſt, auſſi auoient-ils l'ame meilleure que nous n'auons pour le iourd'hui, quelque choſe que l'on en vueille dire.

LE DEMOCRITIC. Or dieu les vueille tenir en paix & nous amender.

LE COSMOPHILE. Mais à propos de ces fauces sectes nous n'auons point parlé de la principale qui est celle de Mahomet.

LE DEMOCRITIC. Comment ! de ce voleur, de ce larron, de ce brigant, de ce pipeur, as tu enuie d'en sçauoir ?

LE COSMOPHILE. He mon ami ! pour acheuer la farce, ie te prie di m'en quelque chose.

LE DEMOCRITIC. Et certes si ferai-ie : premierement il faut que tu notes que tout le commencement de la belle vie de Mahomet machinet ou maginet ce m'est tout vn aussi bien tout n'en vaut rien, fut à dérober de tous costés où il en pouuoit griper, & puis estant par ie ne sçai quel destin hazardeus entré en estime & reputation enuers les siens, il se voulut mesler de corriger le magnificat, & avecques l'aide & conseil d'vn certain apostat banni nommé Sergien, homme pernicieus & entaché de la secte Nestorienne, il rapetassa vne loi toute neufue de vieilles pieces d'heresies, desia verinoulues, & mises au rang des pechés effacés, & en prenant de toutes chacun vn petit lopin & du plus vraisemblable au iugement du vulgaire, il en radouba son Alcoran qui gaste encores aujourd'huy vne des grandes parties du monde, tant ce belistre & imposteur l'a bien sçeu masquer de dissimulations feintes, & trop plus deceuantes que ne font les deguifemens de Plute, introduit au Timon de Lucian. Avecques les Sabelliens il nioit la Trinité, avecques l'erreur de Manichées il ne mettoit que le nombre de deus en l'essence diuine, avecques Eumonien il nioit l'égalité du pere & du fils, avecques

Macedonien il affermoit le saint Esprit estre vne creature, avecques les Nicolaïtes il prodiguoit le nombre des femmes à qui en vouloit : Et à celle fin de donner quelque chose aus Iuifs & aus Chrestiens il preschoit la circoncision & le baptesme, il approuoit quelque fois le vieil Testament, & par endroits le reprouoit. Quand il s'auifoit il disoit du bien de Iesus Christ, l'appellant saint homme & vertueux, & le temoignoit auoir quelque participation de diuinité, blasmant les Chrestiens comme fots & abusés de croire que le Christ tresaimé de Dieu & né de la Vierge, eut voulu endurer tant d'iniures & outrages des Iuifs, mesmement iusques à estre ignominieusement executé à vne mort infame & deshonnefte.

LE COSMOPHILE. Ha le pauvre homme ! il ne sçauoit pas que nostre sauueur estoit tousiours venu en humilité & qu'il se faisoit ainsi petit & moquable pour nostre sauuement.

LE DEMOCRITIC. Non, non, il n'en sçauoit rien, ou s'il le sçauoit le diable ne lui vouloit pas faire confesser.

LE COSMOPHILE. Certes il est bien aisé à voir que toutes ces fauces religions (excepté la nostre) ne font que bourdes, & que nous n'auons autre chose à tenir que les écrits des anciens Prophettes, & le nouveau testament qui nous a esté presché par Iesus Christ & ses disciples, avecques les interpretations des saincts docteurs en ce qui en a esté approué par la vraie & catholique Eglise, suiuant laquelle nous ne sçaurions faire chose qui soit digne de reprehension ou moquerie, & au-contraire hors d'icelle tout homme n'est autre chose

que folie & vanité, car la parole de Dieu verifiée par l'Eglife faine & fidelle, eft cela feul qui demeure à iamais ferme & inuiolable contre tous les orages & calumnies du tems enuieus & des meſchans, & au contraire toutes les inuentions humaines & fauces hereſies ſe ruinent d'elles meſmes & s'éuanouiſſent auſſi toſt que legierement & à la volée elles ont eſté entrepriſes.

**LE DEMOCRITIC.** Or aduiſe donq' mon ami, ſi celui qui ſe penſoit eſtre vn tout ſelon les hommes, ne ſe trouue pas à la fin ſelon dieu eſtre moins que rien, & ainſi nous pouons conclure avecques ce grand prophete de la race Ieſſienne, Heureus celui duquel l'eſperance eſt au nom du Seigneur Dieu & qui ne s'eſt point arreſté aus vanités & fauſſes reueries du monde.

**LE COSMOPHILE.** Certainement ie cognoi que ton dire eſt tresbon, & m'en vai tout maintenant avecques deliberation de changer de fantaſie & de maniere de faire, & t'affure hardiment de me reuoir au retour de mon voiage tout metamorphoſé de complexions : car ie delibere de me nourrir deſormais tout autrement que ie n'ai fait par le paſſé, & auoir en plus grand meſpris & horreur ce qui m'a ſemblé autrefois le plus parfait & le plus beau : Que pleut à Dieu, que ie peuſſe vomir du plus profond du cueur les enſeignemens de ces fots & ſuperſtitieus amis du monde, d'auſſi grand courage que gloutement ie les ai deuorés, & avecque vne dent tant chiennine & inſatiable, ce que ie ferai ſ'il m'eſt poſſible deuant qu'il ſoit peu de tems. Ce pendant ie te remercierai de bien bon cueur de-quoi tu m'as deſſillé les yeus d'vne nûe ſi obſcure & tant eſpeſſe d'abus &

fauces erreurs, me découurant vn soleil tant cler & gracieus, qu'il ne fera iour de ma vie que ie ne m'en sente autant voire plus tenu à toi qu'à cettui-là qui mesmes a esté la cause de mon principal estre, duquel ie ne tiens que ceste lourde masse terrestre, & de toi le comble de la perfection & naïf contentement de mon esprit. Or mon compagnon, mon ami, ie m'en vai commencer à donner ordre tant au souper qu'à l'équipage qui m'est necessaire pour me mettre à chemin.

LE DEMOCRITIC. Sus toutes choses ie te prierai de bien noter au doit & à l'œil tout ce qui se presentera deuant toi durant ton voiage.

LE COSMOPHILE. Je le ferai & principalement en ce que ie cognoistray estre digne de te faire part.

LE DEMOCRITIC. Va que Dieu te veuille estre fauorable tant que l'argent & la santé ne te puissent manquer.

FIN DV SECOND DIALOGVE  
DV DEMOCRITIC.







## TABLE

DE CE QVI EST PLUS DIGNE A NOTER

En ces deus Dialogues.


<b>C</b> OMPARAISON de la raison à la pierre precieuse & aus liures excellens. . . . . pag.	3
Les choses qui sont à fuir des hommes & à suiure.	4
L'opinion du vulgaire estre fauce. . . . .	6
Dequoi sert la hardiesse de bien parler. . . . .	7
Mespris de l'amour. . . . .	8
La femme estre plus imparfaite que l'homme. .	»
Gouuernement des Amazones & leur cruauté enuers les hommes. . . . .	9
Les vices des femmes. . . . .	10
La femme par droit diuin est encores plus impar- faite que l'homme. . . . .	»
La fin d'amour. . . . .	11
Les malheurs & inconueniens qui procedent d'amour. . . . .	12

<i>Vaines fictions d'amour. . . . .</i>	13
<i>Sots écrits des amoureux. . . . .</i>	"
<i>De ceus qui commentent &amp; glosent sus les liures des amoureux. . . . .</i>	"
<i>Les méchancetés de la femme de mauuais gou- uernement. . . . .</i>	15
<i>Les insignes beautés des amis aimés des femmes.</i>	18
<i>Sottes &amp; communes responce des femmes. . . .</i>	23
<i>Que c'est de bien parler. . . . .</i>	29
<i>Harangue de l'homme d'armes touchant l'amour.</i>	30
<i>L'amour du courtisan. , . . . .</i>	32
<i>L'amour de l'escolier. . . . .</i>	34
<i>Qu'il n'entend pas blasmer les honnestes dames.</i>	40
<i>Vaillante &amp; vertueuse defence de l'amour avec la solution d'icelle defence. . . . .</i>	41
<i>Comment le iugement d'vn amoureux s'abuse en celle qu'il ayme. . . . .</i>	43
<i>Louange de la Musique &amp; mépris de la danse. .</i>	46
<i>Les Theffuliers admirateurs de la danse. . . .</i>	47
<i>La danse estre vne espece de fureur. . . . .</i>	51
<i>Conclusion de l'amour. . . . .</i>	53
<i>Estrange cruauté des hommes. . . . .</i>	56
<i>Les armes sont iournalieres. . . . .</i>	58
<i>Les maus causés par enuie. . . . .</i>	62
<i>Comme il ne faut adiouster foi au rapport &amp; bruit commun. . . . .</i>	63
<i>Les richesses &amp; préeminences estre suiettes au hazard. . . . .</i>	65
<i>Comme il n'entend blasmer que ceus qui le meritent. . . . .</i>	66

<i>L'office du courtisan.</i> . . . . .	70
<i>Le nombre des gens de bien.</i> . . . . .	71
<i>Que c'est que pratique.</i> . . . . .	74
<i>La vie des aduocas &amp; autres praticiens.</i> . . . .	76
<i>Discours de la medecine.</i> . . . . .	84
<i>Le trop parler vitieus.</i> . . . . .	94
<i>La folie de ceus qui affectent la melancolie.</i> . .	95
<i>Le parler peu approuué des sages.</i> . . . . .	96
<i>Quant &amp; en quoi il est bon de se taire.</i> . . . . .	97
<i>Discours de la magie &amp; abus d'icelle.</i> . . . . .	112
<i>Foles superstitions des magiciens.</i> . . . . .	114
<i>Le dire de Caton touchant les diuinateurs.</i> . . .	117
<i>L'opinion de Diogene des diuinateurs.</i> . . . . .	"
<i>De l'incredule de Lucian.</i> . . . . .	120
<i>L'opinion de Iamblique touchant la magie.</i> . .	"
<i>La magie de Pitagore.</i> . . . . .	121
<i>En quelle estime estoit anciennement la magie.</i> .	122
<i>Empedocle surnommé chasse-vent.</i> . . . . .	"
<i>Le but où tendent les magiciens.</i> . . . . .	123
<i>L'inuention premiere de l'Astrologie, la verité &amp; erreurs d'icelle.</i> . . . . .	126
<i>Comment se doit entendre le passage d'Ouide Os homini.</i> . . . . .	128
<i>La folie de Pierre Turel en son Periode du monde.</i> . . . . .	129
<i>Ancienne superstition des Romains touchant l'obseruation des iours.</i> . . . . .	131
<i>La magie est procedée de l'Astrologie.</i> . . . .	132
<i>Exemple de ceus qui de pauure estat sont deuenus riches.</i> . . . . .	134

<i>L'échapatoire des astrologues. . . . .</i>	136
<i>Des douze maisons des astrologues. . . . .</i>	"
<i>L'opinion controuerse des astrologues touchant les planettes &amp; estoilles fixes. . . . .</i>	137
<i>Les folies des alchimistes. . . . .</i>	139
<i>Les termes &amp; notes de l'alquimie. . . . .</i>	"
<i>Du liure de la fleur des fleurs &amp; de son autheur. . . . .</i>	140
<i>Que c'est que le medium des alchimistes. . . . .</i>	141
<i>Les soufleurs par excellence appellés philosophes. . . . .</i>	142
<i>La multiplication des alchimistes. . . . .</i>	143
<i>Petit discours des gens de guerre. . . . .</i>	144
<i>La maladie commune aus soldats de Piemont . . . . .</i>	147
<i>Cheualier d'acolade. . . . .</i>	148
<i>Eau benifte de cour. . . . .</i>	150
<i>Pourquoi le Democritic n'ensuit pas tousiours Democrite. . . . .</i>	151
<i>De la vie de Democrite. . . . .</i>	"
<i>En quoi Democrite s'est monstré sot. . . . .</i>	152
<i>Seruitude d'Aristippe . . . . .</i>	153
<i>La maniere de se bien mocquer avec les especes de mocquerie. . . . .</i>	154
<i>Definition de mocquerie. . . . .</i>	155
<i>Diuerfes especes de sotes mocqueries. . . . .</i>	"
<i>Du liure d'Agrippe inscrit de la vanité des sciences. . . . .</i>	156
<i>Trop grand lieu donné aus authorités des hommes. . . . .</i>	157
<i>De l'oculte philosophie d'Agrippe. . . . .</i>	158
<i>Cardan blasme Agrippe . . . . .</i>	"
<i>Receptes d'Agrippe. . . . .</i>	159

<i>De Platon &amp; Aristote.</i> . . . . .	160
<i>Des maîtres es arts.</i> . . . . .	▪
<i>Des folles disputes des anciens philosophes.</i> . .	161
<i>De l'Icaromenippe de Lucian.</i> . . . . .	162
<i>De l'Italien M. Antonio Phileremo Fregoso qui a escrit du ris de Democrite.</i> . . . . .	▪
<i>Discours sur le liure d'Erasmus inscrit la louange de folle.</i> . . . . .	▪
<i>Pourquoi nous devons estre esmeus à apprendre les langues estrangeres.</i> . . . . .	166
<i>Vice des François.</i> . . . . .	167
<i>De ceus qui ont affecté d'écrire obscurément.</i> . .	168
<i>De la mort de Peregrin philosophe ciniqu'</i> . . .	169
<i>De l'affection d'immortalité.</i> . . . . .	171
<i>De ceus qui veulent estre immortalizés apres leur mort.</i> . . . . .	▪
<i>Les auteurs principaus des religions.</i> . . . . .	173
<i>De la cautelle &amp; méchanceté de Mahomet.</i> . . .	183
<i>La seule religion chrestienne estre seure &amp; veri- table.</i> . . . . .	184





## INDEX

**AGGRAVÉE**, 128. Pleine.

**ANAXIMÈNE**, 128. Selon d'autres, la mésaventure rapportée par Tahureau, serait arrivée à Anaximandre, le maître d'Anaximène. La Fontaine s'en est inspiré pour écrire la fable de l'Âstrologue qui s'est laissé choir dans un puits.

**ANGERS**, 23.

Le croy que vous venez d'Angers, signifie : Vous me paraissez un libertin. On difait d'Angers :

Basse ville & hauts clochers,  
Riches p....., pauvres écoliers ;

& des Angevins :

Angevin  
Sac à vin,  
Angevine,  
Sac à....

**BAIGNER** (se-à), 43. Prendre grand plaisir à.

**BELISTRE**, 133, 137. Mendiant, gueux.

**BELLAY** (Joachim du). L'Anterotique de la vieille & de la jeune amye, citée p. 43, a paru pour la première fois, en 1549, dans l'édition originale de *l'Oliue & autres œuvres poétiques*. Paris, Arnoul Langelier, in-8°.

Le vers : Aueugle, muet & fourd, p. 70, comme du reste l'indique l'auteur, est tiré du *Discours sur la louange de la vertu & sur les diuers erreurs des hommes*, à Salmon Macrin, St. 19.

Le sixain : C'est vne belle science, p. 92, est emprunté à la même pièce, st. 25, qui a été publiée pour la première fois avec le *Quatriesme liure de l'Eneide de Virgile*. Paris, Vincent Certenas, 1552, dans les autres œuvres de l'invention du traducteur.

BIETRIS, 36. Une des femmes du roman du *Cheualier au Cygne*, ou celle du vers de Villon :

*Berthe au grand pied, Bietris, Allys.*

BLAYS, 23.

Vous nous en voulez conter, vous venez de Blays :

Le Roux de Lincy (*Proverbes français*) ajoute : Vous voulez rire, comme s'il y avait une virgule avant ces trois mots, dans le texte original des Dialogues. Il y a là une altération de la pensée de l'auteur : Vous voulez faire le beau parleur & vous venez de Blays.

CAHUET, 164. Capuchon.

CAIMANS, 135. Mendians.

CARESME (Amoureux de), 22. Amant timide. *One thats afraid to touch his mistresse*. Cotgrave.

CATON, 96.

En toute sa vie, il s'estoit repenty de trois choses. La première, s'il auoit iamais dit aucune chose de secret à femme : la seconde, s'il estoit onques allé par eau là ou il eust pu aller par terre : la troisième, s'il auoit passé vn iour entier sans rien faire.



- Plutarque. *Vies des hommes illustres*. Marcus Cato. Tr. d'Amyot. Paris, Vascosan, 1567, in-8<sup>o</sup>, p. 1265.
- CENOMANIQUE. Manseau.
- CHÈRE. Vifage, mine. — Contrefaite, 83 ; — Basse, 86.
- CHIMAGRÉE, 179. Simagrée. *Wry Mouth*. Cotgrave. On disait de même chiffler pour siffler.
- Il meritaſt au Louure eſtre chiffié des pages*  
REGNIER, sat. X.
- COQUIN. Pauvre diable, mendiant. *Beggar, poor ſnake*. Cotgrave. Il vaut mieux être coquin que coquin, dit un proverbe que l'on trouve ailleurs ainsi traduit : Il vaut mieux porter des cornes qu'une beface.
- COSTEAU (Pierre). Les vers cités p. 77, sont tirés de la traduction française du *Pégme* par Lanteaume de Romieu. Lyon, Macé Bonhomme, 1555, p. 17. Le texte original avait paru la même année chez le même libraire.
- COUPEAU, 161. Sommet.
- CROUILLET, 22. Verrou. On remarque aussi la forme Courrail dans Rabelais, *Pantagruel*, liv. IV, ch. 6 :  
S'il vous plait, dist Panurge, m'en vendrez vn i'en feray bien fort tenu au courrail de vostre huys.
- DANCE (Basse), 52. Ainsi appelée par opposition à la danse des acteurs sur la scène & des baladins sur les tréteaux. La Pavane était par excellence un des plus purs types du genre.
- DELAÏER, 102. Différer.
- DÉMOCRITIC, 139, lig. 17. Il faut donq'... Dans les premières éditions des Dialogues, cet alinéa se rattache à tort au précédent.

DEMOSTHÈNE, 134. Tahureau se trompe quand il fait dire au Démocritic, que Démosthène eut pour mère une revenderesse de choux & qu'Euripide était le fils d'un coutelier. Il a été induit en erreur par ce passage de Valère Maxime, l. 3, c. 4 : *Quam matrem Euripides aut quem patrem Demostenes habuerit,..... alterius autem matrem olera, alterius patrem cultellos venditasse omnium pene doctorum litteræ loquuntur*, dans lequel, le premier *alterius* désigne Euripide & non pas Démosthène.

DIABLE (Le Petit). Buvette du Palais.

ECOUTANS (Aduocas). Stagiaires.

ESSARS (Seigneur des), 28. Traducteur des huit premiers livres d'Amadis de Gaule. L'éloge que Tahureau fait de cet écrivain, en grande réputation de son vivant, est confirmé par Estienne Pasquier. Liv. 7, ch. 5, des *Recherches*.

FACIENDES, 146. On difait aussi Facendes. Affaires, projets.

FAITIS, 160. Qui va bien, qui sied.

FEMME (Superfluité de la), 10. Pour l'intelligence de ce passage, voir la 19<sup>e</sup> matinée de Cholière, *de la Trêve conjugale*.

FREGOSO (Phileremo), 162. Auteur de plusieurs ouvrages dont le premier en date est précisément celui que cite Tahureau. Publié à Milan en 1506, il porte pour titre : *Riso di Democrito e pianto di Heraclito*, & il a été traduit en vers par Michel d'Amboise. Paris, Arnoul Langelier, 1547.

- FROIDS & MALÉFICIÉS (Estre dutitre des), 20. Souffrir de l'incommodité décrite dans les traités d'astrologie & de médecine judiciaire, au titre *De Frigidis & maleficiatis*.
- GAYAC (Saint bois de). Voir, sur ce spécifique contre les maladies vénériennes, les *Diuerfes leçons* de Loys Guyon. Lyon, 1610, liv. 4, ch. 6.
- GOVAIN ou plutôt GAUVAIN, 36. Personnage dont les amours font le sujet d'un roman héroïque décrit par Brunet, *Manuel du libraire*, dernière édition, tom. 2, col. 1508. Il en est également question dans l'*Histoire de Giglan, son fils* & dans le *Roman du Vaillant Perceval le Gallois*. Enfin M. Hippeau a publié en 1862, chez Aubry, le poëme du Trouvère Raoul, *Messire Gauvain ou la vengeance de Raguidel*, in-8.
- GRELOT (Trembler le), grelotter. *To quake for cold*. Cotgrave. Trembler de froid. Oudin. *Curiosités françoises*.
- HILLOT, 82. Même mot que Fillot, par un adoucissement de l'F. Garçon. *Fellow*, Cotgrave.
- IAQUÉS. JACQUETS. Flatteurs. *Clawbacke*. Cotgrave.
- LOBET, 21. Niais. Le primitif est Job ou Jobe, que l'on trouve dans Noël du Fail, *Propos rustiques*, ch. 6, & d'Aubigné, *Confession de Sancy*, l. 2, ch. 1<sup>re</sup>. Des diminutifs Jobard, Jobet & Jobelin, le dernier n'a rien gagné à la querelle des Jobelins & des Uraniens.
- LOUÉE. 60. Soufflet. Les éditions postérieures donnent : Louée (1568) & Louë (1602).

LOVIALE, 168. De Jupiter.

LUVENAL, 151. Voici le vers auquel il est fait allusion dans ce passage :

*Perpetuo risu pulmonem agitare solebat  
Democritus...* (Sat. X, v. 33.)

Il n'a pas le sens outré que lui donne le Démocritic.

LANGARS, 163. Bavards.

LUCIAN. Tychiade, 120; Icaroménippe, 126; Timon, 134; Prothée Peregrin, 169. Tous ces noms, sauf le premier, figurent en tête de dialogues ou de discours de Lucien. Tychiade est un personnage du dialogue intitulé *le menteur* ou *l'Incrédule*. Enfin, c'est à l'*Apologie pour ceux qui vivent aux gages des grands*, qu'il faut se reporter, plutôt qu'au dialogue de Timon, pour saisir toute la pensée de Tahureau, p. 134.

MAIS QUE, 151. Pourvu que.

MESCHE (Guillaume), 91. Sobriquet indiquant une profession ou une habitude. On en trouve d'autres exemples dans les *Propos rustiques* de Noël du Fail, ch. x : Pierre Baguette, Robin Turelure & Guillemain Plumail.

MESLEZ, 94. Répandus, informés.

MISTES, 35. Mignard. *Spruce, compt.* Cotgrave.

MOLESME. Ancienne abbaye de bénédictins fondée en 1173 par Robert de Champagne. On en voit encore les ruines près de Chatillon-sur-Seine.

MUSART, 23. Oïsis, badaud, bayeur aux grues, *cessuror*, R. Estienne & Nicod.

Les pommes de muzart font, comme les raifins de la fable, des fruits que renard ou mufard peuvent contempler, mais qu'ils ne peuvent cueillir.

MUSIQUE des pieds. Musique de danfe.

NAÏE, 32. Expreflion locale désignant la gaule avec laquelle on tiffonne le feu allumé dans un four.

OREILLES (Chauvir des), 156. On difait auffi chauver. *To clape downe the eares, as a horfe, or affe doth.* Cotgrave. Remuer les oreilles.

OVIDE, 127. La fin du vers :

*Os homini fublime dedit cælumque videre*

doit être rétablie ainfi :

. . . . . *Cælumque tueri.*

Voir Métam. liv. 1, vers 85.

PAMPHILE, 35. Perfonnage dont le nom, fynonyme d'amant, est tiré de la *Fiammette amoureuse* de Boccace, publiée d'abord en latin à Padoue, en 1472, puis en italien, à Venife, en 1481. Il peut être également pris du *Liure d'amour auquel est relaté la grande amour de Pamphile & Galathée, & le moyen comme il en peut iouyr, liure très récréatif.* 1545, à Paris, de l'imprimerie de Jeanne de Marnef, vefue de feu Denis Ianot, in-16.

PEPIN (Le Roy). Buvette du Palais. Voir *Hotelleries & Cabarets* de Fr. Michel & Ed. Fournier. Paris, Séré, 1851. T. 2, p. 45.

PIETRE. Avant d'avoir le fens de misérable, chétif, ce mot désignait, parmi les gueux, ceux qui *truchent sur*

*potences*, c'est-à-dire ceux qui ayant les jambes ou les bras rompus, mendient, en se trainant sur des béquilles. V. Fr. Michel. Dict. d'Argot, p. 319. Le dérivé *Pietraille* était synonyme d'infanterie pour les gens de cheval qui voient un éclopé dans tout homme à pied.

POUSSÉ, 72. Aigri. *Turned*. Cotgrave.

QUINQUAILLE, 13. Pièce de monnaie. *Chinkes*, *coyne*, aussi *oldyron*. Cotgrave.

R. Abréviation pour *Recipe*. Ordonnance de médecin.

RABELAIS, 71.

RAGOT, 133. Orateur de carrefour qui, si l'on en croit Henri Estienne (Dialogues du langage françois italianisé, Envers, 1579, p. 219), n'eut pas moins d'admirateurs que Pathelin. Voir aussi *Pantagruel*, liv. 2, ch. 11, & les remarques de Le Duchat.

RANCS (Tenir sur les), 20. Brocarder. *To gibe*. Cotgrave. On disait aussi : Mettre sur les rangs, dans le sens ordinaire de parler de.

RAVISSEMENT, 81. Violence, rapine. *Rauiffant*, pillard.

Vn roy est toujours de sa nature vne beste *rauiffante*, & qui vit de proie. Plutarque, *Marcus Cato*. Tr. d'Amyot.

RAZEMENT, 26. Tout à plat.

RECREU, 110, 126. Las, épuisé.

REVOLTÉ, 120. Feuilleté.

RONSARD (Pierre de), 144. Les vers : L'un allumant... font tirés des Odes, liv. 3, od. 18, adressée à Charles

---

de Piffleu, évêque de Condom, St. 10. Edition de 1550, Paris, Guill. Cavellat.

RESTES (A toutes). 156. Pour toutes reffources.

STRIN, 3. Diamant faux. *A bastard Dyamond*. Cotgrave.


TRANSIS (Chapelle des), 169. Chapelle située sur la plate-forme du Mont-Cenis & consacrée à l'inhumation des voyageurs morts de froid en passant la montagne. Elle existait encore en 1790. Voir le *Voyage d'Italie* de de La Lande, Genève, t. 1<sup>er</sup>, p. 81.

TRIACLE, 85. Thériaque.

VENISE (Messer de). Sénateur vénitien. Voir *Contes d'Eutrapel*, VIII.

VEZE, 164. Cornemuse. *Bag-pipe*. Cotgrave.













èque  
Ottawa  
ce

The Library  
University of Ottawa  
Date due

DEC 17 1977

MAR 25 '81



MAY 1 1978



APR 07 '81  
APR 07 '81



MAR 18 1981



a39003



002343357b

CE PQ 1705

.T2D4 1871

C00 TAHUREAU, JA LES DIA

ACC# 1387914

